

МОЛИТВОСЛОВ

Содержание:

Молитвы начальные	2
Молитвы утренние	4
Молитвы на сон грядущим	15
Последование ко Святому Причащению	26
Молитвы по святом Причащении	47
Канон покаянный ко Господу нашему Иисусу Христу	52
Канон умиленный с акафистом ко Господу нашему Иисусу Христу	59
Канон молебный ко Пресвятей Богородице	75
Канон благодарный с акафистом ко Пресвятей Богородице	84
Канон и акафист святителю и чудотворцу Николаю	101
Канон Ангелу Хранителю	119
Канон Честному и Животворящему Кресту.....	126
Канон чтимый за болящего	135
Часы св. Пасхи	143
Чин литии, совершаемой мирянином	145
Чин литии, совершаемой мирянином в пасхальный период	148
Чин дванадесяти псалмов	150
Правило от осквернения.....	163

МОЛИТВЫ НАЧАЛЬНЫЕ

Аще иерей: Благословѣн Бог наш:

Аще ли не иерей: Молѣтвами святыхъ отецъ нашихъ ,
Господи Иисусе Христе , Боже наш, помилуй нас, аминь .

Слава Тебѣ , Боже наш, слава Тебѣ .

Царю Небесный , Утѣшителю , Душе истины , Иже
везде сый и вся исполняй , Сокровище благихъ и жизни
Подателю , прииди и вселися в ны, и очисти ны от всякия
скверны , и спаси , Блаже , души наша .

Святыи Боже , Святыи Крепкий , Святыи Безсмертный ,
помилуй нас. **Трижды.**

Слава Отцу и Сыну и Святому Духу , и ныне и присно
и во веки веков . Аминь .

Пресвятая Троице , помилуй нас; Господи , очисти
грехи наша ; Владыко , прости беззакония наша ; Святыи ,
посети и исцели немощи наша , имене Твоего ради .

Господи , помилуй , **трижды.** Слава , и ныне :

О тче наш, Иже еси на Небесехъ , да святится имя Твое ,
да приидет Царствие Твое , да будетъ воля Твоя , яко на
Небеси и на земли . Хлебъ наш насущный даждь нам днесь; и
остави нам долги наша , якоже и мы оставляемъ должникомъ
нашимъ ; и не введи нас во искушение , но избави нас отъ
лукаваго .

Таже: Господи , помилуй , **12.**

Слава Отцу и Сыну и Святому Духу , и ныне и присно
и во веки веков . Аминь .

Приидите , поклонимся Цареву нашему Богу .

Приидите , поклонимся и припадемъ Христу , Цареву
нашему Богу .

МОЛИТВЫ НАЧАЛЬНЫЕ

Прииди́те , поклони́мся и припаде́м Само́му Христу́ ,
Царе́ви и Бо́гу на́шему .

МОЛИТВЫ УТРЕННИЕ

Воспрянув без лености, и истрезвився, встав от сна, рцы сие:

Во імя Отца́ , и Сы́на , и Свята́го Духа́ . Ами́нь .

Посем постой мало молча, дондеже утишатся вся чувства: и тогда сотвори три поклоны, глаголя:

Господи Иисусе Христэ , Сыне Божий , помилуй мя, грешнаго .

Таже начни сие:

Моли́твами святы́х оте́ц на́ших , Господи Иисусе Христэ , Бо́же наш, помилуй нас, ами́нь .

Слава Тебе́ , Бо́же наш, слава Тебе́ .

Царю́ Небе́сный : Трисвятое и по О́тче наш:

Тропари Троичны:

Воста́вше от сна, припада́ем Ти, Бла́же , / и а́нгельскую песнь вопие́м Ти, Си́льне : / Свят, Свят, Свят еси́ , Бо́же , / Богоро́дицею помилуй нас.

Слава: От одра́ и сна воздвигл мя еси́ , Господи , / ум мой просвети́ и се́рдце , / и устне́ мои́ отве́рзи , / во е́же пети Тя, Свята́я Трои́це : / Свят, Свят, Свят еси́ , Бо́же , / Богоро́дицею помилуй нас.

И ныне: Внеза́пно Судия́ приидет , / и коего́ждо де́яния обнажа́тся , / но стра́хом зове́м в полунощи : / Свят, Свят, Свят еси́ , Бо́же , / Богоро́дицею помилуй нас.

Господи , помилуй , 12,

И молитву сию:

От сна воста́в , благода́рю Тя, Свята́я Трои́це , я́ко мно́гия ра́ди Твое́я бла́гости и долготерпе́ния не прогне́вался еси́ на мя, лени́ваго и греше́ннаго , ниже́ погубил

мя еси со беззаконіи моими ; но человеколюбо́вствовал еси́
обы́чно и в неча́янии лежа́щаго воздвигл мя еси́ , во е́же
утреневати и славословити держа́ву Твою́ . И ны́не
просвети́ мой о́чи мысленныя , отве́рзи моя́ уста́
поуча́тися словесе́м Твои́м , и разуме́ти за́поведи Твоя́ , и
творити волю́ Твою́ , и пе́ти Тя во испове́дании серде́чном ,
и воспева́ти всесвято́е імя Твое́ , Отца́ и Сы́на и Свята́го
Ду́ха , ны́не и прісно и во ве́ки веко́в . Ами́нь .

Приидіте , поклонімся Царёви нашему́ Бо́гу .

**Приидіте , поклонімся и припаде́м Христу́ , Царёви
нашему́ Бо́гу .**

**Приидіте , поклонімся и припаде́м Самому́ Христу́ ,
Царёви и Бо́гу нашему́ .**

Псалом 50:

Поми́луй мя, Бо́же , по вели́цей ми́лости Твое́й , и по
мно́жеству щедро́т Твои́х очисти́ беззаконіе моё́ .
Наипа́че омы́й мя от беззаконія моего́ , и от греха́ моего́
очисти́ мя; яко́ беззаконіе моё́ аз зна́ю , и грех мой предо́
мною́ есть вы́ну . Тебе́ Еди́ному согреших и лука́вое пред
Тобо́ю сотвори́х , яко́ да оправди́шися во словесе́х Твои́х , и
побе́диши внегда́ судити́ Ти . Се бо, в беззаконіях за́чат
есмь , и во гресех роди́ мя ма́ти моя́ . Се бо, истину́
возлю́бил еси́ ; безве́стная и та́йная премудро́сти Твоея́
яви́л ми еси́ . Окропи́ши мя иссо́пом , и очищу́ся ; омы́еши
мя, и паче́ сне́га убелю́ся . Слѣху моему́ даси ра́дость и
веселе́ние ; возра́дуются ко́сти смиренны́я . Отврати́ лице́
Твое́ от грех мои́х и вся беззаконія моя́ очисти́ . Сердце́
чисто́ созижди́ во мне, Бо́же , и дух прав обнови́ во утро́бе
мое́й . Не отве́ржи мене́ от лица́ Твоего́ и Ду́ха Твоего́
Свята́го не оты́ми от мене́ . Воздаждь ми ра́дость спасе́ния
Твоего́ и Ду́хом Влады́чним утверди́ мя . Научу́ беззаконны́я
пу́тем Твои́м , и нечестивии к Тебе́ обратят́ся . Избави́ мя от
кро́вей , Бо́же , Бо́же спасе́ния моего́ ; возра́дуется язы́к
мой правде́ Твое́й . Го́споди , устне́ мои отве́рзеши , и уста́
моя́ возвестят хвалу́ Твою́ . Яко́ а́ще бы восхотел еси́

жертвы , дал бых убо : всесожжения не благоволиши . Жертва Богу дух сокрушен ; сердце сокрушенно и смиренно Бог не унижит . Ублажи , Господи , благоволением Твоим Сиона , и да созиждутся стены Иерусалимския . Тогда благоволиши жертву правды , возношение и всесожегаемая ; тогда возложат на олтарь Твой тельцы .

Символ веры:

Вѣрую во еди́наго Бо́га Отца́ Вседержителя , Творца́ небу́ и земли́ , ви́димым же всем и неви́димым . И во еди́наго Господа́ Иису́са Христа́ , Сы́на Бо́жия , Единоро́днаго , И́же от Отца́ ро́жденнаго пре́жде всехъ вѣкъ . Свѣта́ от Свѣта́ , Бо́га и́стинна от Бо́га и́стинна , ро́жденна , несотворѣнна , единосущна́ Отцу́ , Имже́ вся бы́ша . Нас ради́ человекъ и нашего́ ради́ спасе́ния сше́дшаго с небесъ и вопло́твшагося от Ду́ха Свята́ и Мари́и Дѣвы и вочелове́чшася . Распя́таго же за ны́ при Понти́йстѣмъ Пилате́ , и страда́вша , и погребѣ́нна . И воскрѣ́сшаго в тре́тий день по Писа́нием . И возше́дшаго на Небеса́ , и се́дѣща одесну́ю Отца́ . И па́ки гряду́щаго со славою́ судити́ живымъ и ме́ртвымъ , Его́же Ца́рствию не бу́дет ко́нца . И в Ду́ха Свята́го , Господа́ , Животворя́щаго , И́же от Отца́ исхо́дѣющаго , И́же со Отце́мъ и Сы́номъ спокля́ема и ссла́вима , глаго́лавшаго проро́ки . Во еди́ну Святу́ю , Соборну́ю и Апосто́льскую Цѣ́рковь . Испове́дую еди́но креще́ние во оставле́ние грѣхо́въ . Чаю́ воскресе́ния ме́ртвыхъ , и жи́зни бу́дущаго вѣ́ка . Ами́нь .

Молитва 1, святого Макария Великаго:

Бо́же , очисти́ мя грѣ́шнаго , я́ко николи́же сотвори́х благо́е предъ Тобо́ю , но изба́ви мя от лука́ваго , и да бу́дет во мнѣ́ во́ля Твоя́ ; да неосу́ждено́ отвѣ́рзу уста́ моя́ недостойна́я и восхва́лю имя́ Твое́ свято́е , Отца́ и Сы́на и Свята́го Ду́ха , ны́не и при́сно и во вѣ́ки веко́въ . Ами́нь .

Молитва 2, тогожде святаго:

От сна воста́в , полунощную песнь приношу́ Ти, Спа́се , и припада́я во́пию Ти: не даждь ми усну́ти во грехо́вней сме́рти , но уще́дри мя, распы́йся волею , и лежа́щаго мя в ле́ности ускори́в возстави́ , и спаси́ мя в предстоя́нии и моли́тве , и по сне но́щнем возсия́й ми день безгре́шен , Христе́ Бо́же , и спаси́ мя.

Молитва 3, тогожде святаго:

К Тебе́ , Влады́ко , Человеколю́бче , от сна воста́в прибега́ю , и на дела́ Твоя́ подвиза́юся милосе́рдием Твои́м , и молю́ся Тебе́ : помози́ ми на всякое вре́мя , во всякой ве́щи , и избави́ мя от всякия́ мирския́ злы́я ве́щи и диаво́льскаго поспеше́ния , и спаси́ мя, и введи́ в Ца́рство Твое́ ве́чное . Ты бо еси́ мой Сотвори́тель и всякому́ благу́ Про́мысленник и Подате́ль , о Тебе́ же все упова́ние моё́ , и Тебе́ сла́ву возсылаю́ , ны́не и при́сно и во ве́ки веков . Ами́нь .

Молитва 4, тогожде святаго Макария:

Го́споди , И́же мно́гою Твое́ю благода́тию и вели́кими щедро́тами Твои́ми дал еси́ мне, рабу́ Твоему́ , мимоше́дшее вре́мя но́щи сея́ без напа́сти преи́ти от всяка́го зла́ противна́ ; Ты Сам, Влады́ко , всяческих Творче́ , сподоби́ мя и́стинным Твои́м све́том и просвеще́нным се́рдцем твори́ти волю́ Твою́ , ны́не и при́сно и во ве́ки веков . Ами́нь .

Молитва 5, святаго Василия Великаго:

Го́споди Вседержи́телю , Бо́же сил и всякия́ плоти́ , в вы́шних живы́й и на смиренны́я призира́й , сердца́ же и утробы́ испыту́й и сокро́венная челове́ков я́ве предве́дый , Безнача́льный и Присносу́щный Све́те , у Него́ же несть премене́ния , или́ прело́жения осене́ние ; Сам, Безсме́ртный Ца́рю , приими́ моле́ния на́ша , я́же в настоящее́ время , на мно́жество Твои́х щедро́т держа́юще , от скве́рных к Тебе́

устѣн творимъ , и остави намъ прегрѣшенія наша , яже деломъ , и словомъ , и мыслію , веденіемъ , или неведеніемъ согрѣшенная нами ; и очисти ны отъ всякія скверны плоти и духа . И даруй намъ бодреннымъ сердцемъ и трезвенною мыслію всю настоящаго житія ночь прейти , ожидающимъ пришествія свѣтлаго и явленнаго дне Единороднаго Твоего Сына , Господа и Бога и Спаса нашего Иисуса Христа , в онѣже со славою Судія всехъ придетъ , комуждо отдати по деломъ его ; да не падше и обленившеся , но бодрствующе и воздвигнени в делание обрящемся готови , в радость и Божественный чертогъ славы Его совнидемъ , идеже празднующихъ гласъ непрестанный , и неизреченная сладость зрящихъ Твоего лица доброту неизреченную . Ты бо еси истинный Светъ , просвѣщай и освящай всяческая , и Тя поетъ вся тварь во веки вековъ . Аминь .

Молитва 6, тогоже святаго:

Тя благословимъ , вышній Боже и Господи милости , творящаго присно с нами великая же и неизслѣдованная , славная же и ужасная , ихже несть числа , подавшаго намъ сонъ во упокоеніе немощи нашея , и ослабленіе трудовъ многотрудныя плоти . Благодаримъ Тя , яко не погубилъ еси насъ со беззаконіи нашими , но человеколюбствовалъ еси обычно , и в нечаянии лежащія ны воздвигл еси , во еже славословити державу Твою . Темже молимъ безмѣрную Твою благодать , просвети наша мысли , очеса , и умъ нашъ от тяжкаго сна лѣности возстави : отверзи наша уста , и исполни я Твоего хваления , яко да возможемъ непоколеблемо пѣти же и исповѣдаться Тебѣ , во всехъ , и от всехъ славимому Богу , Безначальному Отцу , со Единороднымъ Твоимъ Сыномъ , и Всесвятымъ и Благимъ и Животворящимъ Твоимъ Духомъ , ныне и присно и во веки вековъ . Аминь .

Молитва 7. Песнь ко Пресвятей Богородице:

Воспеваю́ благода́ть Твою́ , Влады́чице , молю́ Тя , ум мой облагодати́ . Ступати́ право́ мя настави́ , путе́м Христо́вых за́поведей . Бде́ти к пе́сни укрепи́ , уны́ния сон отгоня́ющи . Свя́зана плени́цами грехопаде́ний , мо́льба́ми Твои́ми разреши́ , Богоневе́сто . В но́щи мя и во дни сохра́няй , борю́щих враг изба́вляющи́ мя . Жизнода́теля Бо́га ро́ждшая , умерщвле́на мя стра́стми оживи́ . Я́же Свет невече́рний ро́ждшая , ду́шу мою́ ослепшу́ю просвети́ . О дивна́я Влады́чнн пала́то , дом Ду́ха Божества́нна мене́ сотвори́ . Врача́ ро́ждшая , уврачу́й ду́ши моея́ многоле́тныя стра́сти . Волну́ющаяся житейско́ю бу́рею , ко стези́ мя пока́яния напра́ви . Изба́ви мя огня́ ве́чнующаго , и че́рвия же зла́го , и та́ртара . Да мя не яви́ши бесо́м радование́ , и́же мно́гим грехо́м повинника́ . Но́ва сотвори́ мя , обетшавша́го нечу́вственными , Пренепоро́чная , согреше́нии . Стра́нна му́ки вся́кия покажи́ мя , и всех Влады́ку умоли́ . Небе́сная ми улу́чити весе́лия , со все́ми святы́ми , сподо́би . Пресвя́тая Де́во , услы́ши глас непотре́бнаго раба́ Твоего́ . Струю́ давай́ мне слеза́м , Пре́чистая , ду́ши моея́ скверну́ очища́ющи . Стенания́ от сердца́ приношу́ Ти непреста́нно , усердствуй , Влады́чице . Моле́бную службу́ мою́ приими́ , и Бо́гу благоутро́бному принеси́ . Превы́шшая Ангел , мирска́го мя превы́шша слити́я сотвори́ . Светоно́сная Се́не небе́сная , духо́вную благода́ть во мне напра́ви . Ру́це возде́ю и устне́ к похвале́нию , оскверне́ны скверно́ю , Всенепоро́чная . Душетле́нных мя пакостей́ изба́ви , Христа́ приле́жно умоля́ющи ; Ему́же че́сть и поклоне́ние подоба́ет , ны́не и при́сно и во ве́ки веко́в . Ами́нь .

Молитва 8, ко Господу нашему Иисусу Христу:

Многоми́лостиве и Всеми́лостиве Бо́же мой, Го́споди Иису́се Христе́ , мно́гия ра́ди любви́ сшел и воплоти́лся

еси́ , я́ко да спасе́ши всех. И па́ки , Спа́се , спаси́ мя по благода́ти , молю́ Тя; а́ще бо от дел спасе́ши мя, несть се благода́ть и дар, но долг паче . Ей, мно́гий в щедро́тах и неизрече́нный в ми́лости ! Ве́руй бо в Мя, рекл еси́ , о Христе́ мой, жив бу́дет и не узрит сме́рти во ве́ки . А́ще убо ве́ра , яже в Тя, спасае́т отчая́нныя , се ве́рую , спаси́ мя, я́ко Бог мой еси́ Ты и Созда́тель . Ве́ра же вме́сто дел да вменится́ мне, Бо́же мой, не обря́щеши бо дел отню́д оправда́ющих мя. Но та ве́ра моя́ да довле́ет вме́сто всех, та да отве́щает , та да оправди́т мя, та да пока́жет мя прича́тника славы Твоея́ ве́чныя . Да не убо похити́т мя сатана́ , и похвалится́ , Сло́ве , е́же отторгну́ти мя от Твоея́ руки́ и огра́ды ; но или́ хо́щу , спаси́ мя, или́ не хо́щу , Христе́ Спа́се мой, предвари́ скоро́ , скоро́ погибо́х : Ты бо еси́ Бог мой от чре́ва матере́ моея́ . Сподоби́ мя, Го́споди , ны́не возлю́бити Тя, я́коже возлю́бих ино́гда той са́мый грех; и па́ки порабо́тати Тебе́ без ле́ности то́щно , я́коже порабо́тах пре́жде сатана́ лъсти́вому . Наипа́че же порабо́таю Тебе́ , Го́споду и Бо́гу моему́ Иису́су Христу́ , во вся дни живота́ моего́ , ны́не и при́сно и во ве́ки веко́в . Ами́нь .

Молитва 9, к хранителю человеческия жизни Ангелу:

Святы́й А́нгеле , предсто́й, ока́янной мое́й ду́ши и стра́стной мое́й жи́зни , не остави́ мене́ грешна́го , ниже́ отступи́ от мене́ за невозде́ржание моё . Не даждь ме́ста лука́вому де́мону облада́ти мно́ю , наси́льством сме́ртнаго сего́ телесе́ ; укрепи́ бедствующую́ и худую́ мою́ ру́ку и наста́ви мя на путь спасе́ния . Ей, святы́й А́нгеле Бо́жий , храните́лю и покровите́лю ока́янныя моея́ ду́ши и тела́ , вся мне прости́ , ели́кими тя оскорби́х во вся дни живота́ моего́ , и а́ще что согреших в прешедшую́ но́щь сию́ , покрый́ мя в настоя́щий де́нь, и сохрани́ мя от всяка́го искуше́ния противна́го , да ни в ко́ем гресе́ прогне́ваю Бо́га , и моли́ся

за мя ко Господу , да утвердит мя в страхе Своем , и достойна покажет мя раба Своея благодати . Аминь .

**Молитва утренняя конечная,
ко Пресвятей Богородице:**

Пресвятая Владычице моя Богородице , святыми Твоими и всесильными мольбами отжени от мене , смиренного и окаянного раба Твоего , уныние , забвение , неразумие , нерадение , и вся скверная , лукавая и хульная помышления от окаянного моего сердца и от помраченного ума моего ; и погаси пламень страстей моих , яко нищ есмь и окаянен . И избави мя от многих и лютых воспоминаний и предприятий , и от всех действий злых свободи мя . Яко благословена еси от всех родов , и славится пречестное имя Твое во веки веков . Аминь .

**Молитвенное призывание святого,
имя которого носиши:**

Моли Бога о мне, святыи угодниче Божий (имярек), яко аз усердно к тебе прибегаю , скорому помощнику и молитвеннику о душе моей .

Песнь Пресвятей Богородице:

Богородице Дево , радуйся , / Благодатная Марие , Господь с Тобою ; / благословена Ты в женах / и благословен Плод чрева Твоего , / яко Спаса родила еси душ наших .

Тропарь Кресту и молитва за Отечество:

Спаси , Господи , люди Твоя , / и благослови , достояние Твое , / победы на сопротивных даруя , / и Твое сохраняя Крестом Твоим жительство .

Молитва о живых:

Спаси , Господи , и помилуй рабов Твоих : отца моего духовнаго (имярек), родителей моих (имярек), сродников

(имярек), начальников , наставников , благодетелей (имярек) и всех православных христиан .

Молитва о усопших:

Упокой , Господи , души усопших раб Твоих : родителей моих , сродников , благодетелей (имярек), и всех православных христиан , и прости им вся согрешения вольная и невольная , и даруй им Царствие Небесное .

Достойно есть яко воистинну блажити Тя, Богородицу , / Присноблаженную и Пренепорочную и Матерь Бога нашего . / Честнейшую Херувим и славнейшую без сравнения Серафим , / без исления Бога Слова рождшую , сущую Богородицу Тя величаем .

Таже: Слава , и ныне : Господи , помилуй , **трижды.**

Благослови. И отпусти.

Господи , Иисусе Христе , Сыне Божий , моли́тв ради Пречистыя Твоея Матере , преподобных и богоносных отец наших и всех святых , спаси мя, грешнаго .

Помянник о живых:

Помяни́ , Господи Иисусе Христе , Бо́же наш, ми́лости и щедроты Твоя́ от века́ сущия , ихже ради́ и вочеловечи́лся еси́ , и распя́тие и смерть, спасе́ния ради́ право́ в Тя верующих , претерпѣти изволил еси́ ; и воскрес из мѣртвых , возне́слся еси́ на Небеса́ и седи́ши одесну́ю Бо́га Отца́ , и призира́еши на смире́нныя мо́льбы́ всемъ се́рдцем призыва́ющих Тя. Приклони́ ухо́ Твое́ , и услы́ши смире́нное мо́ление мене́ , непотре́бнаго раба́ Твоего́ , в воню́ благоуха́ния духо́внаго , Тебе́ за вся лю́ди Твоя́ принося́щаго . И в пе́рвых помяни́ Це́рковь Твою́ Святу́ю , Собо́рную и Апосто́льскую , ю́же снабде́л еси́ честною Твое́ю Кро́вию , и утверди́ , и укрепи́ , и расшири́ , умно́жи , умири́ , и непребориму́ а́довыми врата́ во веки сохрани́ ; разди́рания Це́рквей утиши́ , шата́ния язы́ческая угаси́ , и

ересей востанія скоро разорѣи и искорени , и в ничтоже силою Святаго Твоего Духа обрати .

Спаси , Господи , и помилуй богохранимую страну нашу , власти и воинство ея , да тихое и безмолвное житіе поживем во правобѣрии , и во всяком благочестіи и чистотѣ .

Спаси , Господи , и помилуй Великаго Господина и Отца нашего Святейшего Патриарха Алексія , и святейшія вселенскія патриархи , преосвященныя митрополиты , архиепископы и епископы православныя , иереи же и диаконы , и весь причет церковный , яже поставил еси пасти словесное Твое стадо , и молитвами их помилуй и спаси мя грешнаго .

Спаси , Господи , и помилуй отца моего духовнаго (имярек) , и святыми его молитвами прости моя согрешения .

Спаси , Господи , и помилуй родители моя (имярек) , братію и сестры , и сродники моя по плоти , и вся ближнія рода моего , и други , и даруй им мирная Твоя и премирная блага .

Спаси , Господи , и помилуй старцы и юныя , нищія и сироты и вдовицы , и сущія в болѣзни и в печалех , бедах же и скорбех , обстояніих и плененіих , темницах же и заточеніих , изряднее же в гоненіих , Тебѣ ради и веры православныя , от языкъ безбожныхъ , от отступникъ и от еретиковъ , сущія рабы Твоя , и помяни я , посети , укрепи , утеши , и вскоре силою Твоею ослабу , свободу и избаву им подаждь .

Спаси , Господи , и помилуй посланныя в службу , путешествующія , отцы и братію нашу , и вся православныя христианы .

Спаси , Господи , и помилуй ихже аз безуміемъ моимъ соблазнихъ , и от пути спасительнаго отвратихъ , к деломъ злымъ и неподобнымъ приведохъ ; Божественнымъ Твоимъ Промысломъ к пути спасенія паки возврати .

Спаси́ , Го́споди , и поми́луй ненави́дящия и оби́дящия мя, и творя́щия ми напа́сти , и не оста́ви их поги́бнути мене́ ради , грешнаго .

Отступив́шия от правосла́вныя ве́ры и поги́бельными ересьми́ ослепле́нныя , све́том Твоего́ позна́ния просвети́ и Святе́й Твое́й Апосто́льстей Собо́рней Це́ркви причти́ .

О усопших:

Помяни́ , Го́споди , от жити́я сего́ отше́дшия право́верныя ца́ри и ца́рицы , благове́рныя князи́ и княги́ни , , святе́йшия патриа́рхи , преосвяще́нныя митрополи́ты , архиепи́скопы и епи́скопы правосла́вныя , во иере́йстем же и в причте́ церко́внем , и мона́шестем чине́ Тебе́ послужив́шия , и в ве́чных Твои́х селёниих со святы́ми упоко́й .

Помяни́ , Го́споди , ду́ши усо́пших раб Твои́х , роди́телей моих , (имярек), и всех сро́дников по плóти ; и прости́ их вся согреше́ния во́льная и нево́льная , даруя им Ца́рствие и прича́стие ве́чных Твои́х благих и Твое́я безконече́нныя и блаже́нныя жи́зни наслажде́ние .

Помяни́ , Го́споди , и вся в наде́жди воскресе́ния и жи́зни ве́чныя усо́пшия , отцы́ и бра́тию на́шу , и сестры́ , и zde лежаш́ия и повсю́ду , правосла́вныя христиа́ны , и со святы́ми Твои́ми , иде́же присеща́ет свет лица́ Твоего́ , всели́ , и нас поми́луй , я́ко Благ и Чело́веколюбец . Ами́нь .

По́даждь , Го́споди , оста́вление грехо́в всем пре́жде отше́дшим в ве́ре и наде́жди воскресе́ния , отце́м , бра́тиям и сестрам на́шим и сотвори́ им ве́чную па́мять . Трижды.

МОЛИТВЫ НА СОН ГРЯДУЩИМ

Аще иерей, глаголет: Благословѣн Бог наш:

Аще ли не иерей: Молѣтвами святыхъ отецъ нашихъ ,
Господи Иисусе Христе , Боже наш, помилуй нас, аминь .

Царю Небесный : Трисвятое: Отче наш:

Тропари сия:

Помилуй нас, Господи , помилуй нас; / всякаго бо отвѣта
недоумѣюще , / сию Ти молѣтву яко Владыце , грѣшнии
приносим : / помилуй нас.

Слава: Господи , помилуй нас, / на Тя бо уповахом ; / не
прогневайся на ны зело , / ниже помяни беззаконий нашихъ ,
/ но призри и ныне яко благоутробен , и избави ны от врагъ
нашихъ ; / Ты бо еси Бог наш, и мы людие Твои , / вси дела
руку Твоею , и имя Твое призываем .

И ныне: Милосердія двѣри отвѣрзи нам, /
благословенная Богородице , / надеющіися на Тя да не
погибнем , / но да избавимся Тобою от бед: / Ты бо еси
спасение рода христианскаго .

Таже: Господи , помилуй , 12.

Молитва 1, святаго Макария Великаго, к Богу Отцу:

Боже вечный и Царю всякаго создания , сподобивый мя
даже в час сей dospѣти , прости ми грехи , яже сотворихъ в
сей день делом , словомъ и помышлѣниемъ , и очисти , Господи ,
смирненную мою душу от всякия скверны плоти и духа . И
даждь ми, Господи , в нощи сей сонъ преити в мирѣ , да воставъ
от смирненнаго ми ложа , благоугожду пресвятому имени
Твоему , во вся дни живота моего , и поперу борющія мя
враги плотскія и безплотныя . И избави мя, Господи , от
помышлѣний суетныхъ , оскверняющихъ мя, и похотей

лукавых . Яко Твое́ есть ца́рство , и си́ла и сла́ва , Отца́ и Сы́на и Свята́го Ду́ха , ны́не и прісно и во ве́ки веко́в . Ами́нь .

Молитва 2, святаго Антиоха, ко Господу Иисусу Христу:

Вседержителю , Слово́ Отчее , Сам соверше́н сый, Иису́се Христе́ , мно́гаго ра́ди милосе́рдия Твое́го никогда́же отлуча́йся мене́ , раба́ Твое́го , но всегда́ во мне почи́вай . Иису́се , до́брый Па́стырю Твои́х овец , не преда́ждь мене́ крамо́ле зми́ине , и жела́нию сатани́ну не остави́ мене́ , яко се́мя тли во мне е́сть . Ты у́бо , Го́споди Бо́же покланя́емый , Царю́ Святы́й , Иису́се Христе́ , спя́ща мя сохрани́ немерца́ющим све́том , Ду́хом Твои́м Святы́м , И́мже освяти́л еси́ Твоя́ ученики́ . Даждь , Го́споди , и мне , недостойно́му рабу́ Твоему́ , спасе́ние Твое́ на ло́жи моём : просвети́ ум мой све́том разума́ свята́го Ева́нгелия Твое́го , ду́шу любо́вию Креста́ Твое́го , се́рдце чистото́ю словесе́ Твое́го , те́ло моё Твое́ю стра́стию безстра́стною , мы́сль мою́ Твои́м смире́нием сохрани́ , и воздви́гни мя во вре́мя подобно́ на Твое́ славосло́вие . Яко препросла́влен еси́ со Безнача́льным Твои́м Отце́м и с Пресвяты́м Ду́хом во ве́ки . Ами́нь .

Молитва 3, ко Пресвятому Духу:

Го́споди , Царю́ Небе́сный , Уте́шителю , Ду́ше и́стины , уми́лосе́рдися и поми́луй мя грешна́го раба́ Твое́го , и отпусти́ ми недостойно́му , и прости́ вся , елика́ Ти согреших́ днесь́ яко́ челове́к , па́че же́ и не яко́ челове́к , но и горее́ скота́ , во́льныя моя́ грехи́ и нево́льныя , ве́домыя и неве́домыя : яже́ от юности́ и от нау́ки злы́, и яже́ суть́ от на́гльства́ и уны́ния . Аще́ и́менем Твои́м кля́хся́ , или́ поху́лих е́ в помы́шлении́ моём ; или́ ко́го укори́х ; или́ оклевета́х ко́го гне́вом моим , или́ опечали́х , или́ о чем прогне́вахся ; или́ солга́х , или́ безго́дно спах , или́ ни́щ прии́де ко мне , и презре́х его́; или́ брата́ моего́ опечали́х ,

или́ свади́х , или́ когó осуди́х ; или́ развелича́хся , или́ разгорде́хся , или́ разгне́вахся ; или́ стоя́щу ми на моли́тве , ум мой о лукавствии́ ми́ра сего́ подви́жеся , или́ развра́щение помысли́х ; или́ объядо́хся , или́ опих́ся , или́ без ума́ смея́хся ; или́ лукавое помысли́х , или́ доброту́ чуждо́у ви́дев , и тою́ уязвен бых се́рдцем ; или́ неподобная глагола́х , или́ греху́ брата моего́ посмея́хся , моя́ же суть безчи́сленная согреше́ния ; или́ о моли́тве не ради́х , или́ ино́ что соде́ях лукавое , не по́мню , та бо вся и больша́ сих соде́ях . Поми́луй мя , Творче мой Влады́ко , уны́лаго и недостойна́го раба́ Твоего́ , и остави́ ми , и отпусти́ , и прости́ мя , яко́ Благ и Человеколюбец , да с миром ля́гу , усну́ и почи́ю , блудный , грешный и окаянный аз , и поклоню́ся , и воспою́ , и прославлю́ пречестно́е и́мя Твое́ , со Отце́м , и Единоро́дным Его́ Сыном , ны́не и присно́ и во ве́ки . Ами́нь .

Молитва 4, святого Макария Великого:

Что́ Ти принесу́ , или́ что́ Ти возда́м , великодарови́тый Безсме́ртный Царю́ , ще́дре и Человеколю́бче Го́споди , я́ко лентя́щая мене́ на Твое́ угожде́ние , и ничто́же благо сотвори́ша , привел еси́ на ко́нec мимосхе́дшаго дне сего́ , обра́щение и спасе́ние ду́ши мое́й стро́я ? Милостив ми бу́ди грешному́ и обна́женному вся́кого де́ла блага́ , возстави́ па́дшую мою́ ду́шу , оскверни́вшуюся в безме́рных согреше́ниях , и отыми́ от мене́ весь по́мысл лука́вый ви́димаго сего́ жити́я . Прости́ моя́ согреше́ния , еди́не Безгрешне , я́же Ти согреших в сей де́нь , ве́дением и неве́дением , словом , и де́лом , и помышле́нием , и все́ми моими́ чу́вствы . Ты Сам , покрыва́я , сохрани́ мя от вся́кого сопроти́внаго обстоя́ния Божественно́у Твое́ю вла́стию , и неизрече́нным человеколю́бием , и си́лою . Очи́сти , Бо́же , очи́сти мно́жество грехо́в моих . Благоволи́ , Го́споди , изба́вити мя от се́ти лука́ваго , и спаси́ стра́стную мою́ ду́шу , и осени́ мя све́том лица́ Твоего́ , егда́ при́идеши во сла́ве , и неосу́ждена ны́не сном усну́ти сотвори́ , и без

мечтания , и несму́щен по́мысл раба́ Твоего́ соблюди́ , и всю сатанину́ де́тель отжени́ от мене́ , и просвети́ ми разу́мныя очи́ сердечныя , да не усну́ в смерть . И послѣ́ ми А́нгела мирна́ , хранѣ́теля и наставника́ души́ и тѣлу моему́ , да изба́вит мя от враг моихъ ; да воста́в со одра́ моего́ , принесу́ Ти благодарственныя мо́льбы . Ей, Го́споди , услыши́ мя грѣшнаго и убо́гаго раба́ Твоего́ , изволе́нием и со́вестію ; да́руй ми воста́вшу словесе́м Твои́м поучи́тися , и уны́ние бесовское́ далече́ от мене́ отгна́но бы́ти сотвори́ Твои́ми А́нгелы ; да благословлю́ имя́ Твое́ свято́е , и просла́влю , и сла́влю Пречи́стую Богоро́дицу Марию́ , Ю́же дал еси́ нам грѣ́шным заступле́ние , и приими́ Сію́ моля́щуюся за ны́ ; вем бо , я́ко подража́ет Твое́ человеколю́бие , и моля́щися не престае́т . То́я заступле́нием , и Честна́го Креста́ зна́мением , и всехъ святы́х Твои́х ра́ди , убо́гую ду́шу мою́ соблюди́ , Иису́се Христе́́ Бо́же нашъ , я́ко Свят еси́ , и препросла́влен во ве́ки . Ами́нь .

Молитва 5:

Го́споди Бо́же нашъ , е́же согрѣ́шихъ во дни семъ сло́вомъ , де́лом и помышле́нием , я́ко Благ и Человеколю́бец прости́ ми . Мирен сон и безмяте́жен да́руй ми . А́нгела Твоего́ хранѣ́теля послѣ́ , покрыва́ющая и соблюда́ющая мя от всяка́го зла , я́ко Ты еси́ хранѣ́тель душамъ и телесе́м нашимъ , и Тебе́ сла́ву возсылае́м , Отцу́ и Сы́ну и Свято́му Ду́ху , ны́не и присно́ и во ве́ки веко́в . Ами́нь .

Молитва 6:

Го́споди Бо́же нашъ , в Него́же ве́ровахом , и Его́же имя́ па́че всяка́го имене́ призывае́м , даждь́ нам , ко́ сну отходя́щим , осла́бу души́ и тѣлу , и соблюди́ нас от всяка́го мечтания́ , и те́мныя сла́сти кро́ме ; уста́ви стремле́ние страстей́ , угаси́ разжже́ния востания́ телесна́го . Даждь́ нам целомудре́нне пожити́ де́лы и словесы́ ; да добродете́льное жи́тельство восприе́млюще , обетова́нных не отпаде́м бла́гих Твои́х , я́ко благослове́н еси́ во ве́ки . Ами́нь .

**Молитва 7,
святаго Иоанна Златоустаго:**

Господи , не лиши мене небесных Твоих благ. Господи , избави мя вечных мук. Господи , умом ли или помышлением , словом или делом согреших , прости мя. Господи , избави мя всякаго неведения и забвения , и малодушия , и окамененнаго нечувствия . Господи , избави мя от всякаго искушения . Господи , просвети мое сердце , еже помрачи лукавое похотение . Господи , аз яко человек согреших , Ты же яко Бог щедр, помилуй мя, видя немощь души моя . Господи , последи благодать Твою в помощь мне, да прославлю имя Твое святое . Господи Иисусе Христе , напиши мя раба Твоего в книзе животней и даруй ми конец благий . Господи , Боже мой, аще и ничтоже благо сотворих пред Тобою , но даждь ми по благодати Твоей положить начало благое . Господи , окропи в сердце моем росу благодати Твоея . Господи небесе и земли , помани мя грешнаго раба Твоего , студнаго и нечистаго , во Царствии Твоем . Аминь .

Господи , в покаянии приими мя. Господи , не остави мене . Господи , не введи мене в напасть . Господи , даждь ми мысль благу . Господи , даждь ми слезы и память смертную , и умиление . Господи , даждь ми помысл исповедания грехов моих . Господи , даждь ми смирение , целомудрие и послушание . Господи , даждь ми терпение , великодушие и кротость . Господи , всели в мя корень благих , страх Твой в сердце мое . Господи , сподоби мя любити Тя от всея души моя и помышления и творити во всем волю Твою . Господи , покрый мя от человек некоторых , и бесов , и страстей , и от всякия инья неподобныя вещи . Господи , веши , яко твориши , якоже Ты волиши , да будет воля Твоя и во мне грешнем , яко благословен еси во веки . Аминь .

**Молитва 8,
ко Господу нашему Иисусу Христу:**

Господи Иисусе Христэ, Сыне Божий, ради честнейшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящего обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкийся, исторгни мя от окаяинства, и утешение подаждь души моей окаянной. Всади в сердце мое творити Твоя повеления, и оставити лукавая деяния, и получитьи блаженства Твоя: на Тя бо, Господи, уповах, спаси мя.

**Молитва 9,
ко Пресвятей Богородице,
Петра инокa Студийскаго:**

К Тебе Пречистой Божией Матери аз окаянный припадая молюся: веси, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеща: неужели Господь поразит мя, и по часе паки таяжде творю; ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице, яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуда яже ненавижду, та и люблю, а благая престаю. Не попускай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасет, и вразумит, и подаст

благодать Святаго Духа , да бых аз отселе престал сквернодейства , и прочее пожил бых в повелении Сына Твоего , Ему же подобает всякая слава , честь и держава , со Безначальным Его Отцем , и Пресвятым и Благим и Животворящим Его Духом , ныне и присно , и во веки веков . Аминь .

**Молитва 10,
ко Пресвятей Богородице:**

Благого Царя благая Мати , Пречистая и Благословенная Богородице Марие , милость Сына Твоего и Бога нашего излей на страстную мою душу и Твоими молитвами настави мя на деяния благая , да прочее время живота моего без порока преиду и Тобою рай да обрящу , Богородице Дево , едина Чистая и Благословенная .

**Молитва 11,
ко святому Ангелу хранителю:**

Ангеле Христов , хранителю мой святыи и покровителю души и тела моего , вся ми прости , елика согреших во днешний день , и от всякого лукавствия противнаго ми врага избави мя , да ни в коемже гресе прогневаю Бога моего ; но моли за мя грешнаго и недостойнаго раба , яко да достойна мя покажеша благодати и милости Всесвятыя Троицы и Матере Господа моего Иисуса Христа и всех святых . Аминь .

Взбранной Воеводе победительная , / яко избавльшеся от злых , / благодарственная восписуем Ти раби Твои , Богородице , / но яко имущая державу непобедимую , / от всяких нас бед свободи , да зовем Ти ; / радуйся , Невесто Неневестная .

Преславная Приснодево , Мати Христа Бога , принеси нашу молитву Сыну Твоему и Богу нашему , да спасет Тобою души наша .

Все упованіе моё на Тя возлагаю , Мати Божія , сохрани мя под кровом Твоим .

Богородице Дёво , не презри мене , грёшнаго , требующа Твоя помощи и Твоего заступленія , на Тя бо упова душа моя , и помилуй мя.

**Таже молитва
святаго Иоанникія:**

Упованіе моё Отец , прибежище моё Сын , покров мой Дух Святыи : Троице Святая , слава Тебе .

Таже: Достойно есть яко воистинну блажити Тя , Богородицу , / Присноблаженную и Пренепорочную и Матерь Бога нашего . / Честнейшую Херувим и славнейшую без сравненія Серафим , / без исленія Бога Слова рождшую , сущую Богородицу Тя величаем .

Слава , и ныне : Господи , помилуй , **трижды**. Господи , благослови, **и отпуст:**

Господи Иисусе Христё , Сыне Божий , моли́тв ради Пречистыя Твоея Матере , преподобных и богоносных отец наших и всех святых , спаси мя , грёшнаго .

Таже, вместо прощения:

Ослаби , остави , прости , Бо́же , прегрешенія наша , вольная и невольная , яже в слове и в деле , яже в ведении и не в ведении , яже во дни и в но́щи , яже во уме и в помышлении : вся нам прости , яко Благ и Человеколюбец .

Молитва:

Ненавидящих и обидящих нас прости , Господи Человеколюбче . Благотворящим благосотвори . Братиям и сродником нашим даруй яже ко спасенію прошенія и жизнь вечную . В немощих сущия посети и исцеление даруй . Иже на мори управи . Путешествующим спутешествуй . Служащим и милующим нас грехов оставление даруй . Заповедавших нам недостойным

моли́тися о них поми́луй по вели́цей Твое́й ми́лости . Помяни́ , Го́споди , прѣ́жде усо́пших оте́ц и бра́тий на́ших и упоко́й их, иде́же присеща́ет свет лица́ Твоего́ . Помяни́ , Го́споди , бра́тий на́ших пленѣ́нных и изба́ви я́ от вся́каго обстоя́ния . Помяни́ , Го́споди , плодоно́сящих и доброде́лающих во свя́тых Твои́х це́рквах , и даждь им я́же ко спасе́нию проше́ния и жизнь вѣ́чную . Помяни́ , Го́споди , и нас, смире́нных и гре́шных и недостой́ных раб Твои́х , и просвети́ наш ум све́том разума Твоего́ , и наста́ви нас на стезю́ за́поведей Твои́х , моли́твами Пречи́стыя Влады́чицы на́шей Богоро́дицы и Присноде́вы Мари́и и всех Твои́х святы́х : я́ко благослове́н еси́ во ве́ки веко́в . Ами́нь .

Исповедание грехов повседневное

Испове́даю Тебе́ Го́споду Бо́гу моему́ и Творцу́ , во Святе́й Тро́ице Еди́ному , сла́вимому и покланя́емому , Отцу́ и Сыну́ и Свято́му Ду́ху , вся моя́ грехи́ , я́же соде́ях во вся дни живота́ моего́ , и на вся́кий час, и в настоя́щее вре́мя , и в преше́дшия дни и но́щи , де́лом , сло́вом , помышле́нием , объяде́нием , пьянством , тайнояде́нием , праздносло́вием , уны́нием , ле́ностию , прекосло́вием , непослуша́нием , оклеветани́ем , осужде́нием , небреже́нием , самолю́бием , многостяжа́нием , хи́щением , неправдоглаго́ланием , скверноприбы́тчеством , мшелоимством , ревновани́ем , зависти́ю , гне́вом , памятозло́бием , ненави́стию , лихоимством и все́ми моими́ чувствы́ : зрѣ́нием , слухом , обоня́нием , вку́сом , осяза́нием и прѣ́чими моими́ грехи́ , душе́вными вку́пе и теле́сными , ими́же Тебе́ Бо́га моего́ и Творца́ прогне́вах , и бли́жняго моего́ онеправдовах : о сих жале́я , винна себе́ Тебе́ Бо́гу моему́ представля́ю , и име́ю волю́ ка́яться : то́чию , Го́споди Бо́же мой, помози́ ми, со слеза́ми смире́нно молю́ Тя: преше́дшая же согреше́ния моя́ милосе́рдием Твои́м прости́ ми, и разреши́ от всех сих, я́же изглаго́лах пред Тобо́ю , я́ко Благо и Человеколю́бец .

**Молитва святаго Иоанна Дамаскина,
юже указуя на одр твой, глаголи:**

Владыко Человеколюбче , неужели мне одр сей гроб будет , или ещё окаянную мою душу просветиши днем? Се ми гроб предлежит , се ми смерть предстоит . Суда Твоего , Господи , боюсь и муки безконечныя , злое же творя не престаю : Тебе Господа Бога моего всегда прогневляю , и Пречистую Твою Матерь , и вся Небесныя силы , и святаго Ангела хранителя моего . Вем убо , Господи , яко недостойн есмь человеколюбия Твоего , но достоин есмь всякаго осуждения и муки . Но , Господи , или хочу , или не хочу , спаси мя . Аще бо праведника спасеши , ничтоже велие ; и аще чистаго помилуеши , ничтоже дивно : достойни бо суть милости Твоя . Но на мне грешнем удиви милость Твою : о сем яви человеколюбие Твое , да не одолеет моя злоба Твоей неизглаголанней благодати и милосердию : и якоже хочещи , устрой о мне вещь .

**И тако хотяй возлещи на постелю,
глаголи сие:**

Просвети очи мой , Христэ Боже , / да не когда усну в смерть , / да не когда речёт враг мой : / укрепихся на него .

Слава: Заступник души моя буди , Боже , / яко посреде хожду сетей многих ; / избави мя от них / и спаси мя , Блаже , яко Человеколюбец .

И ныне, Богородичен: Преславную Божию Матерь , и святых Ангел Святейшую , / немолчно воспойм сердцем и усты , / Богородицу сию исповедающе , / яко воистинну рождшую нам Бога воплощенна , / и молящуюся непрестанно о душах наших .

Таже целуй крест твой, и прекрести крестом место твое от главы до ног, также и от всех стран, глаголя:

Молитва Честному Кресту:

Да воскреснет Бог, и расточатся врази Его , и да бежат от лица Его ненавидящие Его . Яко исчезает дым, да исчезнут ; яко тает воск от лица огня , тако да погибнут беси от лица любящих Бога и знаменующихся крестным знамением , и в веселии глаголющих : радуйся , Пречестный и Животворящий Кресте Господень , прогоняяй бесы силою на тебе пропятаго Господа нашего Иисуса Христа , во ад сшедшаго и поправшего силу диаволу , и даровавшего нам тебе Крест Свой Честный на прогнание всякого супостата . О, Пречестный и Животворящий Кресте Господень ! Помогай ми со Святою Госпожею Девею Богородицею и со всеми святыми во веки . Аминь .

Или:

Огради мя, Господи , силою Честнаго и Животворящаго Твоего Креста , и сохрани мя от всякого зла.

Когда отходишь ко сну, глаголи:

В руке Твои , Господи Иисусе Христэ , Боже мой, предаю дух мой: Ты же мя благослови , Ты мя помилуй и живот вечный даруй ми. Аминь .

В оглавление

**ПОСЛЕДОВАНИЕ
КО СВЯТОМУ ПРИЧАЩЕНИЮ
БОЖЕСТВЕННЫХ ТАЙН
ТЕЛА И КРОВЕ ХРИСТОВЫ**

Аще иерей: Благословен Бог наш:

Аще же несвященный: Молитвами святых отец наших, Господи Иисусе Христе Боже наш, помилуй нас. Аминь .

Царю Небесный: Трисвятое. Пресвятая Троице: Слава, и ныне: Отче наш: Господи , помилуй , **12. Слава, и ныне: Приидите, поклонимся: трижды.**

И настоящие псалмы.

Псалом 22.

Господь пасёт мя, и ничтоже мя лишит . На месте злачне , тамо всели мя: на воде покойне воспита мя. Душу мою обрати , настави мя на стези правды , имене ради Своего . Аще бо и пойду посреде сени смертных , не убоюсь зла, яко Ты со мною еси : жезл Твой и палица Твоя , та мя утешита . Уготовал еси предо мною трапезу , сопротив стужающим мне: умастил еси елеом главу мою , и чаша Твоя упоявающи мя яко державна . И милость Твоя поженёт мя вся дни живота моего , и еже вселити ми ся в дом Господень , в долготу дней.

Псалом 23.

Господня земля , и исполнение ея , вселенная , и вси живущии на ней. Той на морях основал ю есть, и на реках уготовал ю есть. Кто взыдет на гору Господню ; или кто станет на месте святем Его ; Неповинен руками , и чист сердцем , иже не прият всуе душу свою , и не клялся лестию искреннему своему . Сей примет благословение от Господа , и милостыню от Бога Спаса своего . Сей род ищущих Господа , ищущих лице Бога Иаковля . Возмите

врата́ князи́ ва́ша , и возмѣте́ся врата́ вѣчная : и вни́дет Царь́ сла́вы . Кто е́сть сей Царь́ сла́вы ; Го́спо́дь крѣпок и силен , Го́спо́дь силен в брани́ . Возмѣте́ врата́ князи́ ва́ша , и возмѣте́ся врата́ вѣчная : и вни́дет Царь́ сла́вы . Кто е́сть сей Царь́ сла́вы ; Го́спо́дь сил, Той е́сть Царь́ сла́вы .

Псалом 115.

Вѣровах , тѣмже возглаголах : аз же смири́хся зело́ . Аз же рех во изступлѣнии́ моемъ : всякъ человекъ ложь. Что воздамъ Го́сподеви́ о всехъ, я́же воздаде́ ми? Ча́шу спасѣ́ния прииму́ , и имя́ Го́спо́дне призову́ ; моли́твы моя́ Го́сподеви́ воздамъ предъ все́ми людьми́ Его́ . Честна́ предъ Го́сподемъ смерть преподо́бныхъ Его́ . О Го́споди , аз рабъ Твой, аз рабъ Твой, и сынъ рабы́ни Твоея́ : растерза́л еси́ у́зы моя́ . Тебе́ пожру́ жертву́ хвалы́ , и во имя́ Го́спо́дне призову́ . Моли́твы моя́ Го́сподеви́ воздамъ предъ все́ми людьми́ Его́ . Во двѣ́рех до́му Го́спо́дня , посреде́ Тебе́ , Иерусали́ме .

Сла́ва , и ны́не : Аллилу́ия , **трижды. Поклоны́ три.**

И настоя́щия тропари́, гласъ 8:

Беззако́ния моя́ прѣзри́ , Го́споди , от Дѣ́вы рождѣ́йся , / и се́рдце моѐ очисти́ , храмъ то творя́ Пречи́стому Твоему́ Тѣлу́ и Кро́ви , / ниже́ отрини́ мене́ от Твоего́ лица́ , / безчисла́ имейя́ велию́ милость .

Слава: Во прича́стие святы́нь Твои́хъ ка́ко дерзну́ недостойный ? / А́ще бо дерзну́ к Тебе́ присту́пiti с достойными́ , / хитонъ мя облича́ет , я́ко несть вече́рний , / и осужде́ние исходата́йствую́ многогрѣ́шной ду́ши мое́й . / Очисти́ , Го́споди , скве́рну ду́ши мое́я , / и спаси́ мя, я́ко Чело́веколюбе́ц .

И ны́не: Мно́гая мно́жества мои́хъ , Богоро́дице , прегрѣше́ний , / к Тебе́ прибе́гохъ , Чи́стая , спасѣ́ния тре́буя : / посети́ немощствую́щую мою́ ду́шу , / и моли́ Сы́на Твоего́ и Бо́га на́шего , / да́ти ми оставле́ние , я́же соде́яхъ лю́тыхъ , / Еди́на Благосло́венная .

Во святую же и великую Четыредесятницу рцы сие:

Егда славнии ученицы на умовении вѣчери просвѣщахуся , / тогда Иуда злочестивый сребролюбіем недѣловав омрачашеся , / и беззаконным судиям Тебѣ праведнаго Судію предаѣтъ . / Виждь, имений рачителю , сих ради удавление употребивша : / бежи насытыя души , / Учителю таковая дерзнувшая . / Иже о всех благій Господи , слава Тебѣ .

Таже, псалом 50:

Помилуй мя, Бѣже , по велицей милости Твоей , и по множеству щедрот Твоих очисти беззаконіе моѣ . Наипаче омый мя от беззаконія моего , и от грѣха моего очисти мя; яко беззаконіе моѣ аз знаю , и грѣх мой предо мною есть вѣну . Тебѣ единому согрѣших и лукавое пред Тобою сотворих ; яко да оправдишися во словесех Твоих , и победиши внегда судити Ти. Се бо, в беззаконіих зачат есмь, и во грѣсѣх роди мя мати моя . Се бо, истину возлюбил еси ; безвѣстная и тайная премудрости Твоя явил ми еси . Окропиши мя иссопом , и очищуся ; омыеши мя, и паче снѣга убелюся . Слуху моему даси радость и веселіе ; возрадуются кости смиренныя . Отврати лице Твое от грѣх моих и вся беззаконія моя очисти . Сердце чисто созижди во мнѣ, Бѣже , и дух прав обнови во утробѣ моей . Не отвержи мене от лица Твоего и Духа Твоего Святаго не отыми от мене . Воздаждь ми радость спасенія Твоего и Духом Владычним утверди мя. Научу беззаконныя путем Твоим , и нечестивии к Тебѣ обратятся . Избави мя от кровей , Бѣже , Бѣже спасенія моего ; возрадуется язык мой правде Твоей . Господи , устне мои отверзши , и уста моя возвестят хвалу Твою . Яко аще бы восхотѣл еси жертвы , дал бых убо : всесожженія не благоволиши . Жертва Богу дух сокрушен ; сердце сокрушенно и смиренно Бог не уничижит . Ублажи , Господи , благоволеніем Твоим Сиона , и да созиждутся стѣны Иерусалимския . Тогда благоволиши жертву

правды , возношение и всесожегаемая ; тогда возложат на
олтарь Твой тельцы .

Канон. Глас 2.

Песнь 1.

Ирмос: Грядите , людие , / поим песнь Христу́ Богу , /
раздѣльшему море , / и наставляющему люди , / яже изведе из
работы египетския , / яко прославися .

**Сѣрдце чисто созижди во мне, Боже , и дух прав
обнови во утробе моей .**

**Хлеб живота́ вѣчнующаго да будет ми / Тѣло Твое́
Святое , благоутробне Господи , и честная Кровь, / и недуг
многообразных исцелѣние .**

**Не отвержи мене́ от лица́ Твоего́ , и Духа Твоего́
Святаго́ не отыми́ от мене́ .**

**Оскверненъ дѣлы безмѣстными окаянный , / Твоего́
Пречистаго Тѣла и Божественныя Крѣве недостоинъ есмь,
Христѣ , причащения , / егоже мя сподоби .**

Пресвятая Богородице , спаси нас.

**Землѣ благая , благословенная Богоневѣсто , / клас
прозябшая неоранный и спасительный міру , / сподоби мя,
сей ядуща , спастися .**

Песнь 3.

Ирмос: На камени мя вѣры утвердивъ , / разширилъ еси́
уста́ моя на враги́ моя . / Возвесели бо ся дух мой, внемла
пети : / несть свят, якоже Бог наш, / и несть праведенъ паче
Тебѣ , Господи .

**Сѣрдце чисто созижди во мне, Боже , и дух прав
обнови во утробе моей .**

**Слезныя ми подаждь , Христѣ , капли , / скверну сѣрдца
моего́ очищающія : / яко да благою совестию очищенъ , /
вѣрою прихожду́ и страхомъ , Владыко , / ко причащению
Божественных даровъ Твоихъ .**

Не отвержи мене от лица Твоего , и Духа Твоего Святаго не отыми от мене .

Во оставление да будет ми прегрешений / пречистое Тело Твое , и Божественная Кровь, / Духа же Святаго общение , / и в жизнь вечную , Человеколюбче , / и страстей и скорбей отчуждение .

Пресвятая Богородице , спаси нас.

Хлеба животного Трапеза Пресвятая , / свыше милости ради сщедшаго , / и миру новый живот дающего , / и мене ныне сподоби , недостойного , / со страхом вкусити сего , и живу быти .

Песнь 4.

Ирмос: Пришел еси от Девы , не ходатай , ни Ангел , / но Сам, Господи , воплощся , / и спасл еси всего мя человека . / Тем зову Ти: / слава силе Твоей , Господи .

Сердце чисто созижди во мне, Боже , и дух прав обнови во утробе моей .

Восхотел еси , нас ради воплощся , Многомилостиве , / заклан быти яко овча , грех ради человеческих ; / темже молю Тя: / и моя очисти согрешения .

Не отвержи мене от лица Твоего , и Духа Твоего Святаго не отыми от мене .

Исцели души моя язвы , Господи , и всего освяти , / и сподоби , Владыко , / яко да причащуся тайныя Твоея Божественныя вечери , окаянный .

Пресвятая Богородице , спаси нас.

Умилостиви и мене Сущаго от утробы Твоея , Владычице , / и соблюди мя нескверна раба Твоего и непорочна , / яко да прием умнаго бисера , освящуся .

Песнь 5.

Ирмос: Свѣта подателю и вековъ Творче , Гóсподи , / во свѣте Твоихъ повелѣний настави нас: / разве бо Тебѣ иного бога не знаемъ .

Сѣрдце чисто созижди во мне, Бóже , и дух прав обнови во утробе моей .

Я коже предрекл еси , Христѣ , / да будетъ убо худому рабу Твоему , / и во мне пребуди , якоже обещался еси : / се бо Тѣло Твое ямъ Божественное и пью Кровь Твою .

Не отвѣржи мене отъ лица Твоего , и Дýха Твоего Святаго не отыми отъ мене .

Слóве Бóжий и Бóже , / угль Тѣла Твоего да будетъ мне, помраченному , в просвещение / и очищение осквернённой души моей Кровь Твоя .

Пресвятая Богородице , спаси нас.

Маріе , Мати Бóжия , благоуханія честное селение , / Твоими молитвами сосудъ мя избранный соделай , / яко да освящённый причащуся Сына Твоего .

Песнь 6.

Ирмос: В бездне греховней валяясь , / неизследную милосердія Твоего призываю бездну : / отъ тли, Бóже , мя возведи .

Сѣрдце чисто созижди во мне, Бóже , и дух прав обнови во утробе моей .

Ум, дýшу и сѣрдце освяти , Спáсе , и тѣло моё , / и сподоби неосуждённо , Владыко , / к страшнымъ Тайнамъ приступити .

Не отвѣржи мене отъ лица Твоего , и Дýха Твоего Святаго не отыми отъ мене .

Да быхъ устранился отъ страстей , / и Твоея благодати имѣлъ бы приложіе , / живота же утверждение , / причащениемъ Святыхъ , Христѣ , Таинъ Твоихъ .

Пресвятая Богородице , спаси нас.

Бо́жие , Бо́же , Сло́во Свято́е , всего́ мя освяти́ , / ны́не
приходя́щаго к Боже́ственным Твои́м Та́йнам , / Святы́я
Ма́тере Твоея́ мо́льба́ми .

Кондак, глас 2:

Хлеб, Христе́ , взяти́ не прѣзри́ мя, / Тѣло Твое́ , и
Боже́ственную Твою́ ны́не Кро́вь, / пречи́стых , Влады́ко , и
стра́шных Твои́х Та́ин причасти́тся окая́ннаго , / да не
будет ми в суд, / да будет же ми в живо́т вѣчный и
безсме́ртный .

Песнь 7.

Ирмос: Тѣлу злато́му премудры́я дѣти не послужи́ша , / и
в пла́мень са́ми поидо́ша , и бо́ги их обруга́ша , / сре́ди
пла́мене возопи́ша , и ороси́ я А́нгел : / услы́шася уже́ уст
ва́ших моли́тва .

**Сѣрдце чи́сто сози́жди во мне, Бо́же , и дух прав
обнови́ во утробе́ мое́й .**

Исто́чник благи́х , причаще́ние , Христе́ , / безсме́ртных
Твои́х ны́не Та́инств / да бу́дет ми свет, и живо́т , и
безстра́стие , / и к преспе́янию же и умно́жению добродѣтели
Боже́ственнейши́я ходата́йственно , / еди́не Бла́же , я́ко да
сла́влю Тя.

**Не отве́ржи мене́ от лица́ Твоего́ , и Ду́ха Твоего́
Свята́го не отыми́ от мене́ .**

Да изба́влюся от страсте́й , и враго́в , и ну́жды , и вся́кия
ско́рби , / трѣпетом и любви́ю со благоговѣ́нием ,
Человеколю́бче , / присту́паяй ны́не к Твои́м безсме́ртным и
Боже́ственным Та́йнам , / и пе́ти Тебе́ сподо́би : /
благослове́н еси́ , Госпо́ди , Бо́же оте́ц на́ших .

Пресвята́я Богоро́дице , спаси́ нас.

Спа́са Христа́ ро́ждшая па́че ума́ , Богоблагода́тная , /
молю́ Тя ны́не , раб Твой, Чи́стую нечи́стый : / хотя́щаго мя
ны́не к пречи́стым Та́йнам присту́пити , / очисти́ всего́ от
скве́рны плоти́ и Ду́ха .

Песнь 8.

Ирмос: В пещь огненную ко отрокомъ еврейскимъ снизшедшаго , / и пламень в росу преложаго Бога , / пойте дела яко Господа , / и превозносите во вся веки .

Сърдце чисто созижди во мне, Боже , и дух прав обнови во утробе моей .

Небесных , и страшных , и Святых Твоих , Христэ , ныне Таин , / и Божественныя Твоея и тайныя вечери общника быти / и мене сподоби , отчаяннаго , Боже Спасе мой.

Не отвержи мене от лица Твоего , и Духа Твоего Святаго не отыми от мене .

Под Твое прибегъ благоутробие , Блаже , со страхомъ зову Ти : / во мне пребуди , Спасе , и аз , якоже реклеси , в Тебе ; / се бо дерзая на милость Твою , / ям Тело Твое , и пию Кровь Твою .

Пресвятая Троице , Боже наш, слава Тебе .

Трепещу , приемля огонь , / да не опалюся яко воск и яко трава . / Оле страшнаго таинства ! / Оле благоутробия Божия ! / Како Божественнаго Тела и Крове , брение , / причащаюся и нетленен сотворяюся ?

Песнь 9.

Ирмос: Безначальна Родителя Сын, Бог и Господь , / воплощся от Девы нам явися , / омраченная просветити , / обрати расточенная : / тем всепетую Богородицу величаем .

Сърдце чисто созижди во мне, Боже , и дух прав обнови во утробе моей .

Христосъ есть, вкусите и видите : / Господь нас ради , по нам бо древле бывый , / единою Себе принес , яко приношение Отцу Своему , / присно закалается , освящаяй причащающихся .

Не отвержи мене от лица Твоего , и Духа Твоего Святаго не отыми от мене .

Душею и телом да освящуся, Владыко, да просвещуся,
да спасуся, / да буду дом Твой причащением Священных
Таин, / живущаго Тя имея в себе со Отцем и Духом, /
Благодетелю Многомилостиве.

**Воздаждь ми радость спасения Твоего и Духом
Владычним утверди мя.**

Я коже огонь да будет ми и яко свет, / Тело Твое и Кровь,
Спасе мой, пречестная, / опаляя греховное вещество,
сжигая же страстей терние, / и всего мя просвещая,
поклоняться Божеству Твоему.

Пресвятая Богородице, спаси нас.

Бог воплотися от чистых кровей Твоих; / темже всякий
род поет Тя, Владычице, / умная же множества славят, /
яко Тобою яве узреша всеми Владычествующего, /
осуществовавшагося человечеством.

**И абие: Достойно есть: Трисвятое. Пресвятая Троице: По
Отче наш: Тропарь дне, аще есть праздник Христова Рождества,
или иной.**

Аще же ни, сия, глас 6:

Помилуй нас, Господи, помилуй нас; / всякаго бо ответа
недоумеюще, / сию Ти молитву / яко Владыце, грешнии
приносим: помилуй нас.

Слава: Господи, помилуй нас, / на Тя бо уповахом; / не
прогневайся на ны зело, / ниже помяни беззаконий наших,
/ но призри и ныне яко Благоутробен, / и избави ны от враг
наших; / Ты бо еси Бог наш, / и мы людие Твой, / вси дела
руку Твоею, / и имя Твое призываем.

И ныне: Милосердия двери отверзи нам, /
благословенная Богородице, / надеющиеся на Тя да не
погибнем, / но да избавимся Тобою от бед: / Ты бо еси
спасение рода христианскаго.

Таже: Господи, помилуй, 40. И поклоны, елико хочещи.

И абие настоящия стихи:

Хотя́ ясти , челове́че , Тѣло Влады́чне ,
Стра́хом приступи́ , да не опали́шися : огнь бо есть .
Божѣ́ственную же пия́ Кровь ко общѣ́нию ,
Пе́рвое примири́ся тя опеча́лившим .
Таже дерза́я , таинственное бра́шно яждь .

Ины стихи:

Пре́жде прича́стия стра́шныя жѣ́рты ,
Животворя́щаго Тѣла Влады́чня ,
Сим помоли́ся о́бразом со трѣ́петом :

Молитва Великаго Василия, 1.

Влады́ко Го́споди Иису́се Христе́ , Бо́же наш ,
Исто́чнице жи́зни и безсмер́тия , всея́ тва́ри ви́димыя и
неви́димыя Соде́телю , Безнача́льнаго Отца́
Соприсносу́щный Сы́не и Собезнача́льный , премно́гия ра́ди
благости в послѣ́днія дни в плоть оболкнѣ́йся , и распнѣ́йся , и
погребѣ́йся за ны , неблагода́рныя и злона́вныя , и Твое́ю
Кровию обновѣ́вый растлѣ́вшее грѣхѡм естество́ наше ,
Самъ , безсмер́тный Царю́ , прими́ и мое́ грѣ́шнаго
покая́ние , и приклони́ у́хо Твое́ мне , и услы́ши глаго́лы
моя́ . Согрешихъ бо , Го́споди , согрешихъ на не́бо и предъ
Тобо́ю , и несмь́ достоинъ воззрѣ́ти на высоту́ славы Твоея́ :
прогне́вахъ бо Твою́ благода́ть , Твоя́ за́поведи преступи́въ , и
не послу́шавъ Твои́хъ повеле́ний . Но Ты , Го́споди , незло́бивъ
сый , долготерпѣ́ливъ же и многомилосѣ́ивъ , не преда́л еси́ мя
погибну́ти со беззако́нныи моими́ , моего́ всячески́ ожида́я
обраще́ния . Ты бо рекл еси́ , Человеколю́бче , проро́комъ
Твои́м : яко́ хотѣ́ниемъ не хо́щу смѣ́рти грѣ́шника , но е́же
обрати́тся и живу́ бы́ти ему́ . Не хо́щеши бо , Влады́ко ,
созда́ния Твое́ю руку́ погуби́ти , ниже́ благоволи́ши о
погибѣ́ли челове́честей , но хо́щеши , всемъ спа́стися , и в
разумъ исти́ны прии́ти . Те́мже и азъ , аще́ и недостой́нъ есмь́
небесе́ и земли́ , и се́я привре́менныя жи́зни , всего́ себе́
повину́въ грѣху́ , и сласте́мъ порабо́тивъ , и Твой оскверни́въ

образ ; но творение и создание Твое быв, не отчаяваю
своего спасения , окаянный , на Твое же безмерное
благоутробие дерзая , прихожду . Приими убо и мене ,
Человеколюбче Господи , якоже блудницу , яко
разбойника , яко мытаря и яко блудного , и возми мое
тяжкое бремя грехов , грех вземляй мира , и немощи
человеческия исцеляяй , труждающихся и обремененных к
Себе призываяй и упокоеваяй , не пришедый призвати
праведных , но грешных на покаяние . И очисти мя от всякия
скверны плоти и духа , и научи мя совершати святыню во
страхе Твоем : яко да чистым сведением совести моея ,
святынь Твоих часть приемя , соединюся святому Телу
Твоему и Крови , и имео Тебе во мне живуща и
пребывающа , со Отцем , и Святым Твоим Духом . Ей,
Господи Иисусе Христе , Боже мой, и да не в суд ми будет
причащение Пречистых и Животворящих Таин Твоих , ниже
да немощен буду душею же и телом , от еже недостойне
тем причащаться , но даждь ми, даже до конечного моего
издыхания , неосужденно восприимати часть Святынь
Твоих , в Духа Святаго общение , в напутие живота
вечнаго , и во благоприятен ответ на Страшнем Судищи
Твоем : яко да и аз со всеми избранными Твоими общник
буду нетленных Твоих благ, яже уготовал еси любящим
Тя, Господи , в нихже препрославлен еси во веки . Аминь .

**Молитва иная, иже во святых отца нашего
Иоанна Златоустаго, 2.**

Господи Боже мой, вем, яко несмь достоин , ниже
доволен , да под кров внидеши храма души моея , занеже
весь пуст и пался есть, и не имаши во мне места достойна
еже главу поклонити ; но якоже с высоты нас ради
смирил еси Себе , смирися и ныне смирению моему , и
якоже восприял еси в вертепе и в яслех безсловесных
возлещи , сице восприими и в яслех безсловесных моея
души , и во оскверненное мое тело внити . И якоже не
неудостоил еси внити и свечеряти со грешники в дому

Симона прокаженного, тако изволи внити и в дом смиренныя моея души, прокаженныя и грешныя. И якоже не отринул еси подобную мне блудницу и грешную, пришедшую и прикоснувшуюся Тебе, сице умилисердися и о мне, грешнем, приходящем и прикасающем Ти ся. И якоже не возгнушался еси скверных ея уст и нечистых, целующих Тя, ниже моих возгнушайся сквернших оныя уст и нечистших, ниже мерзких моих и нечистых устен, и сквернаго и нечистейшаго моего языка. Но да будет ми угль пресвятаго Твоего Тела, и честныя Твоея Крове, во освящение и просвещение и здравие смиренней моей души и телу, во облегчение тяжестей многих моих согрешений, в соблюдение от всякаго дьявольскаго действия, во отгнание и возбранение злаго моего и лукаваго обычая, во умерщвление страстей, в снабдение заповедей Твоих, в приложение Божественныя Твоея благодати и Твоего Царствия присвоение. Не бо яко презираяй прихожду к Тебе, Христе Боже, но яко дерзая на неизреченную Твою благодать, и да не на мнозе удаляяйся общения Твоего, от мысленнаго волка звероуловлен буду. Темже молюся Тебе: яко Един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх Твой во удесах моих, и освящение Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и молениями Пречистыя Твоея Матере, невестственных Твоих служителей и пречистых Сил, и всех святых, от века Тебе благоугодивших. Аминь.

Молитва иная Симеона Метафраста, 3.

Едине чистый и нетленный Господи, за неизреченную милость человеколюбия наше все восприимый смешение, от чистых и девственных кровей паче естества Рождшия Тя, Духа Божественнаго нашею и благоволением Отца присносущнаго, Христе Иисусе, премудросте Божия, и

мире , и сіло ; Твоім воспріяіем животворящая и спасительная страдания воспріемый , крест, гвоздіа , копіе , смерть, умертви моя душетленная страсти телесныя . Погребёніем Твоім адова пленивый царствія , погребі моя благіми помыслы лукавая советования и лукавствія духи разорі . Триднёвным Твоім и живоносным воскресением падшаго праотца возставивый , возстави мя, грехом поползшагося , образы мне покаянія предлагая . Преславным Твоім вознесением плотское обоживый воспріятие и сіе десным Отца седением почтый , сподоби мя причаіем Святых Твоих Таин десную часть спасаемых получить . Снііем Утешителя Твоего Духа сосуды честны священныя Твоя ученики соделавый , пріятеліще и менё покажи Того прішествовіа . Хотяй паки прііти судіти вселенней правдою , благоволи и мне усрести Тя на облацех , Судію и Создателя моего , со всеми святыми Твоими : да безконечно славословлю и воспеваю Тя, со Безначальным Твоім Отцем и Пресвятым и Благім и Животворящим Твоім Духом, ныне и прісно и во веки веков . Аминь .

Молитва иная, тогожде, 4.

Я ко на Страшнем Твоём и нелицепріемнем предстоай Судіилиці , Христё Боже , и осуждёнія подъёмля , и слово творя о содеянных мною злых; сице днесь, прежде даже не прііти днёви осуждёнія моего , у святаго Твоего Жертвенника предстоай пред Тобою и пред страшными и святыми Ангелы Твоими , преклонён от своего совести , приношу лукавая моя и беззаконная деянія , являяй сия и обличаяй . Виждь, Господи , смирение моё , и остави вся грехи моя ; виждь, яко умножишася паче влас главы моея беззаконія моя . Кое убо не содеях зло? Кий грех не сотворих ? Кое зло не вообразих в души моей ? Уже бо и дёлы содеях : блуд, прелюбодейство , гордость , кичёние , укорёние , хулу , празднословіе , смех неподобный , пьянство , гортанобесіе , объядёние , ненависть , зависть ,

сребролюбие , любостяжание , лихоимство , самолюбие , славолубие , хищение , неправду , злоприобретение , ревность , оклеветание , беззаконие ; всякое мое чувство и всякий уд оскверних , растлих , непотребен сотворих , делателище быв всячески диаволе . И вем , Господи , яко беззакония моя превзыдоша главу мою ; но безмерно есть множество щедрот Твоих , и милость неизреченна незлобивая Твоя , благодати , и несть грех побеждающ человеколюбие Твое . Темже , пречудный Царю , незлобиве Господи , удиви и на мне , грешнем , милости Твоя , покажи благодати Твоя силу и яви крепость благоутробного милосердия Твоего , и обращающаяся приими мя грешного . Приими мя , якоже приял еси блудного , разбойника , блудницу . Приими мя , пребезмерне и словом , и делом , и похотию безместною , и помышлением безсловесным согрешивша Тебе . И якоже во едионадесятый час пришедших приял еси , ничтоже достойно соделавших , тако приими и мене , грешного : много бо согреших и осквернился , и опечалих Духа Твоего Святого , и огорчих человеколюбную утробу Твою и делом , и словом , и помышлением , в ночи и во дни , явленне же и неявленне , волею же и неволею . И вем , яко представиши грехи моя предо мною таковы , яковы же мною содеяшася , и истяжеши слово со мною о ихже разумом непростенно согреших . Но Господи , Господи , да не праведным судом Твоим , ниже яростию Твоею обличиши мя , ниже гневом Твоим накажеша мя ; помилуй мя , Господи , яко не токмо немощен есмь , но и Твое есмь создание . Ты убо , Господи , утвердил еси на мне страх Твой , аз же лукавое пред Тобою сотворих . Тебе убо единому согреших , но молю Тя , не вниди в суд с рабом Твоим . Аще бо беззакония назириши , Господи , Господи , кто постоит ? Аз бо есмь пучина греха , и несмь достоин , ниже доволен воззрети и видети высоту небесную , от множества грехов моих , ихже несть числа : всякое бо злодеяние и коварство , и ухищрение сатанино , и растления , злопомнения , советования ко греху и иные

тьмочисленныя страсти не оскудѣша от мене . Кѣими бо не
растлѣхся грѣхи ? Кѣими не содержахся злыми ? Всякъ грѣх
содѣях , всякую нечистоту вложихъ въ душу мою ,
непотребенъ быхъ Тебѣ , Богу моему , и человѣкомъ . Кто
возставитъ мя , въ сиевая злая и толика падшаго
согрѣшения ? Господи Боже мой , на Тя уповахъ ; аще есть ми
спасѣния упование , аще побеждаетъ человеколюбіе Твое
множества беззаконій моихъ , буди ми Спаситель , и по
щедротамъ Твоимъ и милостемъ Твоимъ , ослаби , остави ,
прости , ми вся , елика Ти согрѣшихъ , яко многихъ золъ
исполнися душа моя , и несть во мнѣ спасѣния надежды .
Помилуй мя , Боже , по велицей милости Твоей и не
воздаждь ми по деломъ моимъ , и не осуди мя по деяніемъ
моимъ , но обрати , заступи , избави душу мою отъ
совозрастающихъ ей золъ и лютыхъ воспріятій . Спаси мя ради
милости Твоея , да идеже умножится грѣхъ , преизобилуетъ
благодать Твоя ; и восхваляю и прославляю Тя всегда , вся дни
живота моего . Ты бо еси Богъ кающихся и Спасъ
согрѣшающихъ ; и Тебѣ славу возсылаемъ со Безначальнымъ
Твоимъ Отцемъ и Пресвятымъ и Благимъ , и Животворящимъ
Твоимъ Духомъ нынѣ и присно , и во вѣки вѣковъ . Аминь .

Божественнаго Дамаскина, 5.

Владыко Господи Иисусе Христе Боже нашъ , единый
имѣй власть человѣкомъ оставлять грѣхи , яко благъ и
Човеколюбецъ презри моя вся въ веденіи и не въ веденіи
прегрѣшенія , и сподоби мя неосужденно причаститися
Божественныхъ , и преславныхъ , и пречистыхъ , и животворящихъ
Твоихъ Таинъ , не въ тяжесть , ни въ муку , ни въ приложенье
грѣховъ , но во очищенье , и освященье , и обрученье
будущаго живота и Царствія , въ стѣну и помощь , и въ
возраженіе сопротивныхъ , во истребленье многихъ моихъ
согрѣшеній . Ты бо еси Богъ милости , и щедротъ , и
човеколюбія , и Тебѣ славу возсылаемъ , со Отцемъ и
Святымъ Духомъ , нынѣ и присно и во вѣки вѣковъ . Аминь .

Великаго Василия, 6.

Вем, Господи , яко недостойне причащаюся пречистаго Твоего Тела и честныя Твоея Крове , и повинен есмь , и суд себе ям и пию , не разсуждая Тела и Крове Тебе , Христа и Бога моего , но на щедроты Твоя дерзая , прихожду к Тебе , рекшему : ядый Мою Плоть и пийй Мою Кровь , во Мне пребывает , и Аз в нем . Умилосердися убо , Господи , и не обличи мя , грешнаго , но сотвори со мною по милости Твоей ; и да будут ми святая сия во исцеление , и очищение , и просвещение , и сохранение , и спасение , и во освящение души и тела ; во отгнание всякаго мечтания , и лукаваго деяния , и действия диавольскаго , мысленне во удесех моих действующаго , в дерзновение и любовь , яже к Тебе ; во исправление жития и утверждение , в возвращение добродетели и совершенства , во исполнение заповедей , в Духа Святаго общение , в напутие живота вечнаго , во ответ благоприятен на Страшнем Судищи Твоем : не в суд или во осуждение .

Молитва иная Симеона Нового Богослова, 7.

От скверных устен , от мерзкаго сердца , от нечистаго языка , от души осквернены , прими моление , Христэ мой , и не презри моих ни словес , ниже образов , ниже безстыдия . Дажь ми дерзновенно глаголати , яже хочу , Христэ мой , паче же и научи мя , что ми подобает творити и глаголати . Согреших паче блудницы , яже уведё , где обитаеши , миро купивши , прииде дерзостне помазати Твой нозе , Бога моего , Владыки и Христа моего . Якоже о́ну не отринул еси пришедшую от сердца , ниже мене возгнушайся , Слове : Твой же ми подаждь нозе , и держати и целовати , и струями слезными , яко многоценным миром , сия дерзостно помазати . Омый мя слезами моими , очисти мя ими , Слове . Остави и прегрешения моя , и прощение ми подаждь . Веси зол множество , веси и струпы моя , и язвы зриши моя , но и веру веси , и произволение зриши , и воздыхание слышиши . Не таится Тебе , Боже мой , Творче

мой, Избавителю мой, ниже капля слезная, ниже капли
 часть некая. Несодѣланное мое видесте очи Твои, в книзе
 же Твоей и еще несодѣянная написана Тебе суть. Виждь
 смирение мое, виждь труд мой елик, и грехи вся остави ми,
 Боже всяческих: да чистым сердцем, притрепетною
 мыслию и душею сокрушенною нескверных Твоих
 причащуся и пресвятых Таин, имиже оживляется и
 обожается всяк ядый же и пий чистым сердцем. Ты бо рекл
 еси, Владыко мой: всяк ядый Мою Плоть и пий Мою
 Кровь, во Мне убо сей пребывает, в немже и Аз есмь.
 Истинно слово всяко Владыки и Бога моего: Божественных
 бо причащаяся и боготворящих благодатей, не убо есмь
 един, но с Тобою, Христе мой, Светом трисолнечным,
 просвещающим мир. Да убо не един пребуду кроме Тебе,
 Живодавца, дыхания моего, живота моего, радования
 моего, спасения миру. Сего ради к Тебе приступих,
 якоже зриши, со слезами, и душею сокрушенною,
 избавления моих прегрешений прошу: прияти ми и Твоих
 живодательных и непорочных Таинств причаститися
 неосужденно, да пребудеши, якоже рекл еси, со мною
 треокаянным: да не кроме обрет мя Твоя благодати,
 прелестник восхитит мя лъстивне, и прельстив отведет
 боготворящих Твоих словес. Сего ради к Тебе припадаю
 и тепле вопию Ти: якоже блудного приял еси и блудницу
 пришедшую, тако приими мя, блудного и скверного,
 Щедре. Душею сокрушенною ныне бо к Тебе приходя,
 вем, Спасе, яко иный, якоже аз, не прегрешил Тебе,
 ниже содея деяния, яже аз содеях. Но сие паки вем,
 яко не величество прегрешений, ни грехов множество
 превосходит Бога моего многое долготерпение и человеколюбие
 крайнее; но милостию сострастия тепле кающихся и
 чистиши, и светлиши, и света твориши причастники,
 общники Божества Твоего соделоваей независтно,
 и странное и Ангелом, и человеческим мыслем, беседеуеши
 им многажды, якоже другом Твоим истинным. Сия дерзостна
 творят мя, сия вперяют мя, Христе мой. И

дерзая Твоим богатым к нам благодеянием , радуясь вкупе и трепеща , огнѣи причащаюся трава сый, и странно чудо , орошаемь неопально , якоже убо купина древле неопальне горящи . Ныне благодарною мыслию , благодарным же сердцем , благодарными удесы моими , души и тела моего , покланяюся и величаю , и славословлю Тя, Боже мой, яко благословенна суща , ныне же и во веки .

Молитва иная Златоустаго, 8.

Боже , ослаби , остави , прости ми согрешения моя , елика Ти согреших , аще словом , аще делом , аще помышлением , волею или неволею , разумом или неразумием , вся ми прости яко благ и Человеколюбец , и молитвами Пречистыя Твоея Матере , умных Твоих служителей и святых сил, и всех святых , от века Тебе благоугодивших , неосужденно благоволи прияти ми святое и Пречистое Твое Тело и Честную Кровь, во исцеление души же и тела , и во очищение лукавых моих помышлений . Яко Твое есть Царство и сила и слава , со Отцем и Святым Духом , ныне и присно и во веки веков . Аминь .

Тогожде, 9.

Несмы доволен , Владыко Господи , да внидеши под кров души моя ; но понеже хочещи Ты яко Человеколюбец , жити во мне, дерзая приступаю ; повелеваещи , да отверзу двери , яже Ты един создал еси , и внидеши со человеколюбием якоже еси ; внидеши и просвещаещи помраченный мой помысл . Верую , яко сие сотвориши : не бо блудницу , со слезами пришедшую к Тебе , отгнал еси ; ниже мытаря отвергл еси покаявшася ; ниже разбойника , познавша Царство Твое , отгнал еси ; ниже гонителя покаявшася оставил еси , еже бе: но от покаяния Тебе пришедшия вся, в лице Твоих друзей вчинил еси , Един сый благословенный всегда , ныне и в безконечныя веки . Аминь .

Тогожде, 10.

Господи Иисусе Христѣ , Бѣже мой, ослаби , остави , очисти и прости ми, грѣшному , и непотрѣбному , и недостойному рабу Твоему , прегрѣшѣнія , и согрѣшѣнія и грехопадѣнія моя , елика Ти от юности моя , даже до настоящаго дне и часа согрѣших : аще в разуме и в неразумии , аще в словесѣх или дѣлах , или помышлѣніях и мыслех , и начинаніих , и всех моих чувствах . И молитвами безсѣменно рождшия Тя, Пречистыя и Приснодѣвы Маріи , Матере Твоея , единыя непостыдныя надежды и предстательства и спасѣнія моего , сподоби мя неосужденно причаститися пречистых , безсмертных , животворящих и страшных Твоих Таинств , во оставленіе грехов и в жизнь вѣчную : во освященіе и просвѣщеніе , крѣпость , исцелѣніе , и здравіе душѣ же и тѣла , и в потребленіе и всесовершенное погубленіе лукавых моих помыслов , и помышлѣній , и предприятий , и ночных мечтаній , тѣмных и лукавых духов ; яко Твое есть Царство , и сила , и слава , и честь , и поклоненіе , со Отцем и Святым Твоим Духом , ныне и присно и во вѣки веков . Аминь .

Молитва иная Иоанна Дамаскина, 11.

Пред двѣрьми храма Твоего предстою и лютых помышлѣній не отступаю ; но Ты, Христѣ Бѣже , мытаря оправдивый , и хананѣю помиловавый , и разбойнику рая двери отворзый , отворзи ми утробы челоуколюбія Твоего и приими мя, приходяща и прикасающася Тебѣ , яко блудницу и кровоточивую : ова убо края ризы Твоея коснувшися , удобь исцелѣніе прият , ова же пречистей Твои нозе удержавши , разрешеніе грехов понесе . Аз же, окаянный , все Твое Тѣло дерзая воспріяти , да не опаленъ буду ; но приими мя, якоже оныя , и просвети моя душевныя чувства , пополая моя греховныя вины , молитвами безсѣменно Рождшия Тя и небесных сил ; яко благословенъ еси во вѣки веков . Аминь .

Молитва иная, Златоустаго.

Вѣрую , Гóсподи , и исповѣдую , я́ко Ты еси́ вои́стинну Христос , Сын Бoга живaго , пришeдый в мир грeшныя спасти , от нeйже пeрвый есмь аз. Ещe вѣрую , я́ко сие́ есть сaмое прeчистое Тeло Твое́ , и сия́ есть сaмая чeстнaя Кровь Твоя́ . Молю́ся убо Тебé : помилуй мя и прости́ ми прегрeшeния моя́ , вольная и невольная , я́же слóвом , я́же дeлом , я́же вeдeнием , и неведeнием , и сподóби мя неосуждeнно причаститeся прeчистых Твои́х Таинств , во оставление грехов и в жизнь вечную . Аминь .

Приходяй же причаститися, глаголи в себе настоящая стихи Метaфрaстa:

Се приступаю к Божественному Причащению .
Соделателю , да не опалиши мя приобщением :
Огнь бо еси́ , недостойныя поpalяяй .
Но убо очисти мя от всякия скверны .

Таже паки глаголи:

Вeчeри Твоея́ тайныя днесь, Сы́не Бóжий , /
прича́тника мя приими́ ; / не бо врагом Твоим тайну
повeм , ни лобзaния Ти дам, я́ко Иyда , / но я́ко разбóйник
исповeдаю Тя: / помяни́ мя, Гóсподи , во Цaрствии Твоeм .

Паки стихи сия:

Боготворящую Кровь ужаснися челове́че , зря,
Огнь бо есть, недостойныя поpalяяй .
Божественное Тeло и обожает мя и питает :
Обожает дух, ум же питает странно .

Таже тропари:

Усладил мя еси́ любóвию , Христé , / и изменил мя еси́
Божественным Твоим рачeнием ; / но попали́ огнeм
невещественным грехи́ моя́ , / и насытитися eже в Тебe
наслаждeния сподоби́ : / да лику́я возвеличаю , Бла́же , два
прише́ствия Твоя́ .

ПОСЛЕДОВАНИЕ КО СВЯТОМУ ПРИЧАЩЕНИЮ

Во свѣтлостехъ Святыхъ Твоихъ како вниду ,
недостойный ? / Аще бо дерзну совнѣти в чертогъ , одежда
меня обличаетъ , яко несть брачна , / и связанъ изверженъ буду отъ
Ангеловъ . / Очисти , Господи , скверну души моея , / и спаси
меня , яко Человеколюбецъ .

Таже молитву:

Владыко Человеколюбче , Господи Иисусе Христѣ
Боже мой, да не в судъ ми будутъ Святая сия, за еже
недостойну ми быти : но во очищение и освящение души же
и тела , и во обручение будущия жизни и Царствия . Мне же,
еже прилепятся Богу , благо есть , полагати во Господѣ
упование спасения моего .

И паки: Вѣчерь Твою тайную днесъ, Сыне Божий , /
причастника мя приими ; / не бо врагомъ Твоимъ тайну
повѣмъ , / ни лобзанія Ти дамъ , яко Иуда , / но яко разбойникъ
исповѣдаю Тя : / помяни мя, Господи , во Царствіи Твоемъ .

В оглавление

МОЛИТВЫ ПО СВЯТОМ ПРИЧАЩЕНИИ

Егда же получиши добраго причащения,
Животворящих таинственных дарований,
Воспой абие, благодари вельми,
И сия тепле от души Богу глаголи:

Слава Тебѣ , Бѣже . Слава Тебѣ , Бѣже . Слава Тебѣ ,
Бѣже .

Таже благодарственную сию молитву:

Благодарю Тя, Господи Бѣже мой, яко не отринул мя
еси грѣшнаго , но общника мя быти святынь Твоих
сподобил еси . Благодарю Тя, яко мене недостойнаго ,
причаститися пречистых Твоих и небесных Даров
сподобил еси . Но Владыко Человеколюбче , нас ради
умерый же и воскресый , и даровавый нам страшная сия и
животворящая Таинства , во благодеяние и освящение души
и телес наших , даждь быти сим и мне во исцеление души же
и тела , во отгнание всякаго сопротивнаго , в просвещение
очию сердца моего , в мир душевных моих сил, в веру
непостыдну , в любовь нелицемерну , во исполнение
премудрости , в соблюдение заповедей Твоих , в приложение
Божественныя Твоея благодати , и Твоего Царствия
присвоение , да во святыни Твоей теми сохраняемъ , Твою
благодать поминаю всегда , и не ктому себе живу , но
Тебѣ , нашему Владыце и Благодетелю ; и тако сего жития
изшед о надежди живота вечнаго , в присносушный
достигну покой , идеже празднующих глас непрестанный , и
безконечная сладость зрящих Твоего лица доброту
неизреченную . Ты бо еси истинное желание , и
неизреченное веселие любящих Тя, Христѣ Бѣже наш, и Тя
поёт вся тварь во веки . Аминь .

Великаго Василия, 2.

Влады́ко Христе́ Бо́же , Царю́ веко́в и Соде́телю всех ,
 благодарю́ Тя о всех , яже ми еси́ подал бла́гих , и о
 причащении пречи́стых и животворящих Твои́х Таи́нств .
 Молю́ убо́ Тя , Бла́же и Человеколю́бче : сохрани́ мя под
 кро́вом Твои́м , и в сени́ крилу́ Твоею́ . И да́руй ми чи́стою
 сове́стию , да́же до послéднего моего́ издыхания , досто́йно
 причаща́тися Святы́нь Твои́х , во оставле́ние грехо́в и в
 жизнь ве́чную . Ты бо еси́ Хлеб живо́тный , исто́чник
 святыни́ , пода́тель бла́гих , и Тебе́ сла́ву возсыла́ем , со
 Отце́м и Святы́м Ду́хом , ны́не и при́сно , и во ве́ки веко́в .
 Ами́нь .

Метафраста, по стихом, 3.

Да́вый пи́щу мне плоть Твою́ во́лею , огонь сый и опаля́й
 недосто́йныя , да не опалиши мене́ , Соде́телю мой; па́че же
 пройди́ во у́ды моя́ , во вся соста́вы , во утробу́ , в се́рдце .
 Попали́ терние всех мои́х прегреше́ний . Душу́ очисти́ ,
 освяти́ помышле́ния . Составы́ утверди́ с костью́ вку́пе .
 Чувств просвети́ просту́ю пятери́цу . Все́го мя спригвозди́
 стра́ху Твоему́ . При́сно покрый́ , соблюди́ же , и сохрани́ мя
 от всякаго дела́ и слова́ душетле́ннаго . Очисти́ , и омы́й , и
 украси́ мя: удобри́ , вразуми́ , и просвети́ мя . Покажи́ мя
 Твое́ селéние еди́наго Ду́ха , и не ктому́ селéние греха́ . Да
 яко́ Твоего́ дому́ входо́м причаще́ния , яко́ огня́ мене́
 бежит всяк злоде́й , всяка́ страсть . Моли́твенники Тебе́
 прино́шу вся святы́я , чи́нонача́лия же безплóтных ,
 Предте́чу Твоего́ , премудры́я апосто́лы , к сим же Твою́
 нескве́рную , чи́стую Ма́терь , ихже мо́льбы , Благоутро́бне ,
 приими́ , Христе́ мой, и сыно́м све́та соде́лай Твоего́
 служи́теля . Ты бо еси́ освяще́ние , и Еди́ный наших , Бла́же ,
 душ и све́тлость , и Тебе́ лепоподо́бно яко́ Бо́гу и Влады́це
 сла́ву вси возсыла́ем на всяк день .

Молитва иная.

Тѣло Твое Святѣе , Гѣсподи Иисусе Христѣ Бѣже наш , да бѣдет ми в животъ вѣчный , и Кровь Твоя Честная во оставленіе грѣховъ : буди же ми благодареніе сіе в радость , здравіе и веселіе ; в страшное же и второе пришествіе Твое сподоби мя , грѣшнаго , стати одесную славы Твоея , молитвами Пречистыя Твоея Матери , и всех святых .

Молитва иная, ко Пресвятой Богородице.

Пресвятая Владычице Богородице , свѣте помраченныя моея души , надеждо , покрове , прибежище , утѣшеніе , радованіе мое , благодарю Тя , яко сподобила мя еси недостойнаго , причастника быти Пречистаго Тѣла , и Честныя Крове Сына Твоего . Но рождающая истинный Свет , просвети моя умныя очи сердца ; Яже источник безсмертія рождающая , оживотвори мя умерщвленнаго грѣхом ; Яже милостиваго Бога любоблагоутробная Мати , помилуй мя , и даждь ми умиленіе , и сокрушеніе в сердце моем , и смиреніе в мыслех моих , и воззваніе в плененіих помышлений моих ; и сподоби мя до послѣдняго издыханія , неосужденно приимати Пречистых Таин освященіе во исцеленіе души же и тѣла . И подаждь ми слезы покаянія и исповѣданія , во еже пѣти и славити Тя во вся дни живота моего , яко благословенна и препрославленна еси во веки . Аминь .

Таже: Нынѣ отпускаеши раба Твоего , Владыко , / по глаголу Твоему , с миром , / яко видѣста очи мои спасеніе Твое , / еже еси уготовал пред лицемъ всех людей , / свет во откровеніе языков / и славу людей Твоихъ Израиля .

Трисвятое. И по Отче наш:

**Тропарь
святому Иоанну Златоустому, глас 8:**

Уст твои́х , я́коже свѣтлосѣ́ть огнѧ́ , / возсия́вши
благодѧ́ть , вселѣ́нную просвети́ ; / не сребролю́бия ми́рови
сокро́вища сниска́ , / высоту́ нам смиреннóмудрѧ́ показа́ , /
но твоими́ словесы́ наказуѧ́ , о́тче Иоáнне Златоусте , /
моли́ Слова́ Христа́ Бо́га спастисѧ́ душáм нáшим .

Слава, кондак, глас 6:

От небѣ́с при́ял еси́ Божѣ́ственную , благодѧ́ть , / и
твоими́ устна́ми вся учи́ши / поклонѧ́тися в Трoи́це
Еди́ному Бо́гу , / Иоáнне Златоусте́ всеблаже́нне ,
преподобне , досто́йно хвали́м тя : / еси́ бо наста́вник , я́ко
Божѣ́ственная явля́я .

И ныне:

Предста́тельство христиáн непосты́дное , / ходѧ́тайство
ко Творцу́ непрелóжное , / не презри́ грѣ́шных моле́ний
гласы́ , / но предвари́ , я́ко Благая́ , на по́мощь нас , вѣ́рно
зову́щих Ти : / ускори́ на моли́тву и потщи́ся на умоле́ние , /
предста́тельствующи при́сно , Богоро́дице , чтущих Тя .

Или Взбранной воево́де : или О Тебѣ́ радуется : или
кондак храма, аще есть Богородицы, или праздника настоящего,
аще будет Господский или Богородичен.

**Аще же будет святого Василия литургия,
чти святому Василию тропарь, глас 1:**

Во всю зѣ́млю изы́де вещáние твоѣ́ , / я́ко приѣ́мшую
сло́во твоѣ́ , / имже́ боголе́пно научи́л еси́ , / естество́
сущих уясни́л еси́ , / челове́ческия обы́чаи украси́л еси́ , /
ца́рское свяще́ние , о́тче преподобне , / моли́ Христа́ Бо́га ,
/ спастисѧ́ душáм нáшим .

Слава, кондак, глас 4:

Явился еси основание непоколебимое Църкве , / подаѣ
всем некрадомое господство человеком , / запечатлея
твоими веленьми , / небоявленне Василіе преподобне .

**Аще же будет литургия Преждеосвященных,
святому Григорию тропарь глас 4:**

И же от Бога свѣше Божественную благодать
восприем , славне Григоріе , / и Того сілоу укрепляемъ ,
евангельски шествовати изволил еси . / Отонудуже у
Христа возмездие трудов приял еси , всеблаженне : /
Егоже моли , да спасет души наша .

Слава, кондак, глас 3:

Подобоначальник показался еси Начальника пастырем
Христа , / иноков чреды , отче Григоріе , / ко ограде
небесней наставляя , / и оттуду научил еси стадо
Христово заповедем Его : / ныне же с ними радуешися , / и
ликуеши в небесных кровех .

И ныне, якоже прежде положися. Господи , помилуй , **12.**
Слава и ныне:

Честнейшую Херувим / и славнейшую без сравнения
Серафим , / без истления Бога Слова рождшую , / сущую
Богородицу Тя величаем . **И отпуст.**

**По служении же да хранит себе иерей в трезвении и
воздержании, и немноглаголании, дабы в той день честно
соблюл в себе Христа приятаго.**

В оглавление

КАНОН ПОКАЯННЫЙ КО ГОСПОДУ НАШЕМУ ИИСУСУ ХРИСТУ

Глас 6. Песнь 1.

Ирмос: Яко по сѹху пешешествовав Израїль , / по бѣздне стопа́ми , / гонителя́ фарао́на / видя́ пото́пляема , / Бо́гу побѣдную́ песнь / поим , вопіяше .

Помілуй мя, Бо́же , помілуй мя.

Ны́не присту́пих аз грѣшны́й и обременѣ́нный / к Тебе́ , Влады́це и Бо́гу моему́ ; / не смею́ же взирати́ на не́бо , / то́кмо молю́ся , глаго́ля : / даждь ми, Го́споди , ум, / да пла́чуся дел моихъ го́рько .

Помілуй мя, Бо́же , помілуй мя.

О, го́ре мне грѣшному́ ! / Па́че всехъ челове́к окая́нен есмь, / покая́ния несть во мне; / даждь ми, Го́споди , слѣзы , / да пла́чуся дел моихъ го́рько .

Слава: Безу́мне , окая́нне челове́че , / в ле́ности вре́мя губи́ши ; / помы́сли житіе́ твоѐ , / и обрати́ся ко Го́споду Бо́гу , / и пла́чися о дѣлахъ твои́х го́рько .

И ны́не: Ма́ти Бо́жия Пречи́стая , / воззри́ на мя грѣшного́ , / и от се́ти диа́воли изба́ви мя, / и на путь покая́ния настави́ мя, / да пла́чуся дел моихъ го́рько .

Песнь 3.

Ирмос: Несть свят, / я́коже Ты, Го́споди Бо́же мой, / вознесы́й рогъ ве́рныхъ Твои́хъ , Блаже́ , / и утверди́вый нас на ка́мени / испове́дания Твоего́ .

Помілуй мя, Бо́же , помілуй мя.

Внегда́ поста́влены бу́дут престо́лы на Суди́щи Стра́шнем , / тогда́ всехъ челове́к де́ла облича́тся ; / го́ре

тамо́ будет грѣшнымъ , в му́ку отсыла́емымъ ; / и то ве́дущи ,
душе́ моя , / пока́йся от злыхъ дел твои́х .

Помилуй мя, Бо́же , помилуй мя.

Праведни́цы возра́дуются , а грѣшнѣи воспла́чутся , /
тогда́ никто́же возмо́жет помощи́ намъ , / но дела́ наша
осудятъ насъ , / те́мже пре́жде конца́ / пока́йся от злыхъ дел
твои́х .

Слава: Увы́ мне великогрѣшному , / и́же де́лы и
мы́сльми оскверни́вся , / ни ка́пли слезъ имею́ от
жестосе́рдия ; / ны́не возникни́ от земли́ , душе́ моя , / и
пока́йся от злыхъ дел твои́х .

И ныне: Се, вызы́ваетъ , Госпо́же , Сынъ Твойъ , / и поуча́етъ насъ
на до́брое , / аз же грѣшны́й добра́ всегда́ бе́гаю ; / но Ты,
Милостивая , помилуй мя , / да пока́юся от злыхъ мои́х делъ .

Седален, глас 6:

Помышля́ю день стра́шный / и пла́чуся дея́ний мои́х
лука́вых : / како́ отвеща́ю Безсме́ртному Царю́ , / или́ ко́имъ
дерзнове́ниемъ воззрю́ на Судию́ , блудны́й аз? /
Благоутро́бный О́тче , Сы́не Единоро́дный / и Ду́ше
Святы́й , помилуй мя .

Слава, и ныне, Богородичен: Свя́занъ мно́гими ны́не
плени́цами грехо́в / и содержи́мъ лю́тыми страстьми́ и
беда́ми , / к Тебе́ прибега́ю , моему́ спасе́нию , и вопию́ : /
помози́ ми, Де́во , Ма́ти Бо́жия .

Песнь 4.

Ирмос: Христосъ моя́ си́ла , / Богъ и Госпо́дь , честна́я
Церко́вь / боголе́пно поётъ , вызы́ающи / от смы́сла чи́ста , о
Господе́ празднующи .

Помилуй мя, Бо́же , помилуй мя.

Широ́къ путьъ zde и уго́дный сла́сти твори́ти , / но го́рько
будетъ в послѣ́дний день , / егда́ душа́ от те́ла разлуча́тися
будетъ : / блюди́ся от сихъ , челове́че , / Царства́ ради Бо́жия .

Помилуй мя, Бо́же , помилуй мя.

Почто́ убо́гаго оби́диши , / мзду наёмни́чу уде́ржуеши , /
 бра́та твоего́ не лю́биши , / блуд и го́рдость го́ниши ? /
 Остави́ убо́ сия , душе́ моя , / и пока́йся Ца́рствия ра́ди
 Бо́жия .

Слава: О, безу́мный челове́че , / доко́ле углеба́еши , я́ко
 пче́ла , собира́ющи бога́тство твое́ ? / Вско́ре бо поги́бнет ,
 я́ко прах и пе́пел : / но бо́лее взыщи́ Ца́рствия Бо́жия .

И ны́не: Госпоже́ Богоро́дице , поми́луй мя грёшного , / и
 в добродётели укрепи́ , и соблюди́ мя , / да на́глая сме́рть не
 похити́т мя негото́ваго , / и доведи́ мя, Де́во , Ца́рствия
 Бо́жия .

Песнь 5.

Ирмос: Бо́жиим / све́том Твои́м , Бла́же , / у́тренюющих
 Ти души́ / любви́ю оза́ри , молю́ся , / Тя ве́дети , Сло́ве
 Бо́жий , / и́стиннаго Бо́га , / от мра́ка грехо́внаго взыва́юща .

Поми́луй мя, Бо́же , поми́луй мя.

Вспомяни́ , ока́янный челове́че , / ка́ко лжам, клеветам ,
 разбо́ю , немо́щем , лю́тым зве́рем , / грехо́в ра́ди
 порабо́щен еси́ ; / душе́ моя́ грёшная , того́ ли восхоте́ла
 еси́ ?

Поми́луй мя, Бо́же , поми́луй мя.

Трепе́шут ми у́ди , все́ми бо сотвори́х ви́ну : / очима́
 взира́яй , у́шима́ слы́шай , язы́ком злая́ глаго́ляй , / всего́
 себе́ геёне́ преда́й ; / душе́ моя́ грёшная , сего́ ли
 восхоте́ла еси́ ?

Слава: Блудни́ка и разбо́йника ка́юща́ся при́ял еси́ ,
 Спа́се , / аз же еди́н ле́ностию грехо́вною отягчи́хся / и злым
 делом порабо́тихся , / душе́ моя́ грёшная , сего́ ли
 восхоте́ла еси́ ?

И ны́не: Дивна́я и ско́рая помо́щнице всем челове́ком ,
 Ма́ти Бо́жия , / помози́ мне недосто́йному , / душа́ бо моя́
 грёшная того́ восхоте́ .

Песнь 6.

Ирмос: Жите́йское мо́ре , / воздвиза́емое зря напа́стей
бу́рею , / к тихому приста́нищу Твоему́ прите́к , вопи́ю Ти : /
возведи́ от тли живо́т мой, / Многоми́лостиве .

Поми́луй мя, Бо́же , поми́луй мя.

Жи́тие на землі блу́дно пожи́х / и ду́шу во тьму
преда́х , / ны́не убо молю́ Тя, Ми́лостивый Влады́ко : /
свободи́ мя от рабо́ты сея́ вра́жия , / и даждь ми разу́м
твори́ти волю́ Твою́ .

Поми́луй мя, Бо́же , поми́луй мя.

Кто твори́т тако́вая , я́коже аз? / Я́коже бо сви́ня лежи́т
в ка́лу , / тако́ и аз греху́ служу́ . / Но Ты, Го́споди , исто́ргни
меня́ от гну́са сего́ / и даждь ми се́рдце твори́ти за́поведи
Твоя́ .

Слава: Воспря́ни , окая́нный челове́че , к Бо́гу , /
вспомяну́в своя́ согреше́ния , / припа́дая ко Творцу́ , слезя́
и стня́ ; / Той же, я́ко ми́лосе́рд , / даст ти ум знати́ волю́
Свою́ .

И ны́не: Богоро́дице Де́во , / от ви́димаго и неви́димаго
зла́ сохрани́ мя, Пречи́стая , / и приими́ моли́твы моя́ , / и
донеси́ я́ Сы́ну Твоему́ , / да даст ми ум твори́ти волю́ Его́ .

Кондак:

Душе́ моя́ , / почто́ греха́ми богате́еши , / почто́ волю́
дьяво́лю твори́ши , / в чесо́м наде́жду полага́еши ? /
Преста́ни от сих / и обрати́ся к Бо́гу с пла́чем , зову́щи : /
ми́лосе́рде Го́споди , поми́луй мя грешна́го .

Икос: Помы́сли , душе́ моя́ , го́рький час сме́рти / и
стра́шный суд Творца́ твоего́ и Бо́га : / А́нгели бо гро́знии
поймут тя, душе́ , / и в ве́чный огнь введу́т : / убо́ пре́жде
сме́рти пока́йся , вопи́ющи : / Го́споди , поми́луй мя
грешна́го .

Песнь 7.

Ирмос: Росодательну́ убо пещь / содела́ Ангел / преподобным отроком , / халдеи же опаляющее / веление Божие , / мучителя увеща вопити : / благословен еси́ , Бо́же отец наших .

Помилуй мя, Бо́же , помилуй мя.

Не надёйся , душе́ моя , / на тлѣнное богатство и на неправедное собрание , / вся бо сия́ не ве́си кому́ оставиши , но возопий : / помилуй мя, Христѣ́ Бо́же , недостойнаго .

Помилуй мя, Бо́же , помилуй мя.

Не уповай , душе́ моя , на телѣсное здравие / и на скоромимоходящую красоту , / видиши бо, яко́ си́льнии и младии умирают ; но возопий : / помилуй мя, Христѣ́ Бо́же , недостойнаго .

Слава: Воспомяни́ , душе́ моя , вѣчное жити́е , / Царство Небѣсное , уготованное святым , / и тѣмү кромѣшную и гнев Божий злым, и возопий : / помилуй мя, Христѣ́ Бо́же , недостойнаго .

И ныне: Припади́ , душе́ моя , к Божіей Ма́тери и помоли́ся Той, / есть бо ско́рая помощница ка́ющимся , / умо́лит Сы́на Христа́ Бо́га , / и помилует мя недостойнаго .

Песнь 8.

Ирмос: Из пла́мене преподобным росу́ источил еси́ / и праведнаго жѣртву водою попалил еси́ : / вся бо твориши , Христѣ́ , то́кмо е́же хотѣти . / Тя превозно́сим во вся ве́ки .

Помилуй мя, Бо́же , помилуй мя.

Ка́ко не ймам пла́каться , егда́ помышляю́ смерть, / ви́дех бо во гробѣ ле́жаща брата́ моего́ , безсла́вна и безобразна ? / Что́ убо чаю́ , и на что́ надѣюся ? / То́кмо даждь ми, Господи́ , / прежде́ конца́ покая́ние . **Дважды.**

Слава: Ве́рую , яко́ приидеши́ суди́ти живых́ и мѣртвых , / и вси во своёмъ чину́ стану́т , / ста́рии и младии , влады́ки и кня́зи , дѣвы́ и священни́цы ; где́ обря́щуся азъ ? /

Сего́ ради вопию́ : / даждь ми, Го́споди , прѣжде конца́ покаяние .

И ныне: Пречистая Богородице , / прими́ недостойную моли́тву мою́ / и сохрани́ мя от наглыя сме́рти , / и да́руй ми прѣжде конца́ покаяние .

Песнь 9.

Ирмос: Бо́га / челове́ком невозможно́ ви́дети , / на Него́же не сме́ют чи́ни А́нгельстии взира́ти ; / Тобо́ю же, Всечистая , я́вися челове́ком / Сло́во Воплоще́нно , / Его́же велича́юще , / с небесными́ вои́ Тя ублажа́ем .

Помилуй мя, Бо́же , помилуй мя.

Ны́не к вам прибега́ю , / А́нгели , Арха́нгели и вся небесны́я си́лы , / у Престо́ла Бо́жия стоя́щие , / моли́тесь ко Творцу́ Своему́ , / да изба́вит ду́шу мою́ от му́ки ве́чныя .

Помилуй мя, Бо́же , помилуй мя.

Ны́не пла́чуся к вам, / свя́тии патриарси , ца́рие и проро́цы , / апо́столы и свя́тителie и вси избра́ннии Христо́вы : / помози́те ми на суде́ , / да спасе́т ду́шу мою́ от силы вра́жия .

Слава: Ны́не к вам воздежу́ ру́це , / свя́тии му́ченицы , пусты́нницы , де́вственницы , праведницы / и вси свя́тии , моля́щиеся ко Го́споду за весь мир, / да поми́лует мя в час сме́рти моея́ .

И ныне: Ма́ти Бо́жия , помози́ ми, / на Тя си́льне наде́ющемуся , / умоли́ Сы́на Своего́ , / да поста́вит мя недостойнаго одесну́ю Себе́ , / егда́ сядет судя́й живых и ме́ртвых . Аминь .

Молитва по каноне.

Влады́ко Христе́ Бо́же , И́же страстьми́ Свои́ми стра́сти моя́ исцели́вый и язвами́ Своими́ язвы́ моя́ уврачева́вый , да́руй мне, мно́го Тебе́ прегрешившему , слезы́ уми́ления ; сраствори́ моему́ те́лу от обоня́ния Животворя́щего Те́ла Твоего́ , и наслади́ ду́шу мою́ Твоею́

Честно́ю Кро́вию от го́рести , ё́юже мя сопроти́вник напо́и ;
возвы́си мой у́м к Тебе́ , до́лу , пони́кший , и возведи́ от
пропа́сти погибели : я́ко не й́мам покая́ния , не й́мам
уми́ления , не й́мам слезы́ утѣшительны́я , возводя́щая ча́да
ко своему́ насле́дию . Омрачи́хся , умо́м , в житѣ́йскихъ
страсте́х , не могу́ възрѣ́ти к Тебе́ в боле́зни , не могу́
согрѣ́тися слеза́ми , я́же к Тебе́ любви́ . Но, Влады́ко
Го́споди Иису́се Христе́ , сокрови́ще , благи́х , да́руй , мне
покая́ние всеце́лое и се́рдце любо́трудо́ное , во взыска́ние
Твое́ , да́руй , мне благода́ть Твою́ и обнови́ во мне зра́ки
Твоего́ обра́за . Остави́х Тя , не оста́ви мене́ ; изы́ди на
взыска́ние моё , возведи́ к па́жити Твое́й и сопричти́ мя
овца́м избра́ннаго Твоего́ ста́да , воспита́й мя с ни́ми от
зла́ка Боже́ственных Твои́х Та́инств , моли́твами
Пречи́стыя Твоея́ Ма́тере и всех святы́х Твои́х . Ами́нь .

КАНОН УМИЛИТЕЛЬНЫЙ С АКАФИСТОМ КО ГОСПОДУ НАШЕМУ ИИСУСУ ХРИСТУ

Глас 2. Песнь 1.

Ирмос: Во глубинѣ постлѣ иногда / фараонѣтское
всеоинство преоружѣнная сила , / воплощѣеся же Слово
всезлобный грех потребило есть: / препрославленный
Господь , / славно бо прославися .

Иисусе Сладчайший , спаси мя.

Иисусе Сладчайший Христѣ , / Иисусе долготерпеливе , /
души моя язвы исцели , Иисусе , / и улади сердце мое ,
Многоимлостиве , / молюся , Иисусе Спасе мой, / да величаю
Тя, спасаемый .

Иисусе Сладчайший , спаси мя.

Иисусе Сладчайший Христѣ , / Иисусе , отверзи
покаяния ми дверь, / человеколюбче Иисусе , и приими мя, /
Тебѣ припадающа и тепле просяща , / Иисусе Спасе мой,
согрѣшений прощѣния .

Слава: Иисусе Сладчайший Христѣ , / Иисусе , исхити
мя / из руки лстываго велиара , Иисусе , / и сотвори деснаго
предстоятеля славы Твоея , / Иисусе Спасе мой, / части
шуия мя избавляй .

И ныне, Богородичен: Иисуса рождающая Бога ,
Владычице , / моли о непотребных рабѣх , Пречистая , / яко
да муки молитвами Твоими избавимся , Нескверная ,
оскверненнии , / славы присносущныя наслаждающися .

Песнь 3.

Ирмос: На камени мя вѣры утвердив , / расширил еси
уста моя на враги моя . / Возвесели бо ся дух мой, внемда

пѣти : / несть свят, ꙗкоже Бог наш, / и несть праведен ꙗче Тебѣ , Гóсподи .

Иисусе Сладчайший , спаси́ мя.

Услы́ши , человеколю́бче Иисусе мой, раба́ Твоего́ , / вопи́юща во уми́лении , / и изба́ви мя, Иисусе , осужде́ния и муки , / е́дине долготерпели́ве , / Иисусе Сладчайший многомилостиве .

Иисусе Сладчайший , спаси́ мя.

Поды́ми раба́ Твоего́ , Иисусе мой, / припада́юща со слеза́ми , Иисусе мой, / и спаси́ , Иисусе мой, ка́ющагося мя / и ге́енны , Влады́ко , изба́ви , / Иисусе Сладчайший многомилостиве .

Слава: Вре́мя , Иисусе мой, е́же дал ми еси́ , / во стра́сти ижди́х , Иисусе мой. / Те́мже , Иисусе мой, не отве́ржи мя, / но воззови́ , молю́ся , / Влады́ко Иисусе Сладчайший , и спаси́ .

И ныне, Богородичен: Де́во , ро́ждшая Иисуса́ моего́ , / моли́ изба́вити мя ге́енны , / е́дино предста́тельство оскорбляе́мых , Богоблагодáтная , / и сподо́би мя жи́зни , Всенепоро́чная , нестаре́ющияся .

Седален, глас 1: Подобен: Гроб Твой:

Спа́се мой Иисусе , блуднаго спасы́й , / Спа́се мой Иисусе , прие́мый блудницу , / и мене́ ны́не поми́луй , Иисусе многомилостиве , / спаси́ , ущедри́ , о Иисусе благоде́телю , / ꙗкоже , Благоутро́бне , Манасси́ю , / Иисусе мой, ꙗко Един Человеколю́бец .

Песнь 4.

Ирмос: Прише́л еси́ от Де́вы , не ходата́й , ни А́нгел , / но Сам, Гóсподи , вопло́щся , / и спасл еси́ всего́ мя человека́ . / Тем зову́ Ти: / сла́ва си́ле Твое́й , Гóсподи .

Иисусе Сладчайший , спаси́ мя.

Исцели́ , Иису́се мой, души́ моея́ язвы́ , / Иису́се мой, молю́ся , / и руки́ мя исхити́ , Иису́се мой благоутро́бне , / душетле́ннаго велиа́ра , и спаси́ .

И Иису́се Сладча́йший , спаси́ мя.

Согреших́ , Иису́се мой Сладча́йший , благоутро́бне ; / Иису́се мой, спаси́ мя, прибега́ющего к покрову́ Твоему́ , / Иису́се долготерпеливе́ , / и Ца́рствия Твоего́ мя сподо́би .

Слава: Никто́же согреши́ , Иису́се мой, я́коже согреших́ аз, ока́янный , / но припадаю́ моля́ся , Иису́се мой, спаси́ мя / и жи́зни , Иису́се мой, насле́дие ми да́руй .

И ны́не, **Богородичен:** Всепе́тая , Иису́са ро́ждшая Го́спода , / Того́ моли́ изба́вити му́ки вся, пою́щая Тя, / и Богоро́дицу вои́стинну имену́ющая .

Песнь 5.

Ирмос: Просвеще́ние во тме лежа́щих , / спасе́ние отча́янных , Христе́ Спа́се мой, / к Тебе́ , у́треннюю , Ца́рю́ мира , / просвети́ мя сия́нием Твои́м : / иного́ бо разве́ Тебе́ бога́ не знаю́ .

И Иису́се Сладча́йший , спаси́ мя.

Ты просвеще́ние , Иису́се мой, ума́ моего́ , / Ты спасе́ние отча́янных души́ моея́ , Спа́се , / Ты, Иису́се мой, му́ки изба́ви и ге́енны мя, зову́ща : / спаси́ , Иису́се мой Христе́ , мя ока́яннаго .

И Иису́се Сладча́йший , спаси́ мя.

Всеко́нечно , Иису́се мой, ко стра́сти безче́стия низве́ржен ны́не зову́ : / Ты, Иису́се мой, по́мощи ми ру́ку низпослав́ , / исто́ргни зову́ща : / спаси́ , Иису́се мой Христе́ , мя ока́яннаго .

Слава: Оскверне́н ум, Иису́се мой, обно́ся , вызы́ваю Ти: / очисти́ мя от скве́рны прегреше́ний / и изба́ви мя во глуби́ны зло́бы от неведе́ния низпопóлзшагося , / Спа́се Иису́се мой, / и спаси́ мя, молю́ся .

И ныне, Богородичен: Иису́са ро́ждшая , О́трокови́це Богороди́тельнице , / То́го умоли́ спасти́ вся правосла́вныя , монахи́ и мирскія , / и ге́енны изба́вити зовущія : / разве Тебе́ предста́тельства твёрдаго не зна́ем .

Песнь 6.

Ирмос: В бе́здне грехо́вней валя́ясь , / неизсле́дную милосе́рдия Твоего́ призыва́ю бе́здну : / от тли, Бо́же , мя возведи́ .

Иисусе Сладчайший , спаси́ мя.

Иисусе мой Хри́сте́ многоми́лостиве , / испове́дающася приими́ мя, Влады́ко , / о Иису́се , и спаси́ мя, / и от тли, Иису́се , мя исхити́ .

Иисусе Сладчайший , спаси́ мя.

Иисусе мой, никто́же бысть ин блудни́к , я́коже аз, стра́стный , / о Иису́се человеколю́бче : / но Ты, Иису́се , мя спаси́ .

Слава: Иису́се мой, блудни́цу и блу́днаго , / и Манасси́ю и мыта́ря преидо́х , о Иису́се мой, страстьми́ , / и разбо́йника , Иису́се , и ниневи́тяны .

И ныне, Богородичен: Иису́са Хри́ста моего́ ро́ждшая , Пре́чистая Де́во , / е́дина нескве́рная , / оскверне́на су́ща мя моли́тв Твоих́ иссо́пом ны́не очисти́ .

**АКАФИСТ СЛАДЧАЙШЕМУ
ГОСПОДУ НАШЕМУ
ИИСУСУ ХРИСТУ**

Глас 8.

Кондак 1.

Возбра́нный Воево́до и Го́споди , а́да победи́телю , / я́ко изба́влься от ве́чныя сме́рти , / похва́льная восписую́ Ти, создание́ и раб Твой; / но, я́ко име́й милосе́рдие неизрече́нное , / от вся́ких мя бед свобо́ди , зову́ща : / Иису́се , Сы́не Бо́жий , поми́луй мя.

Икос 1.

А́нгелов Тво́рче и Го́споди Сил, / отве́рзи ми недоу́мный ум и язы́к на похвалу́ пречи́стаго Твоего́ и́мене, / я́коже глухо́му и гугни́вому дре́вле слух и язы́к отве́рзл еси́, / и, глаго́лаше, зовый та́ковая: / Иису́се пречу́дный, А́нгелов удиви́ение; / Иису́се преси́льный, пра́родителей изба́вление. / Иису́се пресла́дкий, патриархов велича́ние; / Иису́се пресла́вный, царей укреплéние. / Иису́се прелюби́мый, проро́ков исполне́ние; / Иису́се предивный, му́чеников крепо́те; / Иису́се прети́хий, монахов ра́досте; / Иису́се премилоси́вный, пресви́теров сла́досте. / Иису́се премилосе́рдый, по́стников воздержáние; / Иису́се пресла́достный, преподо́бных ра́дование. / Иису́се пречестный, де́вственных целомудрие; / Иису́се предвечный, грешников спасéние. / Иису́се, Сы́не Бо́жий, поми́луй мя.

Кондак 2.

Ви́дя вдови́цу зельне пла́чущу, Го́споди, / я́коже бо тогда́ умилисе́рдився, сына́ ея́ на погребéние несóма воскресил еси́; / си́це и о́ мне умилисе́рдися, Человеколю́бче, / и грехми́ умерщвлéнную мою́ душу́ воскреси́, зову́щую: / Аллилу́ия.

Икос 2.

Ра́зум неуразумéнный, разуме́ти Фили́пп ищя́, / Го́споди, покажи́ нам Отца́, глаго́лаше. / Ты же к нему́: толи́кое вре́мя сый со Мно́ю, / не позна́л ли еси́, я́ко Оте́ц во Мне, и Аз во Оте́це есмь? / Те́мже, Неизсле́дованне, со страхом зову́ Ти: / Иису́се, Бо́же предвечный; Иису́се, Царю́ преси́льный. Иису́се, Влады́ко долготерпели́вый; / Иису́се, Спа́се премилоси́вный. / Иису́се, храните́лю мой пребла́гий; / Иису́се, очисти́ грехи́ моя́. / Иису́се, отыми́ беззаконя́ моя́; / Иису́се, отпусти́ неправды́ моя́. / Иису́се, наде́ждо моя́, не остави́ мене́; / Иису́се, помо́щниче мой, не отри́ни мене́. / Иису́се, Создате́лю мой,

не забуди́ мене́ ; / Иису́се , Па́стырю мой, не погуби́ мене́ . /
Иисусе́ , Сы́не Бо́жий , поми́луй мя.

Кондак 3.

Си́лою свы́ше апо́столы облекый́ , Иису́се , / во
Иерусали́ме се́дящая , / обле́цы и мене́ , обна́женного от
всякаго благотво́рения , / тепло́тою Ду́ха Свята́го Твоего́ / и
даждь ми с лю́бовию пе́ти Тебе́ : / Аллилу́ия .

Икос 3.

Име́й богáтство милосе́рдия , / мыта́ри и гре́шники , и
неве́рныя призвал еси́ , Иису́се ; / не прѣ́зри и мене́ ны́не ,
подобна́го им, но, я́ко многоце́нное миро , приими́ песнь
сию́ : / Иису́се , си́ло непобеди́мая ; / Иису́се , милосе́
безко́нечная . / Иису́се , красото́ пресве́тлая ; / Иису́се , лю́бы
неизрече́нная . / Иису́се , Сы́не Бо́га Жива́го ; / Иису́се ,
поми́луй мя грешна́го . / Иису́се , услы́ши мя в беззако́нних
зачата́го ; / Иису́се , очисти́ мя во гресе́х ро́жденного . /
Иисусе́ , научи́ мя непотре́бнаго ; / Иису́се , освети́ мя
те́мнаго . / Иису́се , очисти́ мя скве́рнаго ; / Иису́се , возведи́
мя блудна́го . / Иису́се , Сы́не Бо́жий , поми́луй мя.

Кондак 4.

Бу́рю внут́рь име́й помышле́ний сумни́тельных , Петро́
уто́паше ; / узрев же во плóти Тя су́ща , Иису́се , и по вода́м
ходя́ща , / позна́ Тя Бо́га и́стиннаго / и, ру́ку спасе́ния
получи́в , рече́ : / Аллилу́ия .

Икос 4.

Слы́ша слепы́й мимоходя́ща Тя, Го́споди , путе́м ,
вопи́аше : / Иису́се , Сы́не Дави́дов , поми́луй мя! / И,
призва́в , отве́рзл еси́ о́чи его́ . / Просвети́ убо́ милостию
Твое́ю / о́чи мы́сленныя се́рдца и мене́ , вопию́ща Ти и
глаго́люща : / Иису́се , вы́шних Созда́телю ; / Иису́се ,
нижних Иску́пителю . / Иису́се , преиспо́дних потре́бителю ;
/ Иису́се , всея́ тва́ри украси́телю . / Иису́се , ду́ши моея́

утѣшителю ; / Иисусе , ума моего просветителю . / Иисусе ,
сѣрдца моего весѣлие ; / Иисусе , тела моего здравіе . /
Иисусе , Спасе мой, спаси мя; / Иисусе , свѣте мой, просвети
мя. / Иисусе , муки всякия избави мя; / Иисусе , спаси мя,
недостойнаго . / Иисусе , Сыне Божий , помилуй мя.

Кондак 5.

Боготочною Крѣвию якоже искупил еси нас дрѣвле от
законныя клятвы , Иисусе , / сице изми нас от сѣти , еюже
змий запят ны / страстьми плотскими и блудным
наваждѣніем , и злым уныніем , / вопиющія Ти: Аллилуія .

Икос 5.

Видевше ѡтроцы еврейстии / во ѡбразѣ человѣчеством
Создаваго рукою человека / и Владыку разумѣвше Его ,
потщашася вѣтвми угодити Ему , осанна вопиюще . / Мы
же песнь приносим Ти, глаголюще : / Иисусе , Боже
истинный ; / Иисусе , Сыне Давидов . / Иисусе , Царю
преславный ; / Иисусе , Агнче непорочный . / Иисусе ,
Пастырю предивный ; / Иисусе , хранителю во младости
моей . / Иисусе , кормителю во юности моей ; / Иисусе ,
похвалю в старости моей . / Иисусе , надеждо в смерти
моей ; / Иисусе , животе по смерти моей . / Иисусе ,
утѣшение мое на судѣ Твоем ; / Иисусе , желаніе мое , не
посрами мене тогда . / Иисусе , Сыне Божий , помилуй мя.

Кондак 6.

Проповѣдник богоносныхъ вѣщаніе и глаголы исполняя ,
Иисусе , / на земли явлься и с человеки Невместимый
пожил еси , / и болѣзни наша подъял еси ; / отнюдуже
ранами Твоими мы исцелѣвше , / пѣти навькохом :
Аллилуія .

Икос 6.

Возсия вселенней просвѣщеніе истины Твоя , / и
отгнася лѣсть бесовская : / идоли бо, Спасе наш, не терпяще

Твоея́ кре́пости , падо́ша . / Мы же, спасе́ние получи́вше ,
 вопи́ем Ти : / Иису́се , и́стино , лестви́ца , отгоня́ющая ; / Иису́се ,
 све́те , превы́шший всех све́тлостей . / Иису́се , Царю́ ,
 премога́й всех кре́пости ; / Иису́се , Бо́же , пребыва́й в
 ми́лости . / Иису́се , Хле́бе живо́тний , насы́ти мя а́лчущаго ;
 / Иису́се , исто́чнице разума , напо́й мя жа́ждущаго . /
 Иису́се , оде́ждо весе́лия , оде́й мя тле́ннаго ; / Иису́се ,
 покрове́ радости , покрый́ мя, недостойна́го . / Иису́се ,
 пода́телю прося́щим , / даждь ми плач за грехи́ моя ; / Иису́се ,
 обре́тение и́щущим , / обря́щи ду́шу мою́ . / Иису́се ,
 отве́ргителю толку́щим , / отве́рзи се́рдце моё́ ока́янное ; /
 Иису́се , Иису́телю грешных , / очисти беззако́ния моя́ . /
 Иису́се , Сы́не Бо́жий , поми́луй мя .

Кондак 7.

Хотя́ сокрове́нную тайну́ от ве́ка откры́ти , / я́ко овча́
 на заколе́ние веде́н был еси́ , Иису́се , / и я́ко а́гнец пра́мо
 стри́гущаго его́ безгласен , / и я́ко Бог из ме́ртвых воскресе́л
 еси́ / и со славою́ на небеса́ возне́сся еси́ , / и нас
 совоздвигл еси́ , зову́щих : / Аллилу́ия .

Икос 7.

Дивну́ю показа́ тварь , явля́йся Творе́ц нам : / без се́мене
 от Де́вы воплоти́ся ; / из гроба́ , печати́ не руши́в , воскресе́ ;
 / и ко апо́столом , двере́м затворе́нным , с плоти́ю вниде́ . /
 Те́мже чудя́щаяся , воспойм : / Иису́се , Сло́ве необы́менный ;
 / Иису́се , Сло́ве несоглаго́даемый . / Иису́се , си́ло
 непости́жимая ; / Иису́се , му́дросте недомы́слимая . / Иису́се ,
 Божество́ неописа́нное ; / Иису́се , господство́ неисче́тное . /
 Иису́се , ца́рство непобеди́мое ; / Иису́се , вла́дичество
 безконече́нное . / Иису́се , кре́посте высоча́йшая ; / Иису́се ,
 вла́сте ве́чная . / Иису́се , Творче́ мой, уще́дри мя ; / Иису́се ,
 Спа́се мой, спаси́ мя . / Иису́се , Сы́не Бо́жий , поми́луй мя .

Кондак 8.

Странно́ Бо́га вочеловѣчшася видяще , / устрани́мся
суетнаго́ міра и ум на Бо́жественная возложим . / Сего́ бо
ради́ Бог на зѣмлю сніде , / да нас на небеса́ возведѣт , /
вопиющихъ Ему́ : Аллилу́ия .

Икос 8.

Весь бе в ни́жних , / и вы́шних ника́коже отступі
Неисчѣтны́й , / егда́ волею нас ради́ пострада́ / и смѣртію
Своею́ нашу́ смерть умертви́ , / и Воскресе́нием живо́т
дарова́ поющимъ : / Иису́се , сладосте́ серде́чная ; / Иису́се ,
крепосте́ телѣсная . / Иису́се , свѣтлосте́ душе́вная ; / Иису́се ,
быстро́то умная . / Иису́се , радосте́ сове́стная ; / Иису́се ,
наде́ждо извѣстная . / Иису́се , па́мяте предвѣ́чная ; / Иису́се ,
похвало́ высо́кая . / Иису́се , славо́ моя́ превознесе́нная ; /
Иисусе́ , жела́ние мое́ , не отри́ни мене́ . / Иису́се , Па́стырю
мой, взыщи́ мене́ ; / Иису́се , Спа́се мой, спаси́ мене́ . /
Иисусе́ , Сыне́ Бо́жий , помилуй́ мя.

Кондак 9.

Все естество́ а́нгельское / безпреста́ни сла́вит пресвято́е
и́мя Твое́ , Иису́се , на небеси́ : / Свят, Свят, Свят, вопи́юще ; /
мы же, грѣшнии , на земли́ брѣ́нными устна́ми вопи́ем : /
Аллилу́ия .

Икос 9.

Ветія́ многовещанная , я́коже рыбы́ безгласныя́ /
видимъ о Тебѣ́ , Иису́се , Спа́се наш: / недоуме́ют бо
глаго́лати , / како́ Бог непрело́жный и челове́къ соверше́нный
пребываеши́ ? / Мы же, таинству́ дивя́щеся , вопи́емъ ве́рно : /
Иисусе́ , Бо́же предвѣ́чный ; / Иису́се , Царю́ ца́рствующих . /
Иисусе́ , Влады́ко владе́ющих ; / Иису́се , Судіе́ живыхъ и
мертвыхъ . / Иису́се , наде́ждо ненаде́жных ; / Иису́се ,
утѣше́ние плачу́щих . / Иису́се , славо́ ни́щих ; / Иису́се , не
осуди́ мя по деломъ моимъ . / Иису́се , очисти́ мя по милости́
Твоей ; / Иису́се , отжени́ от мене́ уны́ние . / Иису́се ,

просвети́ моя мы́сли серде́чныя ; / Иису́се , даждь ми па́мять сме́ртную . / Иису́се , Сы́не Бо́жий , поми́луй мя .

Кондак 10.

Спасти́ хотя́ мир, Восто́че восто́ком , / к те́мному запа́ду естеству́ нашему́ прише́д , / смири́лся еси́ до сме́рти ; / те́мже превознесе́ся и́мя Твое́ па́че вся́кого и́мене , / и от всех коле́н небе́сных и земны́х слы́шиши : / Аллилу́ия .

Икос 10.

Царю́ Предвече́нный , Уте́шителю , Христё́ и́стинный , / очисти́ ны от вся́кия скве́рны , / я́коже очисти́л еси́ де́сять прока́женных , / и исцели́ ны, я́коже исцели́л еси́ сребролюбивую́ ду́шу Закхе́а мы́таря , / да вопие́м Ти, во уми́лении зову́ще : / Иису́се , сокрови́ще нетле́нное ; / Иису́се , бога́тство неисто́жимое . / Иису́се , пи́ще кре́пкая ; / Иису́се , пи́тиё неисчерпа́емое . / Иису́се , ни́щих оде́яние ; / Иису́се , вдов заступле́ние . / Иису́се , си́рых за́щитниче ; / Иису́се , тружда́ющихся по́моще . / Иису́се , стра́нных наставни́че ; / Иису́се , плава́ющих ко́рмчий . / Иису́се , бу́рных оти́шие ; / Иису́се , Бо́же , воздви́гни мя па́дшаго . / Иису́се , Сы́не Бо́жий , поми́луй мя .

Кондак 11.

Пе́ние всеуми́лённое приношу́ Ти, недостой́ный , / вопию́ Ти я́ко ханане́а : / Иису́се , поми́луй мя ; / не дщерь бо, но плоть́ и́мам / страстьми́ лю́те беся́щуюся и я́ростию па́лимую , / и исцеле́ние даждь вопию́щу Ти : / Аллилу́ия .

Икос 11.

Светопода́тельна свети́льника су́щим во тьме неразу́мия , / пре́жде гоня́й Тя Па́вел , / богоразу́много гла́са си́лу внуши́ и душе́вную бы́строту́ уясни́ ; / си́це и мене́ те́мныя зени́цы душе́вныя просвети́ , зову́ща : / Иису́се , Царю́ мой прекре́пкий ; / Иису́се , Бо́же мой преси́льный . / Иису́се ,

Господи мой пребезсмертный ; / Иисусе , Создателю мой
 преславный . / Иисусе , Наставниче мой предобрый ; /
 Иисусе , Пастырю мой прещедрый . / Иисусе , Владыко мой
 премилостивый ; / Иисусе , Спасе мой премилосердый . /
 Иисусе , просвети моя чувства , потемненные страстьми ; /
 Иисусе , исцели мое тело , острупленное грехми . / Иисусе ,
 очисти мой ум от помыслов , суетных ; / Иисусе , сохрани
 сердце мое от похотей лукавых . / Иисусе , Сыне Божий ,
 помилуй мя .

Кондак 12.

Благодать подаждь ми , всех долгов решителю , Иисусе ,
 / и прими мя кающаяся , якоже приял еси Петра ,
 отвергшагося Тебе , / и призови мя , унывающего , якоже
 древле Павла , гоняща Тя , / и услыши мя , вопиюща Ти : /
 Аллилуия .

Икос 12.

Поюще Твое вочеловечение , восхваляем Тя вси / и
 веруем со Фомою , яко Господь и Бог еси , / сядый со
 Отцем и хотяй судити живым и мертвым . / Тогда убо
 сподоби мя деснаго стояния , вопиющаго : / Иисусе , Царю
 предвечный , помилуй мя ; / Иисусе , цвете благовонный ,
 облагоухай мя . / Иисусе , теплото любимая , огрей мя ; /
 Иисусе , храме предвечный , покрый мя . / Иисусе , одеждо
 светлая , украси мя ; / Иисусе , бисере честный , осияй мя . /
 Иисусе , камению драгий , просвети мя ; / Иисусе , солнце
 правды , освети мя . / Иисусе , свете святыи , облистай мя ; /
 Иисусе , болезни душевные и телесныя избави мя . /
 Иисусе , из руки сопротивныя изми мя ; / Иисусе , огня
 неугасимаго и прочих вечных мук свободи мя . / Иисусе ,
 Сыне Божий , помилуй мя .

Кондак 13.

О , Пресладкий и Всещедрый Иисусе ! / Прими ныне
 малое моление сие наше , / якоже приял еси вдовицы две

лёпте , / и сохрани́ достоя́ние Твое́ от враг ви́димых и неви́димых , / от наше́ствия инопле́мник , от недуга́ и гла́да , / от вся́кия ско́рби и сме́ртно́сныя ра́ны , / и гряду́щия изми́ му́ки всех, вопи́ющих Ти: / Аллилу́ия . **Сей кондак глаголи трижды.**

И паки читается 1-й икос: Ангелов Тво́рче и Го́споди Сил, / отве́рзи ми недоуме́нный ум и язы́к на похвалу́ пречи́стаго Твоего́ и́мене , / якоже глу́хому и гугни́вому дре́вле слух и язы́к отве́рзл еси́ , / и, глаго́лаше , зовы́й такова́я :

И паки 1-й кондак: Возбра́нный Воево́до и Го́споди , а́да победи́телю , / я́ко изба́влься от ве́чныя сме́рти , / похва́льная воспи́сую Ти, созда́ние и раб Твой; / но, я́ко име́й ми́лосе́рдие неизре́ченное , / от вся́ких мя бед свобо́ди , зову́ща : / Иису́се , Сы́не Бо́жий , поми́луй мя.

Песнь 7.

Ирмос: О́бразу злато́му на по́ле Деи́ре служи́му , / три́е Твои́ о́троцы небрего́ша безбо́жнаго веления́ , / посре́де же огня́ вверже́ни , ороша́еми пояху : / благослове́н еси́ , Бо́же оте́ц на́ших .

Иисусе Сладчайший , спаси́ мя.

Христé Иису́се , / никто́же согреси́ на земли́ от ве́ка , о Иису́се мой, / якоже согреси́х аз, ока́янный и блу́дный . / Те́мже , Иису́се мой, вопи́ю Ти: / пою́ща мя уще́дри , / благослове́н еси́ , Бо́же оте́ц на́ших .

Иисусе Сладчайший , спаси́ мя.

Христé Иису́се , / ко стра́ху Твоему́ , вопи́ю , пригвозди́ мя, о Иису́се мой, / и окорми́ ны́не ко приста́нцу благоотп́шному , / я́ко да, Иису́се мой ще́дре , пою́ Ти спаса́емый : / благослове́н еси́ , Бо́же оте́ц на́ших .

Слава: Христé Иису́се , / тма́ми обеща́х Тебе́ , стра́стный , о Иису́се мой, пока́яние , / но солга́х ока́янный . / Темже , Иису́се мой, вопи́ю Ти: / нечу́вственне пребыва́ющую ду́шу мою́ просвети́ , Христé , / оте́ц Бо́же благослове́н еси́ .

И ныне, Богородичен: Христа́ Иису́са ро́ждшая , странно и па́че естества́ , / Того́ моли́ , Всенепоро́чная , / я́же чрез естество́ моя́ прегреше́ния вся прости́ти ми, О́трокови́це , / да зову́ спасае́мь : / благослове́на еси́ , Бо́га плото́ю ро́ждшая .

Песнь 8.

Ирмос: В пещь о́гненную ко отроко́м евре́йским снизше́дшаго / и пла́мень в росу прело́жшаго Бо́га , / пойте , дела́ , я́ко Го́спода , / и превозносите во вся ве́ки .

Иисусе Сладчайший , спаси́ мя.

Тя, Иису́се мой, молю́ : / я́коже блудни́цу , Иису́се мой, / изба́вил еси́ мно́гих согреше́ний , / та́ко и мене́ , Иису́се Христе́ мой, изба́ви , / и очисти́ осквернённую ду́шу мою́ , Иису́се мой.

Иисусе Сладчайший , спаси́ мя.

Пре́клонився , Иису́се , безслове́сными сла́стми , / безслове́сен явихся и ското́м воистинну , Иису́се мой, / стра́стно ока́янный уподо́бихся ; / те́мже , Иису́се , безслове́сия мя изба́ви .

Слава: Впад, о Иису́се , в душе́тлённыя разбо́йники , / обнажи́хся оде́жды , Иису́се мой, боготка́нныя ны́не , / и лежу́ ра́нами уязвен ; / елей , Христе́ мой, возлей на мя и вино́ .

И ныне, Богородичен: Иису́са моего́ и Бо́га носи́вшая Христа́ нескза́нно , / Богоро́дице Мари́е , / Того́ моли́ при́сно от бед спасти́ся рабо́м Твои́м , и певце́м Твои́м , / Неискусому́жная Де́во .

Песнь 9.

Ирмос: От Бо́га Бо́га Сло́ва , / неизрече́нною му́дростию прише́дшаго обно́вити Ада́ма , / я́дию в тле́ние па́дшаго лю́те , / от Святы́я Де́вы неизрече́нно воплоти́вшагося нас ра́ди , / ве́рнии единому́дренно пе́снями велича́ем .

Иисусе Сладчайший , спаси́ мя.

Манассію , Иисусе мой, / мытаря , блудницу , блуднаго , щёдре Иисусе , / и разбойника преидох , Иисусе мой, / в делех студных и безмѣстных , Иисусе ; / но Ты, Иисусе мой, предварив , мя спаси .

Иисусе Сладчайший , спаси мя.

От Адама , Иисусе мой, согрѣшившиа вся, / прежде закона и в законѣ , Иисусе , / и по законѣ , окаянный , и благодати , Иисусе мой, / победихъ страстьми окаянно ; / но Ты, Иисусе мой, / судьбами Твоими спаси мя.

Слава: Да не отлучен буду , Иисусе мой, неизреченныя Твоя славы , / да не улучу части , Иисусе , шуйа , Сладчайший Иисусе ; / но Ты мя деснымъ овцамъ Твоимъ , / Христѣ Иисусе мой, сочетава / упокой , яко благоутробен .

И ныне, Богородичен: Иисуса , Богородице , Егѣже носила еси , / едина неискусомужная Дѣво Маріе , / Того , Чистая , умиловиви , / яко Сына Твоего и Зиждителя , / избавити притекающа к Тебѣ / искушений и бед, и огня будущаго .

Светилен:

Иисусе , премудрости и смысла Подателю , / нищимъ Кормителю , сирымъ Заступниче , болящимъ Врачу , / исцели и просвети мое сердце , Иисусе , / струпы греховными и страстей тлею покровенное , / Иисусе , и спаси мя.

Богородичен: Сияниемъ , Дѣво , из Тебѣ возсіявшаго Свѣта , / ум мой озари , сердце просвети , / тьму греховную отгоняющи , / и мглу лености моя потребляющи .

**Молитва ко Господу нашему
Иисусу Христу.**

Владыко Господи Иисусе Христѣ Бѣже наш, Иже неизреченнаго ради Твоего человеколюбия на конецъ вековъ в плоть оболкийся от Приснодѣвы Маріи , славимъ о насъ Твое спасительное промышление раби Твои , Владыко ; песнословимъ Тя, яко Тебѣ ради Отца познахомъ ;

благословимъ Тя, Егѡже ради и Духъ Святѣй въ миръ прииде ,
 поклоняемся Твоей по плѣти Пречистой Матери , такоѣй
 страшной тайне послужившей ; восхваляемъ Твоя
 Ангельская ликостоянія , яко воспеватели и служители
 Твоегѡ величества ; ублажаемъ Предтечу Иоанна , Тебѣ
 крестившаго , Господи ; почитаемъ и провозвестившія Тя
 пророки , прославляемъ апостолы Твоя святѣя ;
 торжествуемъ же и мученики , священники же Твоя , славимъ ;
 поклоняемся преподобнымъ Твоимъ , и вся Твоя праведники
 пестунствуемъ . Таковаго и толикаго многаго и
 неизреченнаго лика Божественнаго въ молитву приводимъ
 Тебѣ , всецѣдному Богу , раби Твои , и сего ради просимъ
 нашимъ согрѣшеніемъ прощенье , еже даруй намъ всехъ Твоихъ
 ради святыхъ , изряднее же святыхъ Твоихъ щедрѡтъ , яко
 благословенъ еси во вѣки . Аминь .

Молитва иная.

Тебѣ , Господи , единому Благому и Непамязлобному ,
 исповѣдаю грехи моя , Тебѣ припадаю вопія ,
 недостойный : согрѣшихъ , Господи , согрѣшихъ и не смѣю
 достоинъ возрѣти на высоту небесную от множества
 неправдъ моихъ . Но, Господи мой, Господи , даруй ми слезы
 умиленія , единый Блаже и Милостивый , яко да ими Тя
 умолю , очиститися прежде конца от всякаго грѣха :
 страшно бо и грозно мѣсто имамъ проити , тела разлучився ,
 и множество мя мрачное и безчеловѣчное демоновъ срящетъ ,
 и никтоже въ помощь спутствуяй или избавляяй . Темъ
 припадаю Твоей благодати , не предаждь обидящимъ мя,
 ниже да похвалятся о мнѣ врази мои , Благій Господи ,
 ниже да рекутъ : въ руки наша пришелъ еси , и намъ преданъ
 еси . Ни, Господи , не забуди щедрѡтъ Твоихъ и не воздаждь
 ми по беззаконіемъ моимъ , и не отврати лица Твоегѡ отъ
 мене : но Ты, Господи , накажи мя, обаче милостию и
 щедрѡтами . Врагъ же мой да не возрадуется о мнѣ, но угаси
 его на мя прещенія и все упраздни его дѣйство , и даждь ми
 къ Тебѣ путь неукѡрный , Благій Господи : занеже и

согрешивъ , не прибе́гохъ ко ино́му врачу́ , и не простро́хъ руки́
моея́ к бо́гу чужде́му , не отри́ни убо моле́ния моего́ , но
услы́ши мя Твоею́ благо́стию и утверди́ моё се́рдце
стра́хом Твои́м , и да бу́дет благода́ть Твоя́ на мне,
Господи́ , я́ко огнь попада́яй нечи́стыя во мне по́мыслы . Ты
бо еси́ , Господи́ , светъ , паче́ всякаго́ света́ ; радостьъ , паче́
вся́кия ра́дости ; упоко́ение , паче́ всякаго́ упоко́ения ; жизньъ
исти́нная и спасе́ние , пребыва́ющее во ве́ки веко́в , ами́нь .

В оглавление

КАНОН МОЛЕБНЫЙ КО ПРЕСВЯТЕЙ БОГОРОДИЦЕ

**Поемый во всякой
скорби душевной и обстоянии.
Творение Феостирикта монаха.**

Тропарь Богородице, глас 4:

К Богородице прилежно ныне притецем, / грешнии и смиреннии, / и припадём, / в покаянии зовуще, / из глубины души: / Владычице, помози, на ны милосердовавши, / потщися, / погибаем от множества прегрешений, / не отврати Твоя рабы тщи, / Тя бо и едину надежду имамы. **Дважды.**

Слава, и ныне: Не умолчим никогда, Богородице, / силы Твоя глаголати, / недостойнии: / аще бо Ты не бы предстояла молящи, / кто бы нас избавил от толиких бед; / кто же бы сохранил до ныне свободны; / не отступим, Владычице, от Тебе, / Твоя бо рабы спасаеши присно от всяких лютых.

Таже псалом 50: Помилуй мя, Боже:

И канон Пресвятыя Богородицы.

Глас 8.

Песнь 1.

Ирмос: Воду прошед яко сушу, / и египетского зла избежав, / израильтянин вопияше: / избавителю и Богу нашему поим.

Пресвятая Богородице, спаси нас.

Многими содержимъ напастьми, / к Тебе прибегаю, спасения иский: / о, Мати Слова и Дево, / от тяжких и лютых мя спаси.

Пресвятая Богородице, спаси нас.

Страстей мя смущают прилози , / мно́гаго уны́ния
исполнити мою́ ду́шу ; / умири́ , Отрокови́це , / тиши́ною
Сы́на и Бо́га Твоего́ , Всенепоро́чная .

Слава: Спа́са ро́ждшую Тя и Бо́га , / молю́ , Де́во ,
избави́тся ми лю́тых : / к Тебе́ бо ны́не прибега́я , /
прости́раю и ду́шу и помышле́ние .

И ны́не: Неду́гующа те́лом и душе́ю , / посеще́ния
Божество́ннаго и промы́шления от Тебе́ сподо́би , еди́на
Богомати́ , / я́ко блага́я , Блага́го же Родите́льница .

Песнь 3.

Ирмос: Небе́снаго кру́га Верхотво́рче , Го́споди , / и
Церкве́ Жиждите́лю , / Ты ме́не утверди́ в любви́ Твое́й , /
желаний́ кра́ю , ве́рных утвержде́ние , / еди́не
Человеколю́бче .

Пресвята́я Богоро́дице , спаси́ нас.

Предста́тельство и покрóв жи́зни моея́ / полага́ю Тя,
Богородите́льнице Де́во : / Ты мя окорми́ ко пристани́щу
Твоему́ , благих́ ви́новна ; / ве́рных утвержде́ние , еди́на
Всепе́тая .

Пресвята́я Богоро́дице , спаси́ нас.

Молю́ , Де́во , душе́вное смуще́ние и печа́ли моея́
бу́рю разори́ти : / Ты бо, Богоне́вестная , / нача́льника
тишины́ Христа́ роди́ла еси́ , еди́на Пречи́стая .

Слава: Благоде́теля ро́ждши до́брых ви́новнаго , /
благодея́ния бога́тство всем исто́чи , / вся бо мо́жеша , / я́ко
си́льнаго в кре́пости Христа́ ро́ждши , Богоблаже́нная .

И ны́не: Лю́тыми неду́ги и боле́зненными страстьми́
истязáему , Де́во , Ты ми помози́ : / исцеле́ний бо неоску́дное
Тя зна́ю сокро́вище , Пренепоро́чная , неизживáемое .

Спаси́ от бед рабы́ Твоя́ , Богоро́дице , / я́ко вси по Бо́зе
к Тебе́ прибега́ем , / я́ко нерушима́я стéна и
предста́тельству .

При́зри благосе́рдием , всепе́тая Богоро́дице , / на мое́
лю́тое телесе́ озлобле́ние , / и исцели́ души́ моя́ боле́знь .

Тропарь, глас 2:

Моле́ние те́плое и стена́ необори́мая , / ми́лости
исто́чнице , миро́ви прибе́жище , / приле́жно вопие́м Ти : /
Богоро́дице Влады́чице , предвари́ , / и от бед изба́ви нас , /
еди́на вско́ре предста́тельствующа́я .

Песнь 4.

Ирмос: Услы́шах , Го́споди , / смотре́ния Твоего́
таи́нство , / разуме́х дела́ Твоя́ / и просла́вих Твое́
Божество́ .

Пресвята́я Богоро́дице , спаси́ нас.

Страсте́й моих́ смуще́ние , / ко́рмчию ро́ждшая
Го́спода , / и бу́рю утиши́ моих́ прегреше́ний ,
Богоневе́стная .

Пресвята́я Богоро́дице , спаси́ нас.

Милосе́рдия Твоего́ бе́здну призыва́ющу пода́ждь ми , /
я́же Благосе́рдаго ро́ждшая и Спаса́ всех пою́щих Тя .

Пресвята́я Богоро́дице , спаси́ нас.

Наслажда́ющися , Пречи́стая , Твои́х дарова́ний , /
благода́рственное воспева́ем пение́ , / ве́дуще Тя
Богомате́рь .

Слава: На одре́ боле́зни моя́ и немо́щи низлежа́щу ми ,
/ я́ко благолю́бива , помози́ , Богоро́дице , / еди́на
Присноде́во .

И ныне: Наде́жду и утвержде́ние и спасе́ния стéну
недви́жиму иму́ще Тя , Всепе́тая , / неудобства́ вся́каго
избавля́емся .

Песнь 5.

Ирмос: Просвети́ нас повелѣнии Твоими́ , Гóсподи , / и мы́шцею Твое́ю высоко́ю / Твой мир пода́ждь нам, Человеколю́бче .

Пресвята́я Богоро́дице , спаси́ нас.

Испóлни , Чистая , весѣлія сѣрдце моѣ , / Твою́ нетлѣнную да́ющи радостъ , / весѣлія ро́ждшая Вино́внаго .

Пресвята́я Богоро́дице , спаси́ нас.

Избáви нас от бед, Богоро́дице Чистая , / вѣчное ро́ждши избавлѣние , / и мир, всяк ум преимущій .

Слава: Разреши́ мглу прегрѣшѣній моихъ , Богоневѣсто , / просвѣщѣнием Твое́я свѣтлости , / Свет ро́ждшая Божѣственный и превѣчный .

И ныне: Исцели́ , Чистая , души́ моея́ неможѣние , / посещѣнія Твоего́ сподобльшая , / и здравіе моли́твами Твоими́ пода́ждь ми.

Песнь 6.

Ирмос: Моли́тву пролию́ ко Гóсподу , / и Тому́ возвещу́ печáли моя́ , / я́ко зол душа́ моя́ исполнися , / и живóт мой áду приближися , / и молю́ся я́ко Ио́на : / от тли, Бо́же , возведи́ мя.

Пресвята́я Богоро́дице , спаси́ нас.

Смѣрти и тли́ я́ко спасл есть, / Сам Ся издав смѣрти , / тлѣнием и смѣртію моѣ естество́ , я́то бывшее , Дѣво , / моли́ Гóспода и Сы́на Твоего́ , / враговъ злодѣйствія мя избáвити .

Пресвята́я Богоро́дице , спаси́ нас.

Предста́тельницу Тя живото́а вем и храните́льницу твёрду , Дѣво , / и напáстей решáщу молвы́ , и нало́ги бесов отгоня́юще ; / и молю́ся всегда́ , от тли страстѣй моихъ избáвити мя.

Слава: Я́ко стѣну прибе́жища стяжа́хом , / и душъ всесовершенство́е спасение , / и пространство́ в скорбѣх ,

Отроковице , / и просвещением Твоим присно радуемся : / о, Владычице , и ныне нас от страстей и бед спаси .

И ныне: На одре ныне немощствуяй лежу , / и несть исцеления плоти моей : / но, Бога и Спаса миру и Избавителя недугов рождшая , / Тебе молюся , Благой : / от тли недуг возстави мя.

Кондак, глас 6:

Предстательство христиан непостыдное , / ходатайство ко Творцу непреложное , / не презри грешных молений гласы , / но предвари , яко Благая , на помощь нас, верно зовущих Ти; / ускори на молитву , и потщися на умоление , / предстательствующи присно , Богородице , чтущих Тя.

Иный кондак, глас тот же:

Не имамы иных помощи , / не имамы иных надежды , / разве Тебе , Пречистая Дево . / Ты нам помози , / на Тебе надеемся , и Тобою хвалимся , / Твой бо есмь рабы , да не постыдимся .

Стихира, глас тот же:

Не ввери мя человеческому предстательству , / Пресвятая Владычице , / но прими моление раба Твоего : / скорбь бо обдержит мя, / терпети не могу демонскаго стреляния , / покрова не имам , / ниже где прибегну , окаянный , / всегда побеждаемь , / и утешения не имам , разве Тебе , Владычице мира , / упование и предстательство верных , / не презри моление мое , полезно сотвори .

Песнь 7.

Ирмос: От Иудеи дошедше отроцы , / в Вавилоне иногда , / верую Троическою пламень пещный попраша , поюще : / отцев Боже , благословен еси .

Пресвятая Богородице , спаси нас.

Наше спасение якоже восхотел еси , Спасе , устроить ,
/ во утробу Девы , вселился еси , / Юже миру
предстательницу показал еси : / отец наших Боже ,
благословен еси .

Пресвятая Богородице , спаси нас.

Волителя милости , Егоже родила еси , Мати чистая , /
умоли избавитися от прегрешений и душевных скверн
верою зовущим : / отец наших Боже , благословен еси .

Слава: Сокровище спасения и Источник нетления , Ты
Рождшую , / и столп утверждения , и дверь покаяния ,
зовущим показал еси : / отец наших Боже , благословен
еси .

И ныне: Телесныя слабости и душевныя недуги ,
Богородительнице , / любовью приступающих к крову
Твоему , Дево , исцелити сподоби , / Спаса Христа нам
рождающая .

Песнь 8.

Ирмос: Царя Небеснаго , / Егоже поют вси Ангельстии ,
/ хвалите и превозносите во вся веки .

Пресвятая Богородице , спаси нас.

Помощи яже от Тебе требующия не презри , Дево , /
поющия и превозносящия Тя во веки .

Пресвятая Богородице , спаси нас.

Неможение души моея исцеляеши и телесныя болезни ,
Дево , / да Тя прославлю , Чистая , во веки .

Слава: Исцелений богатство изливаеши верно
поющим Тя , Дево , / и превозносящим неизреченное Твое
рождество .

И ныне: Напастей Ты прилоги отгоняеши и страстей
находы , Дево : / темже Тя поем во вся веки .

Песнь 9.

Ирмос: Войстинну Богородицу / Тя испове́дуем , / спасеннии Тобою , Де́во чистая , / с безплотными лики Тя величающе .

Пресвята́я Богоро́дице , спаси́ нас.

То́ка слез моих не отврати́ся , / Я́же от вся́кого лица́ всяку слéзу отъёмшаго , / Де́во , Христа́ рожда́я .

Пресвята́я Богоро́дице , спаси́ нас.

Ра́дости моё́ се́рдце испо́лни , Де́во , / Я́же ра́дости прие́мшая исполне́ние , / грехо́вную печа́ль потребля́ющи .

Пресвята́я Богоро́дице , спаси́ нас.

Приста́нище и предста́тельство к Тебе́ прибега́ющих / бу́ди , Де́во , и стена́ неруши́мая , / прибе́жище же и покро́в и веселие .

Слава: Све́та Твоего́ за́рями просвети́ , Де́во , / мрак неве́дения отгоня́ющи , / благове́рно Богоро́дицу Тя испове́дающих .

И ныне: На ме́сте озлобле́ния немо́щи смири́вшагося , Де́во , исцели́ , / из нездра́вия во здра́вие претворя́ющи .

И абие: Досто́йно есть:

И кадит священник жертвенник и люди, и мы поем настоящия Богородичны:

Вы́шшую небёс , / и чи́стшую све́тлостей со́лнечных , / изба́вльшую нас от кля́твы , / Влады́чицу ми́ра / пе́снями почти́м .

От мно́гих моих грехо́в / немо́щству́ет те́ло , / немо́щству́ет и душа́ моя́ : / к Тебе́ прибега́ю Благода́тней , / наде́жде ненаде́жных , / Ты ми помози́ .

Влады́чице и Ма́ти Изба́вителя , / приими́ моле́ние / недостойных раб Твои́х , / да ходата́йствуеши к Ро́ждшемуся от Тебе́ . / О Влады́чице ми́ра , бу́ди Хода́таица !

Поём прилежно Тебе песнь ныне / всепетой
Богородице радостно , / со Предтечею , и всеми святыми , /
моли Богородице , / еже ущедрити ны .

(Немы устне нечестивых , / не покланяющихся образу
Твоему честному , / иже написан бысть от Апостола Луки
священнейша , / Одигитрии .)

Вся Ангелов воинства , / Предтече Господень , /
апостолов двенадцатице , святый вси / с Богородицею ,
сотворите молитву , / во еже спастися нам .

Таже: **Трисвятое:** Пресвятая Троице : по Отче наш:

Молитвы ко Пресвятой Богородице.

Царице моя преблагая , надеждо моя Богородице ,
приятельнице сирых и странных предстательнице ,
скорбящих радости , обидимых покровительнице ! Зриши
мою беду , зриши мою скорбь , помози ми яко немощну ,
окорми мя яко странна . Обиду мою веси , разреши ту ,
яко волиши : яко не имам иныя помощи разве Тебе , ни
иныя предстательницы , ни благия утешительницы , токмо
Тебе , о Богомати , яко да сохраниши мя и покроеши во
веки веков . Аминь .

К кому возопию , Владычице ? К кому прибегну в
горести моей , аще не к Тебе , Царице Небесная ? Кто плач
мой и воздыхание мое примет , аще не Ты , Пренепорочная ,
надеждо христиан и прибежище нам , грешным ? Кто паче
Тебе в напастех защитит ? Услыши убо стенание мое , и
приклони ухо Твое ко мне , Владычице Мати Бога моего ,
и не презри мене , требующаго Твоея помощи , и не отрини
мене , грешнаго . Вразуми и научи мя , Царице Небесная ; не
отступи от мене , раба Твоего , Владычице , за роптание
мое , но буди мне Мати и заступница . Вручаю себе
милостивому покрову Твоему : приведи мя , грешнаго , к
тихой и безмятежной жизни , да плачуся о гресех моих . К
кому бо прибегну повинный аз , аще не к Тебе , упованию и
прибежищу грешных , надеждою на неизреченную милость
Твою и щедроты Твоя окрисяемъ ? О , Владычице Царице

Небесная ! Ты мне упова́ние и прибе́жище , покрóв и заступле́ние и по́мощь . Цари́це моя пребла́гая и ско́рая заступни́це ! Покры́й Твои́м ходата́йством моя прегреше́ния , защи́ти мене́ от враг ви́димых и неви́димых ; умягчи́ сердца́ злых челове́к , возстаю́щих на мя . О , Ма́ти Господа́ моего́ Творца́ ! Ты еси́ ко́рень де́вства и неувядае́мый цвет чистоты́ . О , Богороди́тельнице ! Ты пода́ждь ми по́мощь немощствую́щему плотски́ми страстьми́ и боле́знующему се́рдцем , еди́но бо Твое́ и с Тобо́ю Твоего́ Сы́на и Бога́ нашего́ има́м заступле́ние ; и Твои́м пречу́дным заступле́нием да изба́влюся от вся́кия бе́ды и напа́сти , о Пренепоро́чная и Пресла́вная Бо́жия Ма́ти Мари́е . Те́мже со упова́нием глаго́лю и вопи́ю : ра́дуйся , благода́тная , ра́дуйся , обра́дованная ; ра́дуйся , преблагослове́нная , Госпо́дь с Тобо́ю .

В оглавление

**КАНОН
БЛАГОДАРНЫЙ С АКАФИСТОМ
КО ПРЕСВЯТЕЙ БОГОРОДИЦЕ**

Тропарь, глас 8:

Повелѣнное тайно приѣм в разумѣ , / в кровѣ Иѳсифове
тщаниѣм предста безплотный , / глаголя Неискусобращней : /
Приклонивый схождением небеса , вмещается неизменно
весь в Тя . / Егѳже и видя в ложеснах Твоих / приѣмша
рабій зрак , / ужасаюся звати Тебѣ : / радуйся Невѣсто
Неневѣстная .

**Канон, творение Иосифово,
егоже краегранесие сицево:**

Радости пріятелище ,
Тебѣ подобает радоватися единой .

Глас 4. Песнь 1.

Ирмос: Отвѣрзу уста моя , / и напълнятся Духа , / и
слово отрыгну Царице Матери , / и явлюся , светло
торжествуя , / и воспою , радуяся , Тоя чудеса .

Пресвятая Богородице , спаси нас.

Христову книгу одушевленную , запечатленную Тя
Духом , / великий Архангел , Чистая , зря возглашаше Ти : /
радуйся , радости пріятелище , / Ёюже праматерняя клятва
разрешится .

Пресвятая Богородице , спаси нас.

Адамово исправление , радуйся / Дѣво Богоневѣсто ,
адово умерщвление . / Радуйся Всенепорочная , палато всех
Царя : / радуйся , престолѣ огненный Вседержителя .

Слава: Цвѣте неувядаемый , радуйся / едина прозябшая
яблоко благовонное . / Радуйся рождающая благоухание
единого Царя . / Радуйся Неискусобращная , мірови
спасение .

И ныне: Чистоты сокровище , радуйся , / Еюже от падения нашего востахом . / Радуйся , сладкоуханный крине Владычице , / верных благоухай , кадило благовонное , / и мирю многоценное .

Песнь 3.

Ирмос: Твоя песнословцы , Богородице , / Живый и Независтный Источник , / лик себе совокупльшия , духовно утверди , / в Божественной Твоей славе / венцев славы сподоби .

Пресвятая Богородице , спаси нас.

Клас прозябшая Божественный , яко нива неоранная яве , / радуйся одушевленная трапезо , хлеб животный вмещающая . / Радуйся , животная воды источник неистощаемый , Владычице .

Пресвятая Богородице , спаси нас.

Юнице Юнца рождающая непорочного , радуйся верным . / Радуйся Агнице , рождающая Божияго Агнца , / вземлющего мира всего прегрешения . / Радуйся теплое очистилище .

Слава: Утро светлейшее , радуйся / единая Солнца носящая Христа , света жилище . / Радуйся , тьму разрушившая , / и мрачные бесы отнюд отгнавшая .

И ныне: Радуйся , двере единая , / Еюже Слово пройде едино , / вереи и врата адова , Владычице , Рождеством Твоим сокрушившая . / Радуйся , Божественный входе спасаемых , Богоневесто .

Песнь 4.

Ирмос: Седяй в Славе / на Престоле Божества / во облаце легче , / прииде Иисус Пребожественный , / Нетленную Дланию / и спасе зовущия : / слава , Христе , силе Твоей .

Пресвятая Богородице , спаси нас.

Во гласех пений , Дево / Тебе вопиём Всепетая : / радуйся , тучная горю и усыренная Духом . / Радуйся

свѣщнице , и ста́нно ма́нну нося́щая , / усажда́ющая всех
 благоче́стных чу́ства .

Пресвята́я Богоро́дице , спаси́ нас.

Очи́стище ми́ру , ра́дуйся , Пречи́стая Влады́чице . /
 Ра́дуйся ле́стнице , от земли́ всех возвы́сившая благода́тию .
 / Ра́дуйся мо́сте , воистинну́ прево́дяй всех / от сме́рти к
 живу́му пою́щих Тя .

Пресвята́я Богоро́дице , спаси́ нас.

Небе́с превы́шшая , ра́дуйся , земли́ основа́ние / в Твои́х
 ложесна́х Пречи́стая , нетру́дно носив́шая . / Ра́дуйся
 червлени́це , багряни́цу Божество́нную омочив́шая , / от
 крове́й Твои́х , Царе́ви си́лам .

Слава: Законода́вца ро́ждшая и́стиннаго , ра́дуйся
 Влады́чице , / беззако́ния всех ту́не очища́ющего . /
 Недове́домая глубино́ , вы́соту неизрече́нную ,
 брако́неиску́сная , / Ё́юже мы обожи́хомся .

И ны́не: Тя испле́тшую ми́рови нерукоплете́нный вене́ц
 песносло́вим , / ра́дуйся , Тебе́ Де́во зову́ще : / храни́лище
 всех и огражде́ние , и утвержде́ние , / и свяще́нное
 прибе́жище .

Песнь 5.

Ирмос: Ужасо́шася вся́ческая / о Божество́нной сла́ве
 Твое́й : / Ты бо, Неискусобра́чная Де́во , / имела́ еси́ во
 утробе́ над все́ми Бо́га / и родила́ еси́ Безле́тнаго Сы́на , /
 всем воспева́ющим Тя / мир подава́ющая .

Пресвята́я Богоро́дице , спаси́ нас.

Пу́ть ро́ждшая жи́зни , ра́дуйся Пренепоро́чная , / от
 пото́па грехо́внаго мир спаса́ющая : / ра́дуйся Богоневесто́ ,
 слы́шание и глаго́лание стра́шное : / ра́дуйся пребыва́ние
 Влады́ки твари́ .

Пресвята́я Богоро́дице , спаси́ нас.

Кре́пость и утвержде́ние челове́ков , ра́дуйся Пречи́стая ,
 / ме́сто освяще́ния славы́ , умерщвление́ а́дово , черто́же

всесвѣтлый . / Радуйся а́нгелов ра́досте : / радуйся по́моще
вѣрно молящихся Тебѣ .

Пресвятая Богородице , спаси нас.

Огнеобразная колеснице Слова , радуйся Владычице , /
одушевленный раю , древо посреде имущи жизни
Господа , / Егоже сладость оживотворяет верою
причащающихся , и тли подклонившихся .

Слава: Укрепляеми силою Твоею , вѣрно вопиѣм Ти: /
радуйся , граде всех Царя , / преславная и достослышанная о
Нейже глаголана быша яве , горю несекомая : / радуйся
глубино неизмеримая .

И ныне: Пространное селение Слова , радуйся
Пречистая , / сосуде , Божественный бисер произведшая . /
Радуйся , всечюдное всех к Богу примирение , / блажащих Тя
Богородице всегда .

Песнь 6.

Ирмос: Божественное сие и всечестное / совершающее
празднество , / Богомудрии , Богоматере , / приидите , руками
восплещим , / от Ней рождаемого Бога славим .

Пресвятая Богородице , спаси нас.

Чертюже Слова нескверный , вина всех обожения , /
радуйся Пречистая , пророков оглашение : / радуйся ,
апостолов удобрение .

Пресвятая Богородице , спаси нас.

От Тебе роса укану , пламень многобожия угасившая . /
Тем вопиѣм Ти: / радуйся , руно одушевленное , еже
Гедеон , Дево , предвиде .

Слава: Се Тебе [Дево] радуйся , зовѣм : / пристанище
нам буди влающимся , / и отишии в пучине скорбей , / и
соблазнов всех борителя .

И ныне: Радости вина , облагодати наш помысл , еже
звати Тебе : / радуйся неопалимая купино , облаче
всесвѣтлый , / вѣрныя непрестанно осеняющий .

**АКАФИСТ ПРЕБЛАГОСЛОВЕННОЙ
ВЛАДЫЧИЦЕ НАШЕЙ БОГОРОДИЦЕ
И ПРИСНОДЕВЕ МАРИИ**

Глас 8.

Кондак 1.

Взбранной Воеводе победительная , / яко избавльшеся
от злых , / благодарственная восписуем Ти раби Твой ,
Богородице , / но яко имущая державу непобедимую , / от
всяких нас бед свободи , да зовем Ти : / радуйся , Невесто
Неневестная .

Икос 1.

А́нгел предста́тель с небесе́ по́слан бысть рещи́
Богородице : радуйся , / и со безплотным гласом воплощаема
Тя зря , Господи , ужасашеся / и стояше , зовый к Ней
таковая : / Радуйся , Ёюже радость возсияет ; / радуйся ,
Ёюже клятва изчезнет . / Радуйся , падшаго Адама
воззвание ; / радуйся , слез Ёвиных избавление . / Радуйся ,
высоту неудобовосходима́я челове́ческими по́мысли ; /
радуйся , глубино́ неудобозрима́я и а́нгельскими́ очима́ . /
Радуйся , яко еси́ Царево седалище ; / радуйся , яко
носиши Носящего вся . / Радуйся , звездо , являющая
Солнце ; / радуйся , утробо Божественнаго воплощения . /
Радуйся , Ёюже обновляется тварь ; / радуйся , Ёюже
поклоняемся Творцу́ . / Радуйся , Невесто Неневестная .

Кондак 2.

Ви́дящи Свята́я Себе́ в чистоте́ , / глаголет Гавриилу
дерзостно : / преславное твоего гласа неудобоприятно́
души́ Моёй является : / безсе́меннаго бо зачат́ия рождество́
како глаголеши , зовый : / Аллилу́ия .

Икос 2.

Ра́зум недоразумева́емый разумёти Де́ва и́щущи , /
возопи́ к служа́щему : / из боку́ чисту , Сы́ну како́ , есть
родиться́ мощно , рцы Ми ? / К Нейже он рече́ со страхом ,

оба́че зовѣи́ сѣ : / Ра́дуйся , со́вета неизрече́ннаго таинни́це ; / ра́дуйся , молча́ния прося́щих ве́ро . / Ра́дуйся , чуде́с Христо́вых нача́ло ; / ра́дуйся , велений Его́ главѣ́сно . / Ра́дуйся , ле́стнице небеса́я , Ё́юже снѣде Бог ; / ра́дуйся , мо́сте , прево́дяй су́щих от земли́ на не́бо . / Ра́дуйся , Ангелов мно́гослову́щее чу́до ; / ра́дуйся , бесов мно́гоплаче́вное пораже́ние . / Ра́дуйся , Свет неизрече́нно роди́вшая ; / ра́дуйся , е́же ка́ко , ни еди́наго же научи́вшая . / Ра́дуйся , премудрых пре́восходя́щая разу́м ; / ра́дуйся , ве́рных оза́ряющая смы́слы . / Ра́дуйся , Невѣ́сто Нене́вѣстная .

Кондак 3.

Си́ла Вы́шняго осе́ни то́гда к зача́тию Брако́неиску́сную , / и благопло́дная То́я ложе́сна , я́ко село́ показа́ сладкое , / всем хотя́щим жа́ти спасе́ние , все́гда пе́ти сѣ : / Аллилу́ия .

Икос 3.

Иму́щи Богоприя́тную Де́ва утробу́ , востече́ ко Елиса́вети ; / младе́нец же о́ня абие позна́в Се́я целова́ние , ра́доваше́ся , / и игра́ньми я́ко пе́сньми вопия́ше к Богоро́дице : / Ра́дуйся , о́трасли неувяда́емая розго́ ; / ра́дуйся , Пло́да безсме́ртнаго стяжа́ние . / Ра́дуйся , Дѣла́теля де́лающая человеколю́бца ; / ра́дуйся , Садите́ля жи́зни на́шея ро́ждшая . / Ра́дуйся , ни́во , растя́щая гобзова́ние щедро́т ; / ра́дуйся , трапе́зо , нося́щая оби́лие очище́ний . / Ра́дуйся , я́ко рай пи́щный процвета́еши ; / ра́дуйся , я́ко пристани́ще ду́шам гото́виши . / Ра́дуйся , прия́тное моли́твы кади́ло ; / ра́дуйся , все́го ми́ра очище́ние . / Ра́дуйся , Бо́жие к сме́ртным благово́ление ; / ра́дуйся , сме́ртных к Бо́гу дерзнове́ние . / Ра́дуйся , Невѣ́сто Нене́вѣстная .

Кондак 4.

Бѹрю внутрь имѣя помышлений сумнительных , /
целомудренный Иосиф смятѣся , к Тебѣ зря небрачней , / и
бракоокрадованную помышляя , Непорочная ; / увѣдев же
Твое зачатие от Дѹха Свята , рече : / Аллилуія .

Икос 4.

Слышаша пастырие Ангелов поющих плотское
Христово пришествие , / и текше яко к Пастырю видят
Сего яко агнца непорочна , / во чреве Мариине упасшася ,
Юже поюще реша : / Радуйся , Агнца и Пастыря Мати ; /
радуйся , дворе словесных овец . / Радуйся , невидимых
врагов мучение ; / радуйся , райских дверей отверзение . /
Радуйся , яко небесная срадуются земным ; / радуйся , яко
земная сликовствуют небесным . / Радуйся , апостолов
немолчная уста ; / радуйся , страстотерпцев непобедимая
дерзосте . / Радуйся , твердое веры утверждение ; / радуйся ,
светлое благодати познание . / Радуйся , Юже обнажися ад ;
/ радуйся , Юже облекохомся славою . / Радуйся , Невѣсто
Неневѣстная .

Кондак 5.

Боготѣчную звезду узревше волсви , тоя последоваша
зари , / и яко светильник держаще ю , тою испытahu
крѣпкаго Царя , / и достигше Непостижимаго ,
возрадовашася , Емѹ вопиюще : / Аллилуія .

Икос 5.

Видеша отроцы халдейстии на руку Девѣчу
Создавшего руками человеки , / и Владыку понимающе
Его , аще и рабий прият зрак , / потщашася дарми
послужити Емѹ , и возопити Благословенней : / Радуйся ,
звезды незаходимыя Мати ; / радуйся , заре таинственного
дне . / Радуйся , прелести пещь угасившая ; / радуйся , Троицы
тайнники просвещающая . / Радуйся , мучителя
безчеловѣчнаго изметающая от начальства ; / радуйся ,

Господа человеколюбца показавшая Христа . / Радуйся ,
 варварскаго избавляющая служения ; / радуйся , тмения
 изымающая дел . / Радуйся , огня поклонение угасившая ; /
 радуйся , пламене страстей изменяющая . / Радуйся , верных
 наставнице целомудрия ; / радуйся , всех родов веселие . /
 Радуйся , Невесто Невестная .

Кондак 6.

Проповедницы богоноснии , бывше волсви , /
 возвратишася в Вавилон , скончавше Твое пророчество , / и
 проповедавшие Тя Христа всем , / оставиша Ирода яко
 буесловяща , не ведуща пети : / Аллилуия .

Икос 6

Воссиявый во Египте просвещение истины , отгнал еси
 лжи тьму : / идоли бо его , Спасе , не терпяще Твоея
 крепости , падоша , / сих же избавльшиися вопияху к
 Богородице : / Радуйся , исправление человеков ; / радуйся ,
 низпадение бесов . / Радуйся , прелести державу
 поправшая ; / радуйся , идольскую лесь обличившая . /
 Радуйся , море , потопившее фараона мысленнаго ; /
 радуйся , каменю , напоивший жаждущия жизни . / Радуйся ,
 огненный столпе , наставляяй сущия во тме ; / радуйся ,
 покрове миру , ширший облака . / Радуйся , пище , манны
 приемнице ; / радуйся , сладости святых служительнице . /
 Радуйся , земле обетования ; / радуйся , из неяже течет мед и
 млеко . / Радуйся , Невесто Невестная .

Кондак 7.

Хотящу Симеону от нынешняго века преставитися
 прелестнаго , / вдался еси яко младенец тому , / но
 познался еси ему и Бог совершенный . / Темже удивися
 Твоей неизреченной премудрости , зовый : / Аллилуия .

Икос 7.

Но́вую показа́ тварь, / я́влься Зижди́тель нам от Него́
 бы́вшим, / из безсе́мenna прозяб утробы, / и сохра́нив Ю,
 якоже бе, нетле́нну, / да чу́до ви́дяще, воспоём Ю,
 вопиюще́ : / Ра́дуйся, цвёте нетле́ния ; / ра́дуйся, вёнце
 воздержания́ . / Ра́дуйся, воскресёния о́браз облистающая́ ; /
 ра́дуйся, а́нгельское жити́е являющая́ . / Ра́дуйся, дре́во
 светлоплодо́витое, от него́же пита́ются ве́рнии ; / ра́дуйся,
 дре́во благосенноли́ственное, и́мже покрыва́ются мнози́ . /
 Ра́дуйся, во чре́ве нося́щая Изба́вителя пленённым ; /
 ра́дуйся, ро́ждшая Наста́вника заблуждшим . / Ра́дуйся,
 Судии́ пра́веднаго умоле́ние ; / ра́дуйся, мно́гих
 согреше́ний прощё́ние . / Ра́дуйся, оде́ждо на́гих
 дерзнове́ния ; / ра́дуйся, лю́бы, вся́кое жела́ние
 побежда́ющая . / Ра́дуйся, Невёсто́ Нене́вестная́ .

Кондак 8.

Стра́нное ро́ждество́ ви́девше, / устрани́мся ми́ра, ум на
 небеса́ прело́жше : / сего́ бо ра́ди высо́кий Бог на земли́
 я́вился смире́нный челове́к, / хотя́й привле́щи к высоте́
 Тому́ вопиющия́ : / Аллилу́ия .

Икос 8.

Весь бе в ни́жних / и ви́шних ника́коже отступи́
 неописа́нное Сло́во : / снизхо́ждение бо Божё́ственное, / не
 прехо́ждение же ме́стное бысть, / и ро́ждество́ от Де́вы
 Богоприя́тная, слы́шася сия́ : / Ра́дуйся, Бо́га
 невместима́го вме́стилище ; / ра́дуйся, честна́го тайнства́
 двёри . / Ра́дуйся, неве́рных сумни́тельное слы́шание ; /
 ра́дуйся, ве́рных изве́стная похвало́ . / Ра́дуйся, колесни́це
 пресвя́тая Су́щаго на Херувимех ; / ра́дуйся, селёние
 пресла́вное Су́щаго на Серафимех . / Ра́дуйся, проти́вная в
 то́жде собравшая́ ; / ра́дуйся, де́вство и ро́ждество́
 сочета́вшая . / Ра́дуйся, Ё́уже разреши́ся престу́пление ; /
 ра́дуйся, Ё́уже отве́рзся рай . / Ра́дуйся, ключу́ Ца́рствия

Христо́ва ; / ра́дуйся , наде́ждо благ ве́чных . / Ра́дуйся ,
Неве́сто Неве́стная .

Кондак 9.

Вся́кое естество́ а́нгельское удиви́ся вели́кому Твоего́
вочелове́чения делу́ ; / непристу́пнаго бо́ яко́ Бо́га , зря́ще
всем присту́пнаго Чело́века , / нам у́бо спребыва́юща ,
слы́шаща же от всех : / Аллилу́ия .

Икос 9.

Ве́тия́ многовеща́нныя , яко́ ры́бы безгла́сныя ви́дим о
Тебе́ , Богоро́дице , / недоумева́ют бо глаго́лати , / е́же како́
и Де́ва пребы́ваеши , и роди́ти возмо́гла еси́ . / Мы же ,
та́инству дивя́щеся , ве́рно вопие́м : / Ра́дуйся , прему́дрости
Бо́жия прия́телище ; / ра́дуйся , промы́шления Е́го
сокро́вище . / Ра́дуйся , любому́дрыя нему́дрыя явля́ющая ; /
ра́дуйся , хитросло́весныя безсло́весныя облича́ющая . /
Ра́дуйся , яко́ обуя́ша лю́тии взыска́теле ; / ра́дуйся , яко́
увядо́ша баснотворцы́ . / Ра́дуйся , афи́нейская плетё́ния
растерза́ющая ; / ра́дуйся , ры́барския мре́жи исполня́ющая . /
Ра́дуйся , из глубли́ны неведе́ния извлача́ющая ; / ра́дуйся ,
мно́ги в разу́ме просвеща́ющая . / Ра́дуйся , кора́блю
хотя́щих спасти́ся ; / ра́дуйся , приста́нище житейских
плава́ний . / Ра́дуйся , Неве́сто Неве́стная .

Кондак 10.

Спасти́ хотя́ мир, И́же всех Украси́тель , / к сему́
самообетова́н прииде́ , и Па́стырь сый, яко́ Бог, / нас ра́ди
я́вися по́ нам чело́век : / подо́бным бо подо́бное призва́в ,
яко́ Бог слы́шит : / Аллилу́ия .

Икос 10.

Сте́на еси́ де́вам , Богоро́дице Де́во , и всем к Тебе́
прибега́ющим : / и́бо небесе́ и земли́ Творе́ц устро́и Тя ,
Пречи́стая , вселься во утробе́ Твое́й , / и вся приглаша́ти
Тебе́ научи́ : / Ра́дуйся , сто́лпе де́вства ; / ра́дуйся , дверь

спасения . / Рáдуйся , начальнице мысленнаго назданiя ; /
 рáдуйся , подáтельница Божественныя бла́гости . / Рáдуйся ,
 Ты бо обновила еси́ зачатыя стúдно ; / рáдуйся , Ты бо
 наказала еси́ окраденныя умом . / Рáдуйся , тлителя
 смыслов упражняющая ; / рáдуйся , Сеятеля чистоты́
 рождающая . / Рáдуйся , чертоже безсеменнаго уневе́щения ; /
 рáдуйся , вёрных Господеви сочета́вшая . / Рáдуйся , добрая
 младопита́тельнице де́вам ; / рáдуйся , невестокраси́тельнице
 душ святы́х . / Рáдуйся , Невесто́ Неве́стная .

Кондак 11.

Пéние всякое побежда́ется , / спростре́тися тща́щееся ко
 мно́жеству мно́гих щедро́т Твои́х : / равночи́сленныя бо
 песка́ пёсни а́ще прино́сим Ти, Царю́ святы́й , / ничто́же
 соверша́ем достойно , / я́же дал еси́ нам, Тебе́ вопи́ющим : /
 Аллилу́ия .

Икос 11.

Светопріёмную свещу́ , сущим во тьме я́вляющуюся , зрим
 святу́ю Дёву , / невестственный бо вжига́ющи огонь , /
 наставля́ет к разуму Божественному вся , / зарёю ум
 просвеща́ющая , званием же почита́емая , сими́ : / Рáдуйся ,
 луче́ умнаго Со́лнца ; / рáдуйся , свети́ло незаходя́маго
 Свёта . / Рáдуйся , молніе , души́ просвеща́ющая ; / рáдуйся ,
 я́ко гром, враги́ устраша́ющая . / Рáдуйся , я́ко многосвётлое
 возсия́ваеши просвеще́ние ; / рáдуйся , я́ко многотеку́щую
 источа́еши реку́ . / Рáдуйся , купели живопису́ющая образ ; /
 рáдуйся , греховную отъёмлю́щая скверну́ . / Рáдуйся , ба́не ,
 омы́вающая сове́сть ; / рáдуйся , ча́ше , черплю́щая рад ость .
 / Рáдуйся , обоня́ние Христо́ва благоуха́ния ; / рáдуйся ,
 животе́ тайнаго веселіа . / Рáдуйся , Невесто́ Неве́стная .

Кондак 12.

Благода́ть да́ти восхо́тév , долго́в дре́вних , / всех долго́в
 Реши́тель челове́ком , / прииде́ Собо́ю ко отше́дшим Того́

благодати , и раздравъ рукописа́ние , / слы́шит от всехъ си́це : / Аллилу́ия .

Икос 12.

Пою́ще Твое́ Рождество́ , хва́лим Тя вси , / я́ко одушевле́нный храм , Богоро́дице : / во Твоей бо всели́вся утробе́ содержи́ вся рукою́ Госпо́дь , / о́свати , просла́ви и научи́ вопи́ти Тебе́ всехъ : / Ра́дуйся , селение́ Бо́га и Сло́ва ; / ра́дуйся , свя́тая свя́тыхъ больша́я . / Ра́дуйся , ковче́же , позлаще́нный Ду́хом ; / ра́дуйся , сокрови́ще живота́ неисто́щимое . / Ра́дуйся , че́стный вѣ́нче царейъ благоче́стивыхъ ; / ра́дуйся , че́стная похвало́ иере́евъ благоговейныхъ . / Ра́дуйся , Це́ркве непоколебимый сто́лпе ; / ра́дуйся , Ца́рствия неру́шимая стено́ . / Ра́дуйся , Ё́же воздвигу́тся победы́ ; / ра́дуйся , Ё́же низпадаю́т врази́ . / Ра́дуйся , те́ла моего́ врачевание́ ; / ра́дуйся , ду́ши моея́ спасе́ние . / Ра́дуйся , Невѣ́сто Невѣ́стная .

Кондак 13.

О , Всепе́тая Ма́ти , ро́ждшая всехъ свя́тыхъ Святе́йшее Сло́во ! / Ны́нешнее прие́мши приноше́ние , от вся́кия изба́ви напа́сти всехъ , / и бу́дущия изми́ му́ки , о Тебе́ вопию́щихъ : / Аллилу́ия .

Сей кондак глаголи трижды. И паки чтется 1-й икос: А́нгел предста́тель : и паки 1-й кондак: Взра́нной Воево́де :

Песнь 7.

Ирмос: Не послужи́ша тва́ри Богому́дрии , / па́че Созда́вшего , / но о́гненное преще́ние му́жески попра́вше , / ра́доваху́ся , пою́ще : / препе́тый отцевъ Госпо́дь и Бог благослове́н еси .

Пресвята́я Богоро́дице , спаси́ нас.

Воспева́ем Тя вопию́ще : / ра́дуйся , колесни́це со́лнца умна́го , / лозо́ истинная , гроздъ зре́лый возде́лавшая , вино́ источа́ющий , / ду́ши веселя́щее ве́рою Тя сла́вящихъ .

Пресвятая Богородице , спаси нас.

Врача́ всех челове́к рожда́ющая , ра́дуйся Богоневѣсто , /
же́зде тайный , цвѣтъ неувяда́емый процвѣтши́й , / ра́дуйся
Влады́чице , Ё́же радости наполня́емся , и жизнь
наследствуем .

Пресвятая Богородице , спаси нас.

Вѣтѣйствующи́й не мо́жет язы́къ , Влады́чице ,
песносло́вити Тя , / па́че бо серафѣ́мов возвы́силася еси́ ,
ро́ждши Царя́ Христа́ . / Е́гоже моли́ граду́ сему́
избави́тися от мно́гих искуше́ний .

Слава: Хва́лят Тя блажа́ще концы́ , и любóвию зову́тъ
Тебе́ : / ра́дуйся свѣ́тъ , в нёмже пер́стом О́тчим написа́ся
Сло́во , Чистая́ . / Е́гоже моли́ , в кни́зе живо́тней / рабо́м
Твои́м написа́тися Богороди́це .

И ныне: Мо́лим , раба́ Твои́ , и прикло́няем ко́лено
се́рдца на́шего : / приклони́ у́хо Твое́ , Чистая́ , / и спаси́
скорбѣ́ми погружа́емая прѣ́сно , / и соблюди́ от всяка́го
вра́жия пленѣ́ния Твой градъ , Богороди́це .

Песнь 8.

Ирмос: О́троки благоче́стивыя в пещи́ / Рожде́ство
Богороди́чо спасло́ есть , / тогда́ у́бо образу́емое , / ны́не же
действи́мое , / вселѣ́нную всю воздвиза́ет пѣти Тебе́ : /
Го́спода пойте́ дела́ / и превозно́сите Его́ во вся ве́ки .

Пресвятая Богородице , спаси нас.

Ложесны́ Сло́во при́яла еси́ , / вся но́сящаго носи́ла
еси́ , / млеко́м пита́ла еси́ , / ма́нием пита́ющаго вселѣ́нную
всю , Чистая́ , Е́муже поемъ : / Го́спода пойте́ дела́ , и
превозно́сите во вся ве́ки .

Пресвятая Богородице , спаси нас.

Моисѣ́й уразумѣ́ в купинѣ́ вели́кое та́инство Рожде́ства
Твоего́ : / о́троцы же прообрази́ша сѣ́ явственнее / посреде́
огня́ стоя́ще , и не опаля́еми , нетле́нная свята́я Де́во . / Тем
Тя почита́ем во вся ве́ки .

Пресвятая Богородице ,спаси нас.

Прежде прелестию обнажившиися / в ризу нетления
облекохомся Рождеством Твоим : / и сядиши во тьме
прегрешений , свет видехом , / света жилище , Отроковице . /
Тем Тя поем во вся веки .

Слава: Мертвии Тобою оживляются , / Жизнь бо
ипостасную родила еси , / немии прежде , благоглаголиви
бывают , / прокаженнии очищаются , недуги отгоняются , /
духов воздушных множества побеждаются , / Дево ,
человеков спасение .

И ныне: Миру рождающая спасение , / имже от земли на
высоту взяти быхом , / радуйся всеблагословенная ,
покрове и державо , / стено и утверждение поющим ,
Чистая : / Господа пойте дела , и превозносите во вся веки .

Песнь 9.

Ирмос: Всяк земнородный / да взыграется , Духом
просвещаемъ , / да торжествует же Безплотных умов
естество , / почитающее священное торжество Богоматере , /
и да вопиет : / радуйся , Всеблаженная , / Богородице Чистая
Приснодево .

Пресвятая Богородице ,спаси нас.

Да Тебе , вернии , радуйся зовем , / Тобою радости
причастницы бывше присносущныя , / избави нас напастей ,
варварскаго пленения , и всякия иныя раны , / за множество ,
Отроковице , прегрешений , / находящая человеком
согрешающим .

Пресвятая Богородице ,спаси нас.

Явилася еси просвещение наше и утверждение . /
Темже вопиём Ти : / радуйся звездѣ незаходящая , вводящая
в мир великое Солнце . / Радуйся , Едем , отверзшая
заключенный , Чистая . / Радуйся сосуде , миро
неистощимое на Тя излиянное приемший .

Пресвятая Богородице ,спаси нас.

Станем благоговѣйно в дому́ Бо́га на́шего ,и возопи́м :
/ ра́дуйся , ми́ру Влады́чице . / Ра́дуйся Мари́е , Госпоже́
всех нас. / Ра́дуйся , едина непоро́чная в женах и до́брая . /
Ра́дуйся , сто́лпе о́гненный , вводя́щий в вы́шнюю жизнь
челове́чество .

Слава: Голуби́це Ми́лостиваго ро́ждшая , ра́дуйся
Присноде́во : / преподо́бных всех, ра́дуйся похвало́ ,
страда́льцев венча́ние . / Ра́дуйся всех пра́ведных
Божественное удо́брение , / и нам ве́рным спасе́ние .

И ныне: Пощади́ , Бо́же , насле́дие Твое́ , / грехи́ на́ша
вся презре́в ны́не , / на сие́ име́я моля́щую Тя , / на земли́
безсе́менно Тебе́ Ро́ждшую , / вели́кия ра́ди ми́лости
восхоте́вшаго / вообрази́тся , Христе́ , в челове́чество .

Ексапостиларий.

Подобен: Жёны услы́шите :

Играйте ликовству́юще , с весе́лием воспо́йте , / Гаври́ил
Де́ве ра́дость принося́й предста́ , / в Назаре́те ны́не гра́де
ра́дость благовеще́ния : / ра́дуйся , чи́стая и непоро́чная ,
ми́ра предста́тельство : / ра́дуйся , небе́сный престо́ле .

Молитва ко Пресвятей Богородице.

Приими́ , всеблагомо́щная , пречи́стая госпоже́
Влады́чице Богороди́тельнице , сия́ честны́я да́ры , Тебе́
еди́ней прикла́дныя , от нас недостойных рабо́в Твои́х , от
всех родов избра́нная , всех тва́рей небесных и земных
вы́шшая явля́ющаяся . Поне́же бо Тебе́ ра́ди бысть Госпо́дь
сил с на́ми , и Тобо́ю Сы́на Божия позна́хом , и
сподо́бихомся свята́го Те́ла Его́ , и пречи́стыя Кро́ве Его́ .
Те́мже блаже́нна еси́ в ро́дах родов , богоблаже́нная ,
херуви́мов светле́йши , и серафи́мов честне́йши су́щая . И
ны́не , всепе́тая Пресвята́я Богороди́це , не преста́й
моля́щися о нас недостойных рабе́х Твои́х , еже изба́виться
нам от вся́каго сове́та лука́ваго , и от вся́каго обстоя́ния : и
сохрани́тся нам невре́ждённым от вся́каго ядови́таго

прилога диавольскаго . Но даже до конца моли́твами Твои́ми неосуждённых нас соблюди́ : яко да Твои́м заступле́нием и по́мощию спасаеми , сла́ву , хва́лу , благода́рение и поклонёние за вся , в Тро́ице еди́ному Бо́гу и всех Созда́телю возсыла́ем , ны́не и при́сно , и во веки веко́в . Ами́нь .

Молитва вторая ко Пресвятей Богородице.

О, Пресвята́я Госпоже́ Влады́чице Богоро́дице , вы́йши еси́ всех Ангел , и Арха́нгел , и всея́ твари честне́йши , по́мощнице еси́ обиди́мых , ненаде́ющихся наде́яние , убо́гих заступни́це , печа́льных утеше́ние , алчу́щих корми́тельнице , на́гих одея́ние , больны́х исцеле́ние , грешны́х спасе́ние , христиа́н всех помо́жение и заступле́ние . О, Всемилостивая Госпоже́ , Де́во Богоро́дице Влады́чице , милостию Твое́ю спаси́ и помилуй святейши́я патриархи́ правосла́вныя , преосвящённы́я митрополи́ты , архиеписко́пы и еписко́пы и весь священни́ческий и ино́ческий чин , и вся правосла́вныя христиа́ны ризо́ю Твое́ю честною за́щити ; и умоли́ , Госпоже́ , из Тебе́ без се́мене воплоти́вшагося Христа́ Бо́га нашего , да препоя́шет нас си́лою Свое́ю свы́ше , на невиди́мыя и види́мыя враги́ на́ша . О, Всемилостивая Госпоже́ Влады́чице Богоро́дице ! Воздвигни́ нас из глубины́ грехо́вныя и избави́ нас от гла́да , губи́тельства , от тру́са и пото́па , от огня́ и мечá , от нахо́ждения иноплеме́нных и междоусобны́я бра́ни , и от напрáсныя сме́рти , и от напа́дения вра́жия , и от тлетво́рных ветр , и от смертоно́сныя я́звы , и от вся́каго зла . Пода́ждь , Госпоже́ , мир и здравие́ рабо́м Твои́м , всем правосла́вным христиа́ном , и просвети́ им ум , и очи́ серде́чныя , е́же ко спасе́нию ; и сподо́би ны́ , грешны́я рабы́ Твоя́ , Ца́рствия Сы́на Твоего́ , Христа́ Бо́га нашего ; яко держа́ва Его́ благослове́на и препросла́влена , со Безнача́льным Его́ Отце́м , и с

КАНОН БЛАГОДАРНЫЙ С АКАФИСТОМ

Пресвяты́м , и Благі́м , и Животворя́щим Его́ Ду́хом , ны́не
и при́сно , и во ве́ки веко́в . Ами́нь .

[В оглавление](#)

КАНОН И АКАФИСТ СВЯТИТЕЛЮ И ЧУДОТВОРЦУ НИКОЛАЮ

Моли́твами святы́х о́тец на́ших , Го́споди Иису́се Христе́ Бо́же наш, поми́луй нас. Ами́нь .

Царю́ Небе́сный : **Трисвятое**. Пресвята́я Тро́ице : Сла́ва , и ны́не : Оче наш: Го́споди , поми́луй (12). Сла́ва , и ны́не : Прииди́те , поклони́мся : (3) **Псалом 50**.

Тропарь, глас 4:

Прави́ло ве́ры и о́браз крото́сти , / возде́ржания учи́теля / яви́ ты ста́ду тво́ему / Я́же ве́щей И́стина . / Сего́ ра́ди стяжа́л еси́ смире́нием вы́сокая , / ни́щето́ю бога́тая , / о́тче свяще́ннонача́льниче Нико́лае , / моли́ Христа́ Бо́га , / спасти́ся ду́шам на́шим .

Слава, и ныне, Богородичен: Е́же от ве́ка утае́нное / и А́нгелом несве́домое таи́нство , / То́бою , Богоро́дице , су́щим на землѣ́ яви́ся Бог, / в неслѣ́тном соедине́нии воплоща́ем / и, Крест во́лею нас ра́ди воспри́им , / и́мже воскресѣ́в перво́зданнаго , / спасе́ от сме́рти ду́ши на́ша .

Канон святителю Николаю.

Песнь 1.

Ирмос: Отве́рзу уста́ моя́ , / и напо́лнятся Ду́ха , / и сло́во отры́гну Цари́це Ма́тери , / и явлю́ся , светло торжеству́я , / и воспою́ , раду́ясь , То́я чуде́са .

Свя́тителю о́тче Нико́лае , моли́ Бо́га о нас.

Па́стырю до́брый Христо́ва ста́да , раду́йся , Нико́лае , / я́ко ми́ряном о́тец че́стен и учи́тель был еси́ , / и мне пода́ждь , раду́йся тебе́ приноси́ти .

Свя́тителю о́тче Нико́лае , моли́ Бо́га о нас.

Роди земнии стеѣмся , / радуся приноси́ти
святителю , / радость бо прино́сит вселѣнной неоску́дно .

Слава: Избавльшему три воеводы от уби́ения
непра́вднаго вопи́ем ти: / радуся , Николае , заступни́че
прибега́ющим под кров твой.

И ныне: Богороди́це Де́во , радуся , / радость от Ангела
приѣмшая , / и спаси́ Тебѣ величающих .

Песнь 3.

Ирмос: Твоя́ , песносло́вцы , Богороди́це , / живы́й и
независтный исто́чнице , / лик Себѣ совоку́пльшия , духо́вно ,
утверди́ , / в Божѣственной Твоей славе / венцев славы
сподоби́ .

Святителю́ о́тче Николае , моли́ Бо́га о нас.

Никто́же прибега́й под кров наде́жды твоея́ , о́тче , тощѣ
от тебѣ исхо́дит , / но радуся принося́ ти , по́мощь
приѣмлет , Николае , / ю́же и мне пода́ждь , всеблаже́нне .

Святителю́ о́тче Николае , моли́ Бо́га о нас.

А́нгели дивя́тся твоему́ , преподо́бне , тёплому
заступле́нию , / челове́цы же радуются , приѣмлюще
моли́твами твоими́ избавле́ние от напа́стей бесовских , /
тѣмже радуся , прино́сим ти , Николае прехва́льне .

Слава: Шлем , и ору́жие непобеди́мое на диа́вола ты еси́ ,
/ христиа́ном же утвержде́ние , и иера́рхом удо́брѣние ,
Николае чу́дне ; / радуся , чудотво́рче вели́кий ,
обуреваемым тихое пристанище .

И ныне: Зачѣнши Зижди́теля Своего́ , Богороди́це , /
родила́ еси́ Творца́ всех и Го́спода , / Того́ моли́ избави́ти
нас от напа́стей ; / елика́ бо хо́щеши , вся мо́жеши , / я́ко
благая́ Благо́го же Родите́льница .

Песнь 4.

Ирмос: Седя́й в сла́ве на Престо́ле Божества́ , / во о́блаце
лёгце , / прииде́ Иису́с Пребоже́ственный , / нетле́нную
дла́нию , и спасѣ́ зову́щия : / слава , Христе́ , си́ле Твоей́ .

Святителю ѳче Никѳлае , моли Бѳга о нас.

Апѳстолом равнопрестоѳльне , радуйся , Никѳлае , / ѳко
 Ариеѳу ересѳ посрамил еси , / и велиарѳва шатанія
 низложил еси , твоими молитѳвами ; / не престаѳ моля о
 рабѳх твоих .

Святителю ѳче Никѳлае , моли Бѳга о нас.

Ю ношу ѳнаго от руки Амѳры срацѳнскаго избавил
 еси , / родителем же еѳго радость дарѳвал еси , / тем ти с
 ними и мы радуйся приносим , Никѳлае преподѳбне .

Слава: Три воеѳоды от убѳенія непраѳеднаго ,
 чудотѳрче , спасл еси , / ѳвлься во сне царю
 благѳстѳвому , и запрѳтив еѳму , / и от них радуйся , приѳл
 еси , Никѳлае , / и мене укрепи твоими молитѳвами .

И ныне: Преблагѳсловенная Богорѳдице , радуйся , / ѳко
 еси Царя всех престѳл , херувѳмов ѳѳшшѳй , / не закосни ,
 моля Сѳеѳго Сына и Бѳга нашего , / о чѳущих Тя присно , с
 Никѳлаем блаженным .

Песнь 5.

Ирмос: Ужасѳшася всѳческая / о Бѳжѳственной слаѳе
 Тѳеѳй : / Ты бо, Неискусѳбрачная Дѳѳво , / имѳла еси во
 утробѳ над всѳми Бѳга / и родила еси Безлѳтнаго Сына , /
 всем воспѳваѳющим Тя / мир подаѳваѳщая .

Святителю ѳче Никѳлае , моли Бѳга о нас.

Апѳстолоѳ тезѳименне , / со Ангѳлы равностѳятелю
 Престоѳла Владѳчнѳя неотступне , / Ария безѳмнѳвавшего
 посрамил еси ; / сѳѳго ради ѳѳиѳем ти, Никѳлае , радуйся , /
 святителем удѳбрѳние и стѳлпе церѳѳвнѳй .

Святителю ѳче Никѳлае , моли Бѳга о нас.

Руѳку ми даждѳ, Никѳлае , пѳмѳщи , моляся ко Гѳспѳду , /
 занѳже бѳря потѳпѳяет мя грѳѳѳвнѳя , / и привѳди к тѳхѳму
 пристѳнищу поѳкаянѳя , ѳѳче , твоими молитѳвами .

Слава: Аѳще и мнѳѳго беззакѳннѳвах , Никѳлае , / но не
 ѳтступаю надеѳжды поѳрѳѳва тѳеѳѳго , / всегда радуйся ,

приносѧ ти; / ты мя избѧви от всѧкѧ скорби и беды , / елика бо хощеши , вся можешѧ .

И ныне: Облече превѣшшѧй небес , радуйся , / искапающѧй нам каплю , Богородице всеблагая , / подаждь от Бога людем нашим победу на варвары , / со иерархом Николаем Того моля .

Песнь 6.

Ирмос: Божественное сие и всесестное / совершающее празднество , / Богомудрии , Богоматере , / приидите , руками воспоем , / от Нея рождающегося Бога славим .

Святителю отче Николае , моли Бога о нас.

Друг Христов и второй Петр , явился еси , отче , радуйся , / яко еси столп церковный и чудесный орган , / Духом Святым чудодѣйствуя и бряцаая : / темже , Николае , радуйся приносим ти всегда .

Святителю отче Николае , моли Бога о нас.

Услышав Константин царь благочестивый во сне прещения твоя , со Авлавием епархом , / о мужех оных неправедно имевших погибнути , / вскоре повеле отпустить их , / тебе же радуйся вопияше , Николае .

Слава: Кораблю оному потопляющему в мори ты , отче , был еси кормчий , / и мне люте обуреваему от помышлений бесовских , / даждь ядрило благаго разума во уме и в сердце , / яко да всегда радуйся приношу ти , Николае прехвальне .

И ныне: Радуйся , Пречистая Дево , / радуйся , миру утверждение , / радуйся , яко родила еси Сына , всех Бога , / Того моли , Богородице пренепорочная , / спастися душам нашим .

Таже , чти кондаки и икосы:

Акафист святителю Николаю.

Кондак 1: Возбранный чудотворче и изрядный угодниче Христов , / миру всему источаяй многоценное милости

мѹро и неисчерпаемое чудес море , / восхваляю тя любовию , святителю Николае ; / ты же, яко имей дерзновение ко Господу , / от всяких мя бед свободи , да зову ти:

Радуйся , Николае , великий чудотворче .

Икос 1: Ангела образом , земнаго суща естеством яви тебе , всея твари Создатель , / благоплодную бо доброту души твоея , провидев , преблаженне Николае , / научи всех вопити тебе сие :

Радуйся , от утробы матерния очищенный ; / радуйся , даже до конца освященный . / Радуйся , рождением своим родителей удививый ; / радуйся , силу душевную абие по рождестве явивый . / Радуйся , саде земли обетования ; / радуйся , цвете Божественнаго сажения . / Радуйся , лозо добродетельная , винограда Христова ; / радуйся , древо чудоточное , рая Иисусова . / Радуйся , крине райскаго прозябения ; / радуйся , мѹро Христова благоухания . / Радуйся , яко тобою отгонится рыдание ; / радуйся , яко тобою приносится радование .

Радуйся , Николае , великий чудотворче .

Кондак 2: Видяще твоих мѹр излияние , богомудре , / просвещаемся душами и телесы , / дивнаго тя мѹроточца живоносна , Николае , разумеюще . / Чудесы бо яко водами , благодатию Божиею изливающимися , / напаяеши верно вопиющих к Богу : Аллилуиа .

Икос 2: Разум неурзумный , вразумляя о Святей Троице , / был еси в Никей со святыми отцы / поборник исповедания православныя веры : / равна бо Отцу Сына исповедал еси , соприсносущна и сопрестольна , / Ария же безумнаго обличил еси . / Сего ради вернии научишася воспевати тебе :

Радуйся , великий , благочестия столпе ; / радуйся , верных прибежища граде . / Радуйся , твердое православия укрепление ; / радуйся , честное Пресвятыя Троицы носило и похваление . / Радуйся , Отцу равночестна Сына

проповѣдавый ; / радуйся , Арія возбесѣвагося от собора
 святыхъ отгнавый . / Радуйся , ѡтче , ѡтцѣвъ славная красото ;
 / радуйся , всехъ богомудрыхъ премудрая доброто . / Радуйся ,
 огненная словеса испущаяй ; / радуйся , добре стадо свое
 наставляяй . / Радуйся , яко тобою вера утверждается ; /
 радуйся , яко тобою ересь низлагается .

Радуйся , Николае , великий чудотворче .

Кондак 3: Силою , данною ти свѣше , / слезу всяку
 отъял еси от лица люте страждущихъ , / богоносе ѡтче
 Николае : / алчущимъ бо явился еси кормитель , / в пучине
 морстей сущимъ изрядный правитель , / недугующимъ
 исцелѣние и всемъ всякъ помощникъ показался еси , /
 вопиющимъ Богу : Аллилуиа .

Икос 3: Имѣяше воистинну , ѡтче Николае , / с небесѣ
 песнь тебѣ воспеваема быти , а не от земли , / како бо кто от
 человекъ возможетъ твоея святѣни величїя проповѣдати ? /
 Но мы, любовию твоею побеждаѣми , вопиѣмъ ти сице :

Радуйся , образе агнцевъ и пастырей ; / радуйся , святое
 очистилище нравовъ . / Радуйся , добродетелей великихъ
 вместилище ; / радуйся , святѣни чистое и честное жилище .
 / Радуйся , свѣтильниче всесвѣтлый и вселюбимый ; /
 радуйся , свѣте златозарный и непорочный . / Радуйся ,
 достойный Ангеловъ собесѣдниче ; / радуйся , добрый
 человекъ наставниче . / Радуйся , правило веры
 благочестивыя ; / радуйся , образе кротости духовныя . /
 Радуйся , яко тобою от страстей телесныхъ избавляемся ; /
 радуйся , яко тобою сладостей духовныхъ исполняемся .

Радуйся , Николае , великий чудотворче .

Кондак 4: Буря недоумѣния смущаетъ ми умъ , / како
 достойно есть пѣти чудеса твоя , блаженне Николае ? /
 Никтоже бо можетъ я исчезти , / аще бы и многи языки
 имѣл и глаголати восхотѣл . / Но мы дивно Богу в тебѣ
 прославляющемуся , / дерзаѣмъ воспевати : Аллилуиа .

Икос 4: Слышаша , богомудре Николае , / ближнии и
 дальнии величїе чудесъ твоихъ , / яко по воздуху легкими

благодатными крилами / навькл еси сущих в бедах
предваряти , / скоро от тех избавляя всех, вопиющих к тебе
таковая :

Радуйся , избавление от печали ; / радуйся , подавание
благодати . / Радуйся , нечаемых зол прогонителю ; / радуйся ,
желаемых благих насадителю . / Радуйся , скорый
утешителю в беде сущих ; / радуйся , страшный наказателю
обидающих . / Радуйся , чудес пучино , Богом излиянная ; /
радуйся , закона Христова скрижали Богом писанныя . /
Радуйся , крепкое падающих возведение ; / радуйся , право
стоящих утверждение . / Радуйся , яко тобою всякая лесь
обнажается ; / радуйся , яко тобою всякая истина
сбывается .

Радуйся , Николае , великий чудотворче .

Кондак 5: Боготечная звезда явился еси , / наставляя по
мору плавающих люте , / имже смерть предстояше вскоре
иногда , / аще не бы ты предстал еси призывающим тя в
помощь , / чудотворче святыи Николае ; / уже бо нестыдно
бесом летающим и погрузити корабли хотящим запретив ,
отгнал еси их , / верныя же научил еси спасающему тобою
Богу взывать : Аллилуиа .

Икос 5: Видеша отроковицы , на брак скверный нищеты
ради уготованныя , / великое твое к нищим милосердие ,
преблаженне отче Николае , / егда старцу родителю их
нощию узельцы три злата таяся подал еси , / самого со
дщерьми избавляя , от падения греховнаго . / Того ради
слышиши от всех сие :

Радуйся , милости превеликия сокровище ; / радуйся ,
промышления о людех приятелище . / Радуйся , пище и
отрадо к тебе прибегающих ; / радуйся , хлебе неснедаемый
алчущих , / Радуйся , богатство , бедне живущим на земли
Богом данное ; / радуйся , воздвижение скорое убогих . /
Радуйся , быстрое нищих услышание ; / радуйся ,
скорбящих приятное попечение ; / радуйся , трех дев
непорочный невестителю ; / радуйся , чистоты усердный

хранителю . / Радуйся , ненадёжных надеяние ; / радуйся ,
всего міра наслаждение .

Радуйся , Николае , великий чудотворче .

Кондак 6: Проповедует мір весь тебе , преблаженне
Николае , / скорого в бедах заступника , / яко многажды во
едином часе / по земли путешествующим и по морю
плавающим , предваряя , пособствуеши , / купно всех от злых
сохраняя , вопиющих к Богу : Аллилуиа .

Икос 6: Возсиял еси свет животный , избавление нося
воеводам , / неправедную смерть прияти имущим , / тебе ,
добрый пастырю Николае , призывающим , / егда вскоре
являся во сне цареву , устранил еси его , / сих же
неврежденных отпустить повелел еси . / Сего ради с ними
купно и мы благодарственно вопием ти:

Радуйся , усердно призывающим тя помогай ; / радуйся ,
от неправеднаго убиения избавляй . / Радуйся , от лестных
сохраняй клеветы ; / радуйся , неправедных разрушая
советы . / Радуйся , растерзая лжу яко паучину ; / радуйся ,
возношая славно истину . / Радуйся , неповинных от уз
разрешение ; / радуйся , и мертвецов оживление . / Радуйся ,
проявителю правды ; / радуйся , помрачителю неправды . /
Радуйся , яко тобою неповиннии избавлены от меча ; /
радуйся , яко тобою насладишася света .

Радуйся , Николае , великий чудотворче .

Кондак 7: Хотя богохульное еретическое отгнати
злосрадие , / мвро войстинну благовонное , таинственное
явился еси , Николае : / люди мирейския пасый , весь мір
своим благодатным мвром исполнил еси . / И от нас убо
богомёрзкое греховное злосрадие отжени , / да
благоприятно Богу вопием : Аллилуиа .

Икос 7: Новаго тя Ноя , наставника ковчега
спасительнаго разумеем , / отче святыи Николае , / бурю
всех лютых разгоняющаго направлением своим , / тишину
же Божественную приносящаго вопиющим таковая :

Ра́дуйся , обу́реваемых ти́хое приста́нище ; / ра́дуйся , утопа́ющих изве́стное хра́нилище . / Ра́дуйся , плава́ющих посре́де пучи́н до́брый ко́рмчий ; / ра́дуйся , трево́лнения морская́ уста́вляющий . / Ра́дуйся , превожде́ние су́щих в ви́хрех ; / ра́дуйся , согре́яние су́щих во мразех . / Ра́дуйся , сия́ние , скорбный́ мра́к разгона́ющее ; / ра́дуйся , свети́ло , вся́ концы́ земли́ просвеща́ющее . / Ра́дуйся , от бездны́ грехо́вныя челове́ки изба́вляяй ; / ра́дуйся , в бездну́ а́дскую сатану́ вверга́яй . / Ра́дуйся , яко́ тобою́ дерзнове́нно бездну́ милосе́рдия Бо́жия призыва́ем ; / ра́дуйся , яко́ тобою́ от пото́па гнева́ изба́вльшеся , мир с Бо́гом обрета́ем .

Ра́дуйся , Нико́лае , вели́кий чуде́творче .

Кондак 8: Стра́нное чу́до явля́ется притека́ющим к тебе́ , блаже́нне Нико́лае , / свяще́нная твоя́ це́рковь , / в ней бо и малое моле́ние принося́ще , / вели́их неду́гов прие́млем исцеле́ние , / а́ще то́кмо по Бо́зе упова́ние на тя возложим , / ве́рно вопио́ще : Аллилу́иа .

Икос 8: Весь еси́ всем вои́стинну помо́щник , богоно́се Нико́лае , / и собрал еси́ вку́пе вся прибега́ющия к тебе́ , / яко́ свободи́тель , пита́тель и врач ско́рый всем земны́м , / на похвалу́ всех воздвиза́я вопи́ти к тебе́ си́це :

Ра́дуйся , вся́ких исцеле́ний исто́чнице ; / ра́дуйся , лю́те стра́ждущим помо́щнице . / Ра́дуйся , заре́ , сия́ющая вно́щи грехо́вней блужда́ющим ; / ра́дуйся , роса́ небо́точная в зно́и трудо́в су́щим . / Ра́дуйся , подава́яй тре́бующим благо́строение ; / ра́дуйся , уго́вляяй прося́щим изоби́лие . / Ра́дуйся , мно́гажды проше́ние предва́ряяй ; / ра́дуйся , ста́рым се́динам си́лу обновля́яй . / Ра́дуйся , мно́гих заблуждших от пу́ти исти́ннаго обли́чителю ; / ра́дуйся , та́ин Бо́жиих ве́рный служи́телю . / Ра́дуйся , яко́ тобою́ за́висть попира́ем ; / ра́дуйся , яко́ тобою́ благона́равное жити́е исправля́ем .

Ра́дуйся , Нико́лае , вели́кий чуде́творче .

Кондак 9: Всякия утoли́ болéзни , / вели́кий наш заступни́че , Нико́лае , / раство́ряя благода́тная врачева́ния , усажда́ющая ду́ши наша , / се́рдца же весе́ляющая всех усер́дно к по́мощи твое́й притека́ющих , / Бо́гу же вопию́щих : Аллилу́иа .

Икос 9: Ветия́ суемо́удренныя нечести́вых / ви́дим тобо́у посра́мленныя , богому́дре о́тче Нико́лае , / А́рия бо ху́льника , разделя́ющая Боже́ство , / и Саве́ллия , смеша́ющая Святу́ю Трои́цу , препре́л , / нас же во правосла́вии укрепил еси́ . / Сего́ ради вопие́м ти си́це :

Ра́дуйся , щите́ , защи́щай благоче́стие ; / ра́дуйся , мечу́ , посека́й злоче́стие . / Ра́дуйся , учителю́ Боже́ственных велéний ; / ра́дуйся , губителю́ богопроти́вных учéний . / Ра́дуйся , ле́стнице , Бо́гом утвержде́нная , ёю́же восхо́дим к небеси́ ; / ра́дуйся , покрове́ , Бо́гом зданный , имже́ покрыва́ются мнози́ . / Ра́дуйся , немудрых умудри́вый твоими́ словесы́ ; / ра́дуйся , ленивых подви́гнуый твоими́ нра́вы . / Ра́дуйся , све́тлосте за́поведей Бо́жиих неугаси́мая ; / ра́дуйся , луче́ оправда́ний Господни́х пресве́тлая . / Ра́дуйся , я́ко учéнием твои́м сокруша́ются ерети́ческия главы́ ; / ра́дуйся , я́ко тобо́у ве́рнии сподо́бляются сла́вы .

Ра́дуйся , Нико́лае , вели́кий чудотво́рче .

Кондак 10: Спасти́ хотя́ ду́шу , / плоть твою́ , ду́хови покорил еси́ войсти́нну , о́тче наш Нико́лае , / молча́ньми бо пре́жде и борéньми с по́мысли , / дея́нию богомы́слие приложи́л еси́ , / богомы́слием же ра́зум соверше́н стяжа́л еси́ , / имже́ дерзнове́нно с Бо́гом и А́нгелы бесе́довал еси́ , / всегда́ вопию́щи : Аллилу́иа .

Икос 10: Стена́ еси́ похваля́ющим , преблже́нне , чуде́са твоя́ / и всем к заступле́нию твоemú прибега́ющим ; / те́мже и нас , в добродéтели убо́гих , / от нищеты́ , напа́сти , неду́гов и нужд разли́чных свобо́ждай , / вопию́щих ти с любовью́ такая́ :

Радуйся , от убожества вѣчнаго изымая ; / радуйся , богатство нетленное подавая . / Радуйся , брашно негиблющее алчущим правды ; / радуйся , питье неисчерпаемое жаждущим жизни . / Радуйся , от мятежа и брани соблюдая ; / радуйся , от уз и пленения свободя . / Радуйся , преславный в бедах заступниче ; / радуйся , превеликий в напастьх защитниче . / Радуйся , многих от погібели исхитивый ; / радуйся , безчисленных невредѣнно сохранивый . / Радуйся , яко тобою лютыя смерти грешнии избегают ; / радуйся , яко тобою жизнь вѣчную кающіи получают .

Радуйся , Николае , великий чудотворче .

Кондак 11: Пѣние Пресвятѣй Троице / паче иных принёсл еси , преблаженне Николае , / умом , словом и делом , многим бо испытанием / правоверная повелѣния уяснил еси , / верою , надеждою и любовію наставляя нас / в Троице Единому Богу воспевати : Аллилуиа .

Икос 11: Светозарную лучу во мраце житія сущим неугасимую видим тя , / Богом избранне отче Николае , / с невещественными бо ангельскими свѣты бесѣдуеши о несозданном Троицеском свѣте , / верных же души просвещаеши , вопиющих ти таковая :

Радуйся , озарѣние Трисолнечнаго Свѣта ; / радуйся , деннице незаходимаго солнца . / Радуйся , свеще , Божественным пламенем возжѣнная ; / радуйся , яко угасил еси бесовский пламень нечестія . / Радуйся , свѣтлое правоверія проповѣдание ; / радуйся , доброзрачное свѣта Евангельскаго сияние . / Радуйся , молнии , ереси пожигающая ; / радуйся , громе , устрашающий соблазняющія . / Радуйся , истиннаго начителю разума ; / радуйся , таинственнаго изъясчителю ума . / Радуйся , яко тобою попрося поклонѣние твари ; / радуйся , яко тобою научихомся поклонятися Творцу в Троице .

Радуйся , Николае , великий чудотворче .

Кондак 12: Благода́ть , да́нную ти от Бо́га , све́душии , ра́дующеся / твою́ па́мять прáзднуем по до́лгу , пресла́вный о́тче Нико́лае , / и к чу́дному заступле́нию тво́ему вседу́шно притека́ем ; / пресла́вных же тво́их де́яний , я́ко песка́ морска́го и мно́жества зве́здна́го исче́сти не могу́ще , / недоуме́нием объ́яти бы́вше , вопие́м к Бо́гу : Аллилу́иа .

Икос 12: Пою́ще тво́я чу́деса́ , восхваля́ем тя , всехва́льные Нико́лае , / в тебё́ бо Бог , в Тро́ице просла́вляе́мый , дивно́ просла́вился , / но а́ще и попрёмно́гу со́ставленны́я от ду́ши псалмы́ и пе́сни прино́сим ти , чудотво́рче святы́й , / ничто́же твори́м ра́вно дарова́нию чу́дес тво́их , / и́мже уди́вляющеся , вопие́м к тебё́ тако́вая :

Ра́дуйся , Ца́ря ца́рствующих и Го́спода госпо́дствующих служи́телю ; / ра́дуйся , служи́телей Его́ небе́сных сожителю́ . / Ра́дуйся , лю́дем ве́рным помо́жение ; / ра́дуйся , ро́да христиа́нскаго возвы́шение . / Ра́дуйся , победы́ тезоимени́тый ; / ра́дуйся , венце́но́сче наро́читый . / Ра́дуйся , всех добродете́лей зерца́ло ; / ра́дуйся , всех притека́ющих к тебё́ кре́пкое забра́ло . / Ра́дуйся , по Бо́зе и Богоро́дице все на́ше упова́ние ; / ра́дуйся , теле́с на́ших здравие и ду́ш спасе́ние . / Ра́дуйся , я́ко тобою́ отве́чныя сме́рти свобо́ждае́мся ; / ра́дуйся , я́ко тобою́ безконече́нныя жи́зни сподо́бляе́мся .

Ра́дуйся , Нико́лае , вели́кий чудотво́рче .

Кондак 13: О пресвяты́й и пречу́дный о́тче Нико́лае , утеше́ние всех скорбя́щих , / ны́нешнее на́ше приими́ приноше́ние / и от ге́енны изба́витися нам Го́спода умо́ли богоприя́тным тво́им ходата́йством , / да с то́бою воспе́ваем : Аллилу́иа . [Трижды.]

Таже икос 1-й и кондак 1-й:

Икос 1: А́нгела о́бразом , земна́го су́ща естество́м яви́ тебё́ все́я тва́ри Созда́тель , / благопло́дную бо добро́ту ду́ши твое́я про́видев , преблага́енне Нико́лае , / научи́ всех вопи́ти тебё́ си́це :

Радуйся , от утробы матерния очищенный ; / радуйся , даже до конца освященный . / Радуйся , рождением своим родителей удививый ; / радуйся , силу душевную абие по рождестве явивый . / Радуйся , саде земли обетования ; / радуйся , цвете Божественнаго сажения . / Радуйся , лозо добродетельная винограда Христова ; / радуйся , древо чудоточное рая Иисусова . / Радуйся , крине райскаго прозябения ; / радуйся , мвро Христова благоухания . / Радуйся , яко тобою отгонится рыдание ; / радуйся , яко тобою приносится радование .

Радуйся , Никóлае , великий чудотворче .

Кондак 1: Возбранный чудотворче и изрядный угодниче Христов , / миру всему источаяй многоценное милости мвро и неисчерпаемое чудес море , / восхваляю тя любовию , святителю Никóлае ; / ты же , яко имеяй дерзновение ко Господу , / от всяких мя бед свободи , да зову ти:

Радуйся , Никóлае , великий чудотворче .

Песнь 7.

Ирмос: Не послужиша твари Богомудрии , / паче Создавшаго , / но огненное прещение мужески поправше , / радовахуся , поюще : / препетый отцев Господь и Бог благословен еси .

Святителю óтче Никóлае , моли Бóга о нас.

Святе Никóлае , святителю Христов / радуйся , ты бо еси радость всем неизглаголанная , / и мне подаждь руку помощи , да глаголю ти: / радуйся , всеблаженне .

Святителю óтче Никóлае , моли Бóга о нас.

Егда услышаша воеводы отпущение из темницы повелением твоим , / вземше свещники принесóша ти со свечами , велиим вопиюще гласом : / радуйся , óтче преподобне , избавление наше .

Слава: Некогда услышал еси в темнице связанныя , /
услыши и мене , Нико́лае , ра́дуйся приносяща ти , / и
исхити мя огня геенскаго .

И ныне: Мари́е Госпоже́ , Ма́ти Изба́вителя , / приими́
мя, ка́ющагося и прибега́ющаго под кров Твой, / я́ко да не
престая́ вопию́ Тебе́ : / ра́дуйся , Благода́тная Богоро́дице
Присноде́во .

Песнь 8.

Ирмос: О́троки благоче́стивыя в пещи́ / Рожде́ство
Богоро́дично спасло́ есть, / тогда́ убо образу́емое , / ны́не
же действу́емое , / вселённую всю воздвизает пѣти Тебе́ : /
Го́спода по́йте дела́ / и превозно́сите Его́ во вся ве́ки .

Святите́лю о́тче Нико́лае , моли́ Бо́га о нас.

Апо́столов сопресто́льниче , / со А́нгелы служи́телю
Святе́й Трои́це , / Нико́лае прехва́льне , ра́дуйся , / и мне
да́руй радость моли́твами твоими́ .

Святите́лю о́тче Нико́лае , моли́ Бо́га о нас.

Ко́рмчий обу́реваемых , Нико́лае , ра́дуйся , / и бу́рю
моих страсте́й , яже от прило́га бесо́вскаго , утиши́ , / я́ко
про́чее не могу́ терпе́ти , но вопию́ : / ра́дуйся , помо́щниче
мой и те́плый предста́телю .

Слава: О, коли́ка туга́ обдержи́т мя от стреля́ний
бесо́вских , / и я́звы терпе́ти ми несть мо́щно , / пла́стыря
приложи́ти несть врача́ , / но ты ми приложи́ пла́стырь , и
еле́й моли́тв твоих , Нико́лае , да зову́ ти: / ра́дуйся , о́тче
преподо́бне .

И ныне: Купино́ неопали́мая , ра́дуйся , / ю́же Моисе́й
ви́де на Сина́и , / и ле́ствице , ю́же Иа́ков ви́де , /
Преблагослове́нная Богоро́дице Присноде́во .

Песнь 9.

Ирмос: Всяк земноро́дный / да взыгра́ется , Ду́хом
просвеща́емъ , / да торже́ствует же Безпло́тных умо́в
естество́ , / почита́ющее свяще́нное торже́ство Богома́тере , /

и да вопиёт : // радуйся , Всеблаженная , / Богородице Чистая Приснодево .

Святителю отче Николае , моли Бога о нас.

Лстиваго стреляния обдержат мя , и стремления греховная , / но надеяся на покров твой , к тебе прибегаю , отче , / яко да отженеши от мене вся лести лукаваго , да зову ти : / радуйся , Николае .

Святителю отче Николае , моли Бога о нас.

А рия безумновашаго посрамил еси , / пламень же ересей угасил еси , / воеводы в темнице связанные услышал еси , / и от них радуйся , приял еси , / и мы вопием ти , Николае : / радуйся , всеблаженне .

Слава: Агрика , онаго услышавый , / и сына его Василия от Амиры восхитивый , / и представивый родителем здрава во един час от срацын , / и мне молящуся , исхити недугущую мою душу , и грехи обложенную , / от огня геенскаго , Николае .

И ныне: Царице , всех Царя рождающая / и носившая Носящаго всю тварь , / спаси мя , величающаго Тя , Пресвятая Владычице .

Молитва святому Николаю.

О всехвальный и всечестный архиерею , великий чудотворче , святителю Христов , отче Николае , человеке Божий и верный рабе , мужу желаний , сосуде избранный , крепкий столпе церковный , светильниче пресветлый , звездо осиявающая и освещающая всю вселенную ; ты еси праведник , яко финикс процветший , насажденный во дворех Господа своего , живый в Мирех , мром облагоухал еси и мвро приснотекущее благодати Божия источаеши . Твоим шествием , пресвятый отче , море освятится , егда многочисленныя твоя мощи шествоваху во град Барский , от востока до запада хвалити имя Господне . О преизящный и предивный чудотворче , скорый помощниче , теплый заступниче , пастырю предобрый ,

спаса́ющий словесное ста́до , от вся́ких бед ! Тебе́ прославля́ем и тебе́ велича́ем , я́ко наде́жду всех христиа́н , исто́чника чуде́с , за́щитителя ве́рных , премудра́го учи́теля , а́лчущих корми́теля , пла́чущих весе́лие , наги́х оде́яние , боля́щих врача́ , по морю́ плава́ющих управи́теля , пленни́ков свобо́дителя , вдов и сирот пита́теля и засту́пника , целомудри́я храни́теля , младе́нцев кро́ткаго наказа́теля , ста́рых укреплéние , постни́ков наставни́ка , тружда́ющихся упоко́ение , ни́щих и убо́гих изоби́льное богатство . Услы́ши нас , моля́щихся тебе́ и прибега́ющих под кров твой , яви́ предста́тельство твоё о нас к Вы́шнему и исходатайствуй твоими Богоприя́тными моли́твами вся полезная ко спасе́нию душ и теле́с на́ших ; сохрани́ святу́ю оби́тель сию́ [или храм сей] , вся́кий град и весь , и вся́кую страну́ христиа́нскую , и лю́ди живу́щая от вся́каго озлобле́ния помо́щию твоёю , ве́мы бо , ве́мы , я́ко мно́го мо́жет моли́тва пра́веднаго , поспешествую́щая во благо́е ; тебе́ же , пра́веднаго , по Преблагослове́нной Де́ве Мари́и , предста́теля ко Всеми́лостивому Бо́гу има́мы , и к твоему́ , преблагий́ о́тче , тёплому ходата́йству и засту́плению смире́нно притека́ем ; ты нас соблюди́ , я́ко бо́дрый и до́брый па́стырь , от вся́ких врагов , губи́тельства , тру́са , гра́да , гла́да , пото́па , огня́ , мечá , на́шествия иноплеме́нников , и во вся́ких беда́х и скорбех на́ших подавай нам ру́ку помо́щи , и отве́рзи двéри милосе́рдия Бо́жия ; поне́же недостойни́ есмы́ зрети́ высо́ту небе́сную от мно́жества неправд на́ших , связа́ны есмы́ у́зами грехо́вными , и нико́лиже во́ли Созда́теля на́шего сотвори́хом , ни сохрани́хом повеле́ний Его́ . Те́мже приклоня́ем ко́лена сокруше́нна и смире́нна , се́рдца на́шего к Жижди́телю своему́ , и твоего́ оте́ческаго засту́пления к Нему́ проси́м : помози́ нам , уго́дниче Бо́жий , да не поги́бнем со беззакони́и на́шими , избави́ нас от вся́каго зла́ и от вся́кия ве́щи сопроти́вныя , управи́ ум на́ш и укрепи́ се́рдце на́ше в пра́вой ве́ре , в ней́же твои́м предста́тельством и ходата́йством , ни ра́нами , ни

прещением , ни мором , ни коим гневом от Создателя своего умалени будем , но мирное зде проживём житиё и да сподобимся видети благая на земли живых , славяще Отца , и Сына , и Святаго Духа , Единого в Троице славимаго Бога и покланяемаго , ныне и присно , и во веки веков , аминь .

Молитва вторая.

О всесвятый Никóлае , угодниче презрядный Господень , тёплый наш заступниче , и вездё в скорбех скорый помощниче ! Помози мне , грешному и унылому , в настоящем житии , умоли Господа Бога даровати ми оставление всех моих грехов , елико согреших от юности моея , во всем житии моем , делом , словом , помышлением и всеми моими чувствами ; и во исходе души моея помози ми , окаянному , умоли Господа Бога , всея твари Содетеля , избавити мя воздушных мытарств и вечнаго мучения ; да всегда прославляю Отца , и Сына , и Святаго Духа , и твоё милостивное предстательство , ныне и присно и во веки веков , аминь .

Молитва третья.

О всеблагий óтче Никóлае , пастырю и учителю , всех , верою притекающих к твоему заступлению и тёплоу молитвою тебе призывающих , скоро потщися и избави Христово стадо от волков , губящих ё , и всяку страну христианскую огради и сохрани святыми твоими молитвами от мирскаго мятежа , труса , нашествия иноплемёнников и междоусобных брани , от глада , потопа , огня , меча и напрасныя смерти . И якоже помиловал еси трёх мужей , в темнице сидящих , и избавил еси их царёва гнева и посечения мечнаго . Тако помилуй и мене , умом , словом и делом во тьме грехов суща , и избави мя гнева Божия и вечныя казни , яко да твоим ходатайством и помощию , Своим же милосердием и благодатию Христос Бог тихое и безгрешное житие даст ми пожити в вёце сем и

избавит мя шуи́яго стоя́ния , сподо́бит же десна́го со все́ми
святы́ми , аминь .

Таже: Досто́йно е́сть я́ко вои́стинну блажи́ти Тя,
Богоро́дицу , / Присноблаже́нную и Пренепоро́чную и
Ма́терь Бо́га на́шего . / Честне́йшую Херувим и
сла́внейшую без сравне́ния Серафим , / без ислéния Бо́га
Сло́ва рождшую , су́щую Богоро́дицу Тя велича́ем .

Трисвятое: Пресвята́я Тро́ице : по́ Отче наш:

Тропарь, глас 4:

Прави́ло ве́ры и о́браз крото́сти , / воздержания́ учи́теля
/ яви́ тя ста́ду твоему́ / Я́же веще́й И́стина . / Сего́ ра́ди
стяжа́л еси́ смире́нием вы́сокая , / ни́щетою бога́тая , / о́тче
священнонача́льниче Никола́е , / моли́ Христа́ Бо́га , /
спасти́ся ду́шам на́шим .

Слава, и ныне, Богородичен: Е́же от ве́ка утае́ное / и
А́нгелом несве́домое таинство , / Тобо́ю , Богоро́дице ,
су́щим на земли́ яви́ся Бог, / в неслитном соедине́нии
воплоща́ем / и, Крест волею́ нас ра́ди воспри́им , / и́мже
воскресив перво́зданнаго , / спасе́ от сме́рти ду́ши на́ша .

В оглавление

КАНОН АНГЕЛУ ХРАНИТЕЛЮ

Тропарь, глас 6:

А́нгеле Бо́жий , храни́телю мой святы́й , / живо́т мой соблюди́ во стра́се Христа́ Бо́га , / ум мой утверди́ во и́стиннем пу́ти , / и к любви́ го́рней уязви́ ду́шу мою́ , / да тобо́ю направляе́мь , / получу́ от Христа́ Бо́га велию́ ми́лость .

Слава, и ныне, Богородичен: Свята́я Влады́чице , / Христа́ Бо́га на́шего Ма́ти , /яко́ всех Творца́ недоу́менно ро́ждающая , / моли́ бла́гость Его́ всегда́ , / со храни́телем моимъ а́нгелом , / спасти́ ду́шу мою́ , стра́стми́ одержи́мую , / и оставле́ние грехо́в дарова́ти ми.

Канон, глас 8.

Песнь 1.

Ирмос: Пои́м Го́сподеви , / провед́шему лю́ди Своя́ сквозе́ Чермное́ мо́ре , /яко́ еди́н сла́вно просла́вился .

Иисусу: Го́споди Иису́се Христé Бо́же мой, поми́луй мя.

Песнь воспéти и восхва́лити , Спа́се , / Твоего́ раба́ досто́йно сподо́би , / безплóтному А́нгелу , наста́внику и храни́телю моему́ .

Припев: Святы́й А́нгеле Бо́жий , храни́телю мой, моли́ Бо́га о мне.

Еди́н аз в неразу́мии и в ле́ности ны́не лежу́ , / наста́вниче мой и храни́телю , / не оста́ви мене́ , погиба́ющая .

Слава: Ум мой твоёю моли́твою напра́ви , / твори́ти ми Бо́жия повеле́ния , / да получу́ от Бо́га отда́ние грехо́в , / и ненави́дети ми злых наста́ви мя, молю́ся ти.

И ныне: Моли́ся , Девѣ , о мнѣ , рабѣ Твоѣм , ко Благода́телю , / со храні́телем моимъ А́нгелом , / и наста́ви мя творити за́поведи Сына Твоего́ и Творца́ моего́ .

Песнь 3.

Ирмос: Ты еси́ утвержде́ние / притека́ющих к Тебе́ , Го́споди , / Ты еси́ свет омраче́нных , / и поётъ Тя дух мой.

Святы́й А́нгеле Бо́жий , храні́телю мой, моли́ Бо́га о мнѣ.

Все помышле́ние моѐ и ду́шу мою́ к тебѣ возложѣх , храні́телю мой; / ты от вся́кия мя напа́сти вра́жия изба́ви .

Святы́й А́нгеле Бо́жий , храні́телю мой, моли́ Бо́га о мнѣ.

Враг попира́ет мя, и озлобля́ет , / и поуча́ет всегда́ творити своя́ хотѣ́ния ; / но ты, наста́вниче мой, / не оста́ви мене́ погиба́юща .

Слава: Пѣти песнь со благодарѣ́нием и усердіем / Творцу́ и Бо́гу даждь ми, / и тебѣ , благо́му А́нгелу храні́телю моему́ : / изба́вителю мой, изми́ мя от врагъ озлобля́ющих мя.

И ныне: Исцели́ , Пречи́стая , моя́ многонеду́жныя стру́пы , я́же в души́ , / прожени́ враги́ , и́же при́сно борются со мною́ .

Седален, глас 2.

Подобен: Вышних ищя:

От любви́ душе́вныя вопию́ ти, / храні́телю моя́ души́ , всесвяты́й мой А́нгеле : / покрый́ мя и соблюди́ от лукаваго ловле́ния всегда́ , / и к жи́зни наста́ви небѣ́сней , / вразумля́я и просвѣща́я и укрепля́я мя.

Слава, и ныне, Богородичен: Богоро́дице безневѣ́стная Пречи́стая , / Я́же без се́мени ро́ждши всех Влады́ку , / Того́ со А́нгелом храні́телем моимъ моли́ , / изба́вити ми ся вся́каго недоумѣ́ния , / и да́ти умилѣ́ние и свет души́ мое́й и согрѣше́нием очище́ние , / Я́же едина́ вско́ре заступа́ющи .

Песнь 4.

Ирмос: Услы́шах , Го́споди , / смотре́ния Твоего́ та́инство , / разумѣхъ де́ла Твоя́ , / и прослави́х Твое́ Божество́ .

Святы́й А́нгеле Бо́жий , храни́телю мой, моли́ Бо́га о мне.

Моли́ Чело́веколю́бца Бо́га ты, храни́телю мой, / и не оста́ви мене́ , / но при́сно в ми́ре жити́е моё соблюди́ / и пода́ждь ми спасе́ние необори́мое .

Святы́й А́нгеле Бо́жий , храни́телю мой, моли́ Бо́га о мне.

Я́ ко засту́пника и храни́теля животу́ моему́ прие́м ты от Бо́га , А́нгеле , / молю́ тя, святы́й , / от всякихъ мя бед свободи́ .

Слава: Мою́ скве́рность твоёю святы́нею очисти́ , храни́телю мой, / и от ча́сти шу́ия да отлуче́н буду́ моли́твами твоими́ / и прича́стник славы явлю́ся .

И ны́не: Недоуме́ние предлежи́т ми от обы́шедшихъ мя зол, Пречи́стая , / но изба́ви мя от нихъ ско́ро : / к Тебе́ бо еди́ней прибе́гох .

Песнь 5.

Ирмос: У́треннюю́ще вопие́м Ти: / Го́споди , спаси́ ны; / Ты бо еси́ Богъ наш, / разве́ Тебе́ ино́го не ве́мы .

Святы́й А́нгеле Бо́жий , храни́телю мой, моли́ Бо́га о мне.

Я́ ко имѣя дерзнове́ние к Бо́гу , / храни́телю мой святы́й , / Сего́ умоли́ от оскорбля́ющихъ мя зол изба́вити .

Святы́й А́нгеле Бо́жий , храни́телю мой, моли́ Бо́га о мне.

Свете́ све́тлый , све́тло просвети́ ду́шу мою́ , / наставля́ице мой и храни́телю , / от Бо́га да́нный ми А́нгеле .

Слава: Спяща мя зле тяготою греховною , / яко бдяща сохрани , Ангеле Божий , / и возстави мя на славословие молением твоим .

И ныне: Мари́е , Госпоже́ Богородице безневѣстная , наде́ждо ве́рных , / вра́жия возноше́ния низложи́ , / пою́щия же Тя возвесели́ .

Песнь 6.

Ирмос: Ри́зу ми пода́ждь све́тлу , / оде́йся све́том яко ри́зою , / мно́гомилостиве Христе́ Бо́же наш.

Святы́й Ангеле Бо́жий , храни́телю мой, моли́ Бо́га о мне.

Вся́ких мя напа́стей свобо́ди , и от печа́лей спаси́ , / молю́ся ти, святы́й Ангеле , да́нный ми от Бо́га , / храни́телю мой до́брый .

Святы́й Ангеле Бо́жий , храни́телю мой, моли́ Бо́га о мне.

Осве́ти ум мой, бла́же , и просвети́ мя, / молю́ся ти, святы́й Ангеле , / и мы́слити ми по́лезная всегда́ наста́ви мя.

Слава: Уста́ви се́рдце моё́ от настоя́щаго мятѣ́жа , / и бде́ти укрепи́ мя во благо́их , храни́телю мой, / и наста́ви мя чу́дно к ти́шине живо́тней .

И ныне: Сло́во Бо́жие в Тя всели́ся , Богороди́це , / и челове́ком Тя пока́за небе́сную ле́ствицу ; / Тобо́ю бо к нам Вы́шний соше́л е́сть.

Кондак, глас 4:

Яви́ся мне милосе́рд , святы́й Ангеле Госпо́день , храни́телю мой, / и не отлуча́йся от мене́ , скве́рнаго , / но просвети́ мя све́том неприкоснове́нным / и сотвори́ мя досто́йна Ца́рствия Небе́снаго .

Икос: Уничи́женную ду́шу мою́ мно́гими собла́зны , / ты, святы́й предста́телю , / неизрече́нная сла́вы небе́сныя сподо́би , / и певе́ц с ли́ки безплотных сил Бо́жиих , /

помилуй мя и сохрани , и помысли добрыми душу мою
просвети , / да твоею славою , Ангеле мой, обогащуся , / и
низложи зломыслящих мне враги , / и сотвори мя достойна
Царствия Небеснаго .

Песнь 7.

Ирмос: От Иудеи дошедше отроцы , / в Вавилоне
иногда , / верую Троицескою пламень пещный попраша ,
поюще : / отцев Боже , благословен еси .

**Святыи Ангеле Божий , хранителю мой, моли Бога
о мне.**

Милостив буди ми, и умоли Бога , Господень Ангеле , /
имею бо ты заступника во всем животе моем , наставника же
и хранителя , / от Бога дарованного ми во веки .

**Святыи Ангеле Божий , хранителю мой, моли Бога
о мне.**

Не остави в путь шествующия души моея окаянныя /
убити разбойником , святыи Ангеле , / яже ты от Бога
предана бысть непорочне ; / но настави ю на путь покаяния .

Слава: Всю посрамлену душу мою / привожду от
лукавых ми помысл и дел: / но предвари , наставниче мой, / и
исцеление ми подаждь благими помыслы , / уклоняти ми ся
всегда на правыя стези .

И ныне: Премудрости исполни всех и крепости
Божественныя , / Ипостасная Премудросте Вышняго ,
Богородицы ради , верую вопиющих : / отец наших Боже ,
благословен еси .

Песнь 8.

Ирмос: Царя Небеснаго , / Егоже поют вси ангельстии ,
/ хвалите и превозносите во вся веки .

**Святыи Ангеле Божий , хранителю мой, моли Бога
о мне.**

От Бога посланный , / утверди живот мой, раба твоего ,
преблагий Ангеле , / и не остави мене во веки .

Святы́й А́нгеле Бо́жий , храни́телю мой, моли́ Бо́га о мне.

А́нгела ты су́ща бла́га , / ду́ши моея́ наставля́ника и храни́теля , преблаже́нне , / воспеваю́ во ве́ки .

Слава: Бу́ди ми покрóв и забра́ло / в день испытáния всех челове́к , / во́ньже огнём искуша́ются дела́ благая́ же и злая́ .

И ны́не: Бу́ди ми помо́щница и тишина́ , Богоро́дице Присноде́во , рабу́ Твоему́ , / и не оста́ви мене́ лишёна бы́ти Твоего́ влады́чества .

Песнь 9.

Ирмос: Вои́стинну Богоро́дицу / Тя испове́дуем , / спасе́ннии Тобо́ю , Де́во чистая́ , / с безплóтными лики́ Тя велича́юще .

Иисусу: Го́споди Иису́се Христé Бо́же мой, поми́луй мя.

Поми́луй мя, еди́не Спа́се мой, / я́ко ми́лостив еси́ и ми́лосе́рд , / и пра́ведных лико́в сотвори́ мя прича́стника .

Святы́й А́нгеле Бо́жий , храни́телю мой, моли́ Бо́га о мне.

Мы́слити ми при́сно и твори́ти , Госпо́день А́нгеле , / благая́ и полéзная дару́й , / я́ко си́льна яви́ в не́мощи и непоро́чна .

Слава: Я́ко име́я дерзнове́ние к Царю́ Небе́сному , Того́ моли́ , / с про́чими безплóтными , поми́ловати мя, ока́яннаго .

И ны́не: Мно́го дерзнове́ние иму́щи , Де́во , к Вопло́щшемуся из Тебе́ , / преложи́ мя от уз и разреше́ние ми пода́ждь и спасе́ние , моли́твами Твоими́ .

Молитва ко святому Ангелу Хранителю.

А́нгеле Христóв святы́й , к тебе́ припа́дая молю́ся , храни́телю мой святы́й , прида́нный мне на соблюде́ние

души́ и тѣлу моему́ грѣшному от свята́го крещѣнія , аз же своѣю лёностію и своимъ злымъ обы́чаемъ прогнѣвахъ твою́ пречистую свѣтлость и отгнахъ тя от себѣ все́ми студными́ дѣлы : лжами , клеветами , завистию , осужде́нием , презѣрствомъ , непоко́рствомъ , братоненавидѣ́нием , и злопо́мнениемъ , сребролю́биемъ , прелюбодея́ниемъ , я́ростию , скупостию , объяде́ниемъ без сы́тости и опивствомъ , многоглаго́ланиемъ , злыми́ по́мысли и лука́выми , го́рдымъ обы́чаемъ и блуднымъ возбешѣ́ниемъ , имый самохоте́ние на всякое плотское вожде́ление . О, злое моѣ произво́ление , е́гоже и ско́ти безсловеснии не творятъ ! Да како́ возмо́жеши воззрѣ́ти на мя, или́ приступи́ти ко мнѣ, а́ки псу смердя́щему ? Которы́ма очима , Ангеле́ Христо́в , воззри́ши на мя, оплетшася́ зле во гну́сныхъ дѣлехъ ? Да како́ уже́ возмо́гу отпу́щения проси́ти горькимъ и злымъ мо́имъ и лука́вымъ дея́ниемъ , в ня́же впадаю́ по вся дни и но́щи и на вся́къ часъ ? Но молю́ся ти припа́дая , храните́лю мой святы́й , умило́сѣрдися на мя грѣшна́го и недостойна́го раба́ твоего́ (имярек), бу́ди ми помо́щникъ и заступникъ на злаго́ моего́ сопроти́вника , святы́ми твоими́ моли́твами , и Ца́рствія́ Бо́жія́ прича́стника мя сотвори́ со все́ми святы́ми , во ве́ки , аминь .

В оглавление

КАНОН ЧЕСТНОМУ И ЖИВОТВОРЯЩЕМУ КРЕСТУ

Тропарь Креста, глас 1:

Спаси́ , Го́споди , лю́ди Твоя́ , / и благослови́ достоя́ние
Твое́ , / победы́ на сопроти́вныя да́руя , / и Твое́ сохрани́я
Кресто́м Твои́м жителъство .

Канон.

Творение Григория Синаита. Глас 4.

Песнь 1.

Ирмос: Отве́рзу уста́ моя́ , / и напо́лнятся Ду́ха , / и
сло́во отры́гну Цари́це Матери́ , / и явлю́ся , светло
торжеству́я , / и воспою́ , раду́ясь , Тоя́ чудеса́ .

Припев: Слава, Господи, Кресту Твоему Честному.

Кре́сте всеси́льне , апо́столов похва́ла , / преподо́бных
утвержде́ние , и ве́рных зна́мение , / и иера́рхов и му́чеников
сла́ва , / побе́да и утвержде́ние всех хвалящих тя.

Кре́сте всечестны́й , четвероконе́чная си́ла , / апо́столов
благоле́пие , и му́чеников кре́пость , / немощных здра́вие
показа́лся еси́ , / ме́ртвым воскресе́ние , падающим
воздви́жение .

Слава: Кре́сте , ты ми си́ла бу́ди , кре́пость и держа́ва , /
изба́витель и предра́тник на борю́щия мя , / щит и храни́тель ,
побе́да и утвержде́ние моё , / при́сно соблю́дая мя и
покрыва́я .

И ныне: На Кре́сте , Всенепоро́чная , Твоего́ Сы́на , я́ко
узрела́ еси́ , / ору́жие ско́рбное утробу Твою́ растерза́ , / и
воскли́цала еси́ рыда́ющи в болезни́ , / но а́бие просла́вила
еси́ Креста́ си́лу .

Песнь 3.

Ирмос: Твоя́, песносло́вцы, Богоро́дице, / живы́й и независтный исто́чнице, / лик Себе́ совоку́пльшия духо́вно, утверди́, / в Божестве́нной Твое́й сла́ве / венце́в сла́вы сподо́би.

Кресте, преподо́бных ору́жие, обою́дный меч Христо́в, / ве́рных удо́брение, боля́щих исцеле́ние и заступле́ние, / и воздви́жение уме́рших, Всече́стне.

Кресте, основа́ние благоче́стия, / бесо́м показа́лся еси́ губите́ль, Це́рквам благоле́пие, / нечестивы́м поги́бель, враго́м посрамле́ние на день су́дный.

Слава: Кресте́ живоно́сный, / ты ми бу́ди кре́пость и побе́да, и щит, / и стена́ нера́туема, бесо́м отгна́ние, / и помыслом погаше́ние, и ума́ моего́ сохране́ние.

И ныне: Распя́тие поно́сное, Де́во Влады́чице, Твой Сын претерпе́л е́сть, и сме́рть неподо́бную. / Но возне́сся, низверже́ противны́я вра́жия си́лы, я́ко безсме́ртен.

Седален, глас 8.

Подобен: Повеле́нное та́йно :

Прообража́ше та́йне дре́вле Иису́с Нави́н Креста́ о́браз, / егда́ ру́це простре́ крестови́дне, Спа́се мой, / и ста со́лнце, донде́же вра́ги низложи́, противосто́ящия Ти, Бо́гу; / ны́не же за́йде, на Кресте́ Тя зря́, / и, держа́ву сме́ртную разруши́в, / весь ми́р совоздвигл еси́.

Песнь 4.

Ирмос: Седя́й в сла́ве на Престо́ле Божества́, / во о́блаце ле́гце, / при́иде Иису́с Пребо́жественный, / нетле́нную длáнию, и спасе́ зовущия: / сла́ва, Христе́, си́ле Твое́й.

Четвероко́нечный сый ми́р, / и я́ко триобо́удный меч, нача́ла тьмы сече́ши, / нами́ вообража́емь, Кресте́, ору́жие вели́кое Христо́во, / и непобеди́мое победи́тельство всеси́льное.

Твоя́ высота́ , Живоно́сне Кресте́ , возду́шнаго кня́зя
би́ет , / и глѹбина́ всея́ бѣ́дны зака́ляет змѣя , / широтѹ́
паки́ вообража́ет , / низлага́я мі́рскаго кня́зя крепо́стию
Твое́ю .

Слава: Возне́сся сопривлѣ́кл еси́ па́дшия , / воздвѣ́гл
еси́ естество́ земно́е , / Престо́лу Бо́жию спросла́вился еси́ ,
Кресте́ , / высоту́ вели́кая , мі́рскій мо́сте , / ду́шу мою́ от
страсте́й глѹбины́ вознеси́ вско́ре .

И ны́не: Крестообра́зно , Пречи́стая Отрокови́це
Богороди́це , / длани Твои́ распросте́рши ко́ иже на Кресте́
Воздвѣ́женному , / и моли́твы , Де́во , ны́не принеси́ , / за всех
ве́рно моля́щихся Тебе́ .

Песнь 5.

Ирмос: Ужасо́шася вся́ческая / о Боже́ственной сла́ве
Твое́й : / Ты бо, Неискусобра́чная Де́во , / имѣ́ла еси́ во
утробе́ над все́ми Бо́га / и роди́ла еси́ Безле́тнаго Сы́на , /
всем воспева́ющим Тя / мир подава́ющая .

Кресте́ , небѣ́сная ле́ствице́ , святы́ни , степе́нем
наставни́че , / Христо́ва высота́ и сла́ва еси́ , / Бо́жий о́браз
назнаме́нтелен ми́ру , / невиди́мому же и ви́димому ,
единочѣ́стне .

Кресте́ , о́бразе неиспи́санный си́лою , / освяще́ние
вода́м , очище́ние возду́ху , / освяще́ние и просвѣще́ние
вся́кому , мужества́ зна́мение , / и Христо́в ски́птр
непрело́жный , проти́вныя в зе́млю попира́я .

Слава: Кресте́ все́сильне , / злочести́выя низложи́ враги́ ,
ненави́дающія и ху́лящія тя безѹ́мно , / язы́ки попали́ и
уга́си шата́ния их . / О Кресте́ все́святый и Христоно́сный , /
сохрани́ нас держа́вою Твое́ю .

И ны́не: Всех Цари́це Влады́чице , ски́птром Рожде́ства
Твоего́ / разруши́ , Деви́це , воста́ние ху́лящих крѣ́стную
си́лу . / Дажь крепо́сть и очище́ние , / побѣ́ду и по́мощь
ве́рным лю́дем Твои́м .

Песнь 6.

Ирмос: Божественное сие и всечестное / совершающее
празднство , / Богомудрии , Богоматере , / приидите , руками
восплещим , / от Ней рождаемого Бога славим .

Кресте всех воскресение , / Крест падших исправление , /
страстей умерщвление и плоти пригвождение , / Крест
душам слава и свет вечный .

Крест врагов губитель , / Крест злочестивых язва и
пленение , и верных держава , / благочестивых хранитель и
бесов отгонитель .

Слава: Крест страстей пагуба , / Крест помыслов
отгнание , / Крест сокрушение языческо искусительно / и
духовом показася ловительство .

И ныне: Крест воздвигнется и падают духов воздушных
чинове , / Крест низходит , и нечестивии вси ужасаются , /
яко молнию видяще крестную силу .

Кондак, глас 4. Самоподобен:

Вознесыйся на Крест волею , / тезоименитому Твоему
новому жительству / щедроты Твоя даруй , Христэ Боже ,
/ возвесели нас силою Твоею , / победы дая нам на
сопостаты , / пособие имущим Твое оружие мира , /
непобедимую победу .

Икос: Иже до третияго Небесе восхищен бысть в рай / и
глаголы слышав неизреченныя и Божественныя , / ихже не
леть языки [человеческими] глаголати , / что Галатом
пишет , яко рачителие Писаний прочтосте и познасте : /
мне, глаголет , хвалитися да не будет , токмо во едином
Кресте Господни , / на немже , страдав , уби страсти . / Того
убо и мы известно держим , Крест Господень , хвалу вси : /
есть бо нам спасительное сие Древо / оружие мира ,
непобедимая победа .

Песнь 7.

Ирмос: Не послужиша твари Богомудрии , / паче Создавшего , / но огненное прещение мужески поправше , / радовахуся , поюще : / препетый отцев Господь и Бог благословен еси .

Нераздельную Троицу и неслиянну , / естество единством благословим , / Отца нерожденна , и рожденна Сына , / и Святаго исходительнаго Божественнаго Духа , пёсньми поюще : / благословен Бог отец наших .

Незаходительными молниями Твоими , Триипостасне , / наша озари умныя очи , / доброту Твою , Трисветне , пресущественную зрети , / яже человеком неведомая и непрístupная Ангелом .

Слава: Лучами света Твоего / падшую мою душу возведи от глубины , / благий Боже , препетый и всесильный , / поползшуюся от света благодатнаго и во тьму воглубльшуюся .

И ныне: Крестообразно простёрши рuce , Чистая , / к распростёршему свои рuce на Древе Крестнем , / и вознесшему естество наше , и умертвившему враждебныя полки , / молящи не претай .

Песнь 8.

Ирмос: Отроки благочестивыя в пещи / Рождество Богородично спасло есть , / тогда убо образуемое , / ныне же действующее , / вселенную всю воздвизает пети Тебе : / Господа пойте дела / и превозносите Его во вся веки .

Высота Христовых страстей и лук , и оружье , и меч , / оружье непостыдное , и сила непобедимая , / Христово подножие и победительство на враги , / знамена Царствия , скиптре верных , / показался еси , Кресте победоносне .

Воздвигл еси наше падшее естество , Христом распённымся , совозставив ; / высоту Божественная , глубину неизглаголанная , / Христово ты еси знамение , Кресте

пребогáте , и широтá безмёрная , / и знáмение непостижимыя
Троицы , жизнóносче .

Слава: Устнáми , душéю же и сёрдцем Крест Госпóдень
лобызáюще , / приидите ны́не вознесём вси и возвеличим , /
покланяющеся рцем вкупе , песнь пречистую , вопиюще : /
ра́дуйся , великое богáтство , Кресте , церковное украш́ение .

И ныне: Дрёво ж́изни и спас́ения , / Дрёво безсмёртия ,
Дрёво рáзума , / Дрёво трилюбéзно , нетлénно и
неизнуряемо , / Крест трисоставный , честнóе Дрёво , /
Троицы бо нóсит Триипостáсныя образ .

Песнь 9.

Ирмос: Всяк земнорóдный / да взыгрáется , Духом
просвещáемь , / да торжествует же Безплóтных умóв
естество , / почитающее священное торжество Богóматере , /
и да вопиёт : / ра́дуйся , Всеблаженная , / Богородице Чистая
Приснодéво .

Кто слы́шана сотвори́т , я́коже пи́шется , дéйстви́я тво́я ,
миролюбéзный Кресте , / с́илы и чудесá , умёршим
востание ; / и м́ир весь совознесл еси , вознесыйся к Богу
многожелаемый .

Утвержд́ение вёрным Крест требожéнный , / знáмение и
похвалá , Дрёво всес́ильное , / Крест Христóв вели́кий и
соверш́енный , / апóстолом похвалá , преподóбным
утвержд́ение / и мучеником крёпость и держава , / вёрным
победа и похвалá .

Слава: Ра́дуйся , Кресте , образе неописанный и
многоименный , / Дрёво требогатное , страшно́ же и
всеблаженно ; / ра́дуйся , Кресте , всесвяты́й и всес́ильный ; /
ра́дуйся , хранителю́ жизни наше́я , / Госпóдень Кресте
многопéтый .

И ныне: Кресте Честны́й , храните́ль души́ и т́ела б́уди
ми , / образом своим б́есы низлагáя , враѓи отгоня́я ,
страсти упраждня́я , / и благословéние даруя ми , и жизнь и

силу , / содействием Святаго Духа , и честными Пречистыя мольбами .

Молитва Честному и Животворящему Кресту.

Господи Иисусе Христе , Сыне Бога живаго , Творче неба и земли , Спасителю мира, се аз, недостойный и паче всех грешнейший , смиренно колена сердца моего пред славою величества Твоего преклоняя , воспеваю и величаю безмерное страдание Твое , и благодарение Тебе , Царю всех и Богу приношу , яко благоизволил еси снити с небеснаго Престола Твоего и воплотиться от Пречистыя Девы Марии , ради спасения человеческого ; безплотен сый, плотское естество Божеству совокупляя ; богат сый, волею обнищал еси , да человека во Царствии Твоем обогатиши ; труды и всякия человеческия беды , яко человек , на Себе понёс еси , да всем во всяких печалех и нуждах пособствуеши ; четырёдесять дней постивыйся , всем к воздержанию путь показал еси ; множицею от лукавых искушен был еси , всех от искушений всяких избавляя . Вем, всесильный Владыко , яко вся сия Тебе непотребна быша , но человеческого ради спасения вся претерпел еси : предан был еси за тридесять сребреник , да человека искупиши от лютыя работы вражия ; от немилостивых Иудей , яко незлобивый агнец , похищен был еси , род человеческий от поглощения волка мысленнаго исторгая ; на судищи пред Анною и Каиафою предстал еси , всех от осуждения огня вечнаго отводя ; связан , поруган , оплеван , от ложных свидетелей оклеветан и на поносную смерть осужден , человека от всякия напасти , мучения и от вечныя смерти свободяя ; Пилату , никоего зла содеявый , предан был еси и ко Ироду послан , и паки поруган , человека от злаго обстояния и от поруганий вражиих избавляя . Что убо воздам Тебе , Владыко Человеколюбче , о всех, яже претерпел еси мене ради грешнаго ? Не вем. Душа бо и тело , и вся благая от Тебе суть, и вся моя Твоя суть, и аз

Твой есмь; то́чию на безчи́сленное Твое́ ми́лосе́рдие , благоутро́бне Го́споди , наде́ясь , пою́ Твое́ неизрече́нное долготерпе́ние , велича́ю неисповеди́мое смотре́ние Твое́ , сла́влю Твою́ безме́рную ми́лость , и́миже прекло́нился еси́ мене́ ради́ осужде́ннаго , да аз оправда́н бу́ду . К столпу́ , Спасе , привяза́н и без ми́лости би́ен , ми́лостив сый , разреши́ мя , молю́ся , от грехо́в моих ; те́рнием венча́н , души́ моя́ грехо́вное те́рние искоре́ни ; тростию́ би́ен по главе́ , сокруши́ главу́ змия , уязвля́ющаго мя жа́лом греха́ ; в багряну́ ризу́ оболче́н и мучите́лем преда́н , просвети́ ми , Царю́ Пресвяты́й , оде́яние душе́вное , да вни́ду в черто́г Твой всекра́сный ; с разбо́йники вменен и Крест на ра́му Своёю понеси́й , разбо́йника врага́ , и́щущаго ду́шу мою́ уби́ти , Твои́м Кресто́м проже́ни . Вем Тя , Иису́се долготерпели́ве , лю́те уязвле́ннаго ; от верху́ , главы́ Твое́я святы́я , даже́ до стопы́ ножны́я , не бе в Тебе́ ме́ста це́ла . Что же возглаго́лю о неизрече́нном человеколю́бии Твоём , Христе́ Спаси́телю ? То́чию в сокруше́нии се́рдца моего́ , покланя́ясь Твои́м Пречи́стым стра́стем и вселюбе́зно тв́я лобыза́я , вопию́ : поми́луй мя , грешна́го . На Кресте́ пригвозди́тся изво́ливый , пригвозди́ за́поведем Твои́м се́рдце мое́ ; воздви́жен со Кресто́м на горе́ Голго́фе , воздви́гни мы́сли моя́ к небеси́ , да всегда́ го́рняя му́дрствую ; же́лчию со о́цтом напо́ен , огорче́нное ми грехо́м се́рдце улади́ любóвию Твое́ю , и жа́ждуща напо́й пото́ком сла́дости Твое́я ; ру́це Свои́ , пречи́стии распротри́й на прия́тие всех , приими́ мя , грешна́го ; но́зе пригвожде́ны имевый , хотя́ всегда́ со грешники́ бы́ти , бу́ди со мно́ю , грешным , возбра́няя но́гам мои́м от всяка́го пути́ лука́ваго ; се́рдце отве́рсто име́вый , яви́ мне благода́ть Свою́ , грешно́му ; главу́ пресвяту́ю на Кресте́ прекло́нивший , услы́ши недостойны́я моли́твы моя́ . О , пречу́дная и неизме́римая глуби́но ми́лосе́рдия , Христе́ Бо́же , за враги́ распина́тели Своя́ Бо́гу Отцу́ моли́вшийся , даждь и мне , грешно́му , сию́ благода́ть , люби́ти враги́ моя́ и моли́тися за них ; разбо́йнику ка́ющемуся рай отве́рзый ,

воззри́ , Свѣте мой, на мя, грѣшнаго , подаждь покая́ние и
отверзи ми двѣри милости Твоея́ , и помяни́ мя,
недостойнаго , во Цѣркви Твоем . Нако́нец , Ду́ха Своего́
Пресвята́го преда́вый в ру́це Бо́гу Отцу́ , приими́ ,
Созда́телю , дух мой во вре́мя кончи́ны моея́ ; со Креста́ снят
и во гробе́ яко мертв положѣн , Спа́се , живы́й во свѣте
непристу́пнем , возьми́ от мене́ тяжкое бре́мя грехо́вное , и
не возгнуша́йся , Человеколю́бче , вселитися во гробъ се́рдца
моего́ недостойнаго , на умерщвле́ние моего́ плотскаго
мудрова́ния ; яко́ да не ктому́ себѣ , брѣнное создание
Твое́ , но Тебе́ , Господеви и Бо́гу моему́ живы́й , Твоимъ , о
Всемило́стиве , благоутро́биемъ , слодоблю́ся видѣти Тебе́ ,
Созда́теля и Спасителя́ моего́ , за пріятие́ сме́рти
крѣстныя , славою́ и че́стию венча́ннаго , во свѣте
неприкоснове́нныя Твоея́ славы ; иде́же со Безнача́льным
Твоимъ Отце́мъ , и со Пресвяты́мъ , и Благи́мъ , и Животворя́щимъ
и Единосущны́м Твоимъ Ду́хомъ ца́рствуеши прѣ́жде векъ,
ны́не и прі́сно и во ве́ки веко́в , аминь .

В оглавление

КАНОН ЧТОМЫЙ ЗА БОЛЯЩЕГО

Глас 3.

Песнь 1.

Ирмос: Пресекаемое море жезлом древле , / Израиль
пройде яко по пустыни , / и крестообразно яве ,
предуготовляет стези . / Сего ради поим во хвалении
чудному Богу нашему , / яко прославися .

**Милостиве Господи , услыши молитву раб Своих ,
молящихся Тебе .**

В день печали нашедшия на ны / к Тебе , Христе Спасе ,
припадающе , / Твоя милости просим . / Облегчи болезнь
раба Твоего , / изреки нам , яко сотнику : / иди , се здрав есть
отрок твой .

**Милостиве Господи , услыши молитву раб Своих ,
молящихся Тебе .**

Мольбы и моления с воздыханием к Тебе вопиём ,
Сыне Божий : / помилуй нас . / Воздвигни со одра
лежащего , яко разслабленного словом : / возьми одр твой ,
глаголя , отпускаются ти греси твои .

Слава: Твоего , Христе , образа подобию
поклоняющиеся , верою целуем , / и болящему здравия
просим , подражающе кровоточивей , / яже подольца риз
Твоих коснуса и исцеление недуга прият .

И ныне: Пречистая Госпоже Богородице , всем известная
Помощница , / не презри нас к Тебе припадающих , / моли
яко блага Своего Сына и Бога нашего / дати здравие
болящему , да Тя с нами прославляет .

Песнь 3.

Ирмос: Иже от не сущих вся приведый , / словом
созидаемая , / совершаемая Духом / Вседержителю
Вышний , / в любви Твоей утверди мене .

Мілоствіве Гóсподи , услыши мо́літву раб Свои́х ,
моля́щихся Тебе́ .

И же от тяжких бо́лезней на земли́ пове́ржен / к Тебе́ ,
Христе́ , с нами́ вопієт , / пода́ждь здравіе телеси́ его́ , /
якоже и Езекии плакавшуся к Тебе́ .

Мілоствіве Гóсподи , услыши мо́літву раб Свои́х ,
моля́щихся Тебе́ .

При́зри , Гóсподи , на на́ше смире́ние и не помяни́
беззако́ний на́ших , / но ве́ры ра́ди боля́щаго , / яко́
прока́женнаго сло́вом , исцели́ ему́ бо́лезнь , / да Твое́ ,
Христе́ Бо́же , сла́вится и́мя .

Слава: Це́рковь , ю́же еси́ освяти́л , / на ту, Христе́ , не
даждь поноше́ния , / но воздвигни невидимо в недуже́ на
одре́ лежа́щаго , / в не́йже мо́лим Ти ся: / да не реку́т
неве́рнии , где е́сть Бог их.

И ны́не: К Твоему́ пречи́стому , Богоро́дице , о́бразу
ру́це возде́юще вопіем : / услыши раб Твои́х мо́літву и
спаси́ в бо́лезни лежа́щаго , / да от бо́лезни воста́в , возда́ст
о́беты , / я́же в печа́ли глаго́лаша уста́ его́ .

Седален, глас 8:

На одре́ грехо́внем лежа́ща мя, и страстьми́ уязвлена , / и
якоже воздвигл еси́ Петро́ву те́щу / и спасе́
разсла́бленнаго носима́ со одро́м , / тако́ и ны́не посети́ ,
Мілоствіве , боля́щаго , / понеси́ недуги́ ро́да на́шего . /
Тебе́ Еди́наго ве́мы терпе́лива и милосе́рда , / милостива
врача́ душа́м и телесе́м , Христа́ Бо́га на́шего , / наводя́ща
недуги́ и па́ки исцеля́юща , / подава́юща про́щенье
ка́ющимся о согре́шєніих , / Еди́наго Милосе́рдаго и
Милостиваго .

Слава: Аз гре́шный пла́чуся на одре́ сво́ем ле́жа , /
про́щєние ми пода́ждь , Христе́ Бо́же , / и от бо́лезни се́я
воздвигни́ мя , / и я́же есмь от ю́ности грехи́ сотвори́л , /
избы́ти ми сих мо́литвами Богоро́дицы да́руй .

И ныне: Умилосердися и спаси́ мя, / воздвигни́ мя от одра́ бо́лезненнаго , / мо́щь бо мо́я во мне изнемо́же , / и весь неча́нием одержим есмь, Ма́ти Бо́жия Пречи́стая , / исцели́ недугую́ща лю́те , / Ты бо еси́ Помо́щница христиа́ном .

Песнь 4.

Ирмос: Положи́л еси́ к нам твёрдую́ любóвь , Го́споди , / Единоро́днаго бо Твоего́ Сы́на за ны на сме́рть дал еси́ . / Те́мже Ти зове́м благода́ряще : / сла́ва си́ле Твое́й , Го́споди .

Милостиве Го́споди , услы́ши моли́тву раб Свои́х , моля́щихся Тебе́ .

Уже́ отча́нна лю́тым недуго́м / и к сме́рти прибли́жившаяся , возврати́ , Христе́ , на живо́т / и даждь пла́чущимся утёху , / да вси прославля́ем Твою́ свята́я чудеса́ .

Милостиве Го́споди , услы́ши моли́тву раб Свои́х , моля́щихся Тебе́ .

Тебе́ , Тво́рче , ка́емся во свои́х гресе́х , / я́ко не хо́щеши сме́рти грешни́чи , / оживи́ , уздрави боля́щаго , / да возстав послужит Ти , / испове́дуя с нами Твою́ благода́ть .

Слава: Сле́зы Манаси́ины , ниневи́тян пока́яние , / Дави́дово испове́дание при́им , вско́ре спасл еси́ , / и на́ши моли́твы ны́не приими́ , / даждь здра́вие боля́щему , о нёмже Тя мо́лим .

И ныне: Пода́ждь нам Твою́ ми́лость , Госпоже́ , / всегда́ на Тя наде́ющимся , / испроси́ здра́вие боля́щему , / враче́бнии Твои́ ру́це с Предте́чею , Богоро́дице , / ко Го́споду Бо́гу простира́ющи .

Песнь 5.

Ирмос: На земли́ невиди́мый яви́лся еси́ , / и челове́ком во́лею сожи́л еси́ непости́жимый , / и к Тебе́ утреню́юще , / воспева́ем Тя , Человеколю́бче .

Милостиве Гóсподи , услыши моли́тву раб Свои́х ,
моля́щихся Тебе́ .

Дщерь Иаи́рову уже́ умёршу , яко́ Бог оживи́л еси́ , / и
ны́не возведи́ , Христé Бо́же , от врат смёртных боля́щаго , /
Ты бо еси́ путь и живо́т всем.

Милостиве Гóсподи , услыши моли́тву раб Свои́х ,
моля́щихся Тебе́ .

Сы́на вдови́ча оживи́в , Спа́се , / и тоя́ слéзы преложи́в
на ра́дость , / спаси́ от недуга́ тлею́щаго раба́ Своего́ , / да и
на́ша скорбь и боле́знь на ра́дость приидет .

Слава: О́гненну боле́знь Петро́ве те́ще
прикоснове́нием Твои́м исцели́в , / и ны́не возста́ви
боля́щаго раба́ Твоего́ , / да воста́в , яко́ Ио́на , послужи́т
Ти.

И ны́не: Ско́рбнии , смире́нии , гре́шнии , не иму́щие
дерзнове́ния / к Тебе́ , Пречи́стая Богома́ти , вопие́м : /
умоли́ Сы́на Своего́ Христа́ / да́ти боля́щему здра́вие
телеси́ .

Песнь 6.

Ирмос: Бе́дна послéдняя грехо́в обы́де мя , / и исче́зает
дух мой: / но простры́й , Влады́ко , вы́сокую Твою́ мы́шцу , /
яко́ Петра́ мя Управителю́ , спаси́ .

Милостиве Гóсподи , услыши моли́тву раб Свои́х ,
моля́щихся Тебе́ .

Бе́зду милосе́рдия и милости́ имéя , Христé Бо́же , /
услы́ши молéния раб Твои́х . / Ты бо еси́ Петро́м Тави́фу
воскреси́в , / Ты и ны́не в боле́зни лежа́щаго воздвигни , /
послушав церковных молитвенник .

Милостиве Гóсподи , услыши моли́тву раб Свои́х ,
моля́щихся Тебе́ .

Врачу́ ду́шам и телесе́м на́шим , / понеси́й неду́ги
всего́ мира , Христé , / и Ене́я Павлом исцели́вый , / Ты и
ны́не боля́щаго исцели́ , / святы́х апо́стол моли́твами .

Слава: Преложи́ , Христе́ , на радость рыда́ние о недужнем скорбящих , / да Твою́ получи́в ми́лость , вни́дет в дом Твой , со о́бётными дарми́ , / славяща Тя в Тро́ице Еди́наго Бо́га .

И ныне: Приидите́ , о дру́зи , поклонимся / моля́щеся о болящем Бо́жией Матери́ . / Та бо име́ет вла́сть недужны́я исцеля́ти , со безме́здникама вку́пе , / духо́вным невидимо помазующе ма́слом .

Кондак, глас 3:

Ду́шу мою́ , Го́споди , во гресе́х вся́ческих , / безместными дея́ньми разслаблену́ , / воздвигни Боже́ственным Свои́м человеколю́бием , / я́коже и разслабленнаго воздвигл еси́ дрéвле , / да зову́ Ти спаса́ем : / ще́дре Христе́ , даждь ми исцелéние .

Икос: И́же руки́ Своея́ го́рстию содержи́ концы́ , Иису́се Бо́же , / И́же Отцу́ Собезнача́льный и Ду́ху Свято́му совлады́чествуя , / я́ко плóтию , явился еси́ , недуги́ исцеля́я , / и страсти́ очисти́л еси́ , слéпых просвети́л еси́ , / и разслабленнаго слóвом Боже́ственным совозстави́л еси́ , / сего́ пра́во ходя́ща сотвори́в , и одр повелéл еси́ на ра́мо взяти́ . / Те́мже вси́ с ним воспева́ем и поём : / ще́дре Христе́ , даждь ми исцелéние .

Песнь 7.

Ирмос: Прéжде о́бразу златóму , / персидско́му , чтíлищу о́троцы не поклони́шася , / три́е пою́ще посреде́ пещи́ : / отце́в Бо́же , благословéн еси́ .

Ми́лостиве Го́споди , услы́ши моли́тву раб Свои́х , моля́щихся Тебе́ .

О Кресте́ Пресвяты́й Христов , Честно́е Дре́во живо́тное , / тобою́ смерть погíбе и мёртвии воскресо́ша , / и ны́не боля́щаго исцели́ и оживи́ , / я́коже при Е́лене у́мершую деви́цу .

Мілостиве Гóсподи , услыши моли́тву раб Свои́х ,
моля́щихся Тебе́ .

До́лгую и лю́тую бо́лезнь Йо́влю на гно́ищи и в че́рвех
того́ моля́щаяся , / сло́вом исцели́л еси́ , Гóсподи . / И ны́не
же в Це́ркви о боля́щем молим Тя : / я́ко благ исцели́
невидимо моли́твами святы́х Твои́х .

Слава: Вси ве́мы , я́ко умре́ти нам е́сть, Тебе́ Бо́гу та́ко
изво́лившу , / но на ма́ло вре́мя , Мілостиве , здра́вие
про́сим боля́щему , / премени́ от сме́рти на живо́т , даждь
скорбя́щим утёху .

И ныне: Посо́бствуй и помога́й на́шему сирóтству ,
Богоро́дице , / Ты бо ве́си вре́мя и час, егда́ умоли́ти Сы́на
Твоего́ и Бо́га на́шего , / да́ти боля́щему здра́вие и
про́щение от всех грех.

Песнь 8.

Ирмос: Служи́ти живо́му Бо́гу , в Вавило́не о́троцы
претерпе́вше , / о муси́кийских о́рганех неради́ша , / и
посреде́ пла́мени стоя́ще боголе́пную песнь воспева́ху ,
глаголю́ще : / благослови́те вся дела́ Госпо́дня Гóспода .

Мілостиве Гóсподи , услыши моли́тву раб Свои́х ,
моля́щихся Тебе́ .

Міло́сть покажи́ , Влады́ко , в бо́лезни раба́ Твоего́ , / и
ско́ро исцели́ , мілостиве Христе́ Бо́же , / и ещё́ сме́рти не
преда́ждь су́дней , да Ти пока́яние возда́ст . / Сам бо рекл еси́ :
не хочу́ сме́рти грешни́чи .

Мілостиве Гóсподи , услыши моли́тву раб Свои́х ,
моля́щихся Тебе́ .

Гóсподи мілостиве , Твоя́ пресла́вная чуде́са да и до нас
ны́не дости́гнут : / бе́сы проже́ни , недуги́ погуби́ , / ра́ны
исцели́ , бо́лезни уврачу́й , / и потво́ры и чароде́яния , и
вся́кие язи изба́ви ны .

Слава: Запрети́вый , Христе́ , морски́м ве́тром , / и страх
учени́к на ра́дость преложи́вый , / запрети́ и ны́не тяжким

болѣзнем , труждающим раба Твоего , / да вси возвеселимся ,
хваляще Тя во веки .

И ныне: Избави , Богородице , от обышедших ны
печалей , / различных недугов , отравы же и чародейства , / и
бесовского мечтания и от навета злых человек / и
напрасныя смерти , молим ти ся .

Песнь 9.

Ирмос: На Синайстей горѣ виде Тя в купинѣ Моисѣй , /
неопально огонь Божества зачѣншую во чреве ; / Даниил же
Тя виде гору , несекомую , / жезл прозябший , Исаия
ззываше , / от корене Давидова .

**Милостиве Господи , услыши молитву раб Своих ,
молящихся Тебѣ .**

**Источниче жизни , подателю , Христѣ , милости , / не
отврати лица Твоего от нас . / Облегчи болѣзнь
утружденному болѣзною , / и воздвигни яко Фаддеем
Авгаря , / да присно Тебѣ славит , со Отцем и Святым
Духом .**

**Милостиве Господи , услыши молитву раб Своих ,
молящихся Тебѣ .**

**Евангельскому верующе гласу , / Твоего ищем обѣта ,
Христѣ : / просите , рекл еси бо , рече , и дастся вам . / Тем и
ныне предстояще молим Тя , / возстави со одра здрава
лютым повержена недугом , / да Тя с нами вкупе величает .**

Слава: Мучимый недугом , внутри невидимыми ранами ,
/ Тебѣ , Христѣ , с нами вопиет , / не нам , Господи , не нас
ради , вси бо исполнены грехов , / но Матерними Ти и
Предтечевыми молитвами / даждь исцеление болящему , да
Тя вси возвеличим .

И ныне: Божия Мати Пречистая , / со всеми святыми
призываем Тя , / со Ангелы и Архангелы , / со пророки и
патриархи , со апостолы , / с преподобными и праведными /
молися Христу Богу нашему / дати здравие болящему , да
Тя вси величаем .

Молитва

Бо́же си́льный , ми́лостию стро́й вся на спасéние рóду
человéческому , посети́ раба́ Своего́ сего́ (имярек),
нарица́юща имя Христа́ Твоего́ , исцели́ его́ от всякаго
недуга́ плотска́го и душе́внаго ; и отпусти́ грех, и грехо́вные
собла́зны , и всяку напа́сть , и всяко нашествие
неприя́зненно далéче сотвори́ от раба́ Твоего́ . И воздвигни
от одра́ грехо́внаго , и устрои́ его во Святу́ю Твою́ Цёрковь
здрава душе́ю и телом , и дёлы добры́ми славящаго со
всеми людьми́ имя Христа́ Твоего́ , яко Тебе́ сла́ву
возсыла́ем , со Единоро́дным Твоим Сы́ном , и со Святы́м
Ду́хом ны́не и при́сно и во ве́ки веко́в . Ами́нь .

ЧАСЫ СВЯТЫЯ ПАСХИ И ВСЕЯ СВЕТЛЫЯ СЕДМИЦЫ

Подобает ведати, яко от сего дне святыя и великия Недели Пасхи даже до субботы, часы сице поются.

Наченшу иерею: Благословен Бог наш:

Аще ли не иерей: Молитвами святых отец наших, Господи Иисусе Христе, Боже наш, помилуй нас, аминь.

Лик: Аминь. Христос воскрес из мертвых, / смертию смерть поправ / и сущим во гробех живот даровав. **Трижды.**

Таже глаголем трижды:

Воскресение Христово видевше, / поклонимся Святому Господу Иисусу, / единому безгрешному, / Кресту Твоему поклоняемся, Христе, / и святое Воскресение Твое поем и славим : / Ты бо еси Бог наш, / разве Тебе иного не знаем, / имя Твое именуем. / Приидите вси вернии, / поклонимся Святому Христову Воскресению : / се бо прииде Крестом радость всему миру. / Всегда благословяще Господа, / поем Воскресение Его : / распятие бо претерпев, / смертию смерть разруши.

Таже ипакои, глас 4, единощи:

Предваривши утро, / яже о Марии, / и обрещия камень отвален от гроба, / слышаху от Ангела : во свете присносущнем Сущаго / с мертвыми что ищите, / яко человека ? / Видите гробныя пелены, / тецыте и миру проповедите, / яко воста Господь, / умертвивый смерть, / яко есть Сын Бога, / спасающаго род человеческий.

Таже кондак, глас 8, единощи:

Аще и во гроб низшел еси, Безсмертне, / но ядову разрушил еси силу / и воскресл еси, / яко Победитель, Христе Боже, / женам мирносицам вещавый : радуйтесь ! / И Твоим апостолом мир даруяй, / падшим подай воскресение.

Таже и сей тропарь единощи:

Во гробѣ плоти́ски , во а́де же с душо́ю я́ко Бог, / в рай же с разбойником , и на Престо́ле был еси́ Христе́ , со Отце́м и Ду́хом , / вся исполня́й , неопи́санный .

Слава: Я́ко Живоно́сец , я́ко ра́я красне́йший , / войсти́ну и чertóга всякаго ца́рскаго показáся светле́йший , Христе́ , гроб Твой, / исто́чник на́шего воскресе́ния .

И ныне, Богородичен: Вы́шняго освяще́нное Божество́нное селе́ние , раду́йся , / Тобо́ю бо даде́ся ра́дость , Богоро́дице , зову́щим : / благослове́нна Ты в жена́х еси́ , Всенепоро́чная Влады́чице .

Таже Го́споди , поми́луй , 40.

Сла́ва , и ны́не : Честне́йшую Херуви́м и сла́внейшую без сравне́ния Серафи́м , / без ислéния Бо́га Слова ро́ждшую , / су́щую Богороди́цу Тя велича́ем .

И́ менем Го́сподним благослови́ , о́тче .

Иерей: Моли́твами святы́х о́тец на́ших : **Мы же речем:** Ами́нь .

И паки глаголем подобне: Христос́ воскре́се из ме́ртвых , / сме́ртию сме́рть попра́в , / и су́щим во гробéх живо́т дарова́в . **Трижды.**

Сла́ва , и ны́не : Го́споди , поми́луй , **трижды.** Благослови́ . **И отпуст первого часа.**

Христос́ воскре́се из ме́ртвых , / сме́ртию сме́рть попра́в , / и су́щим во гробéх живо́т дарова́в . **Трижды.**

И нам дарова́ живо́т ве́чный , / покланя́емся Его́ / тридне́вному Воскресе́нию .

В оглавление

ЧИН ЛИТИИ, СОВЕРШАЕМОЙ МИРЯНИНОМ ДОМА И НА КЛАДБИЩЕ

Моли́твами святы́х , о́тец на́ших , Го́споди Иису́се Христе́ , Бо́же наш, поми́луй нас, ами́нь .

Сла́ва Тебе́ , Бо́же наш, сла́ва Тебе́ .

Ца́рю Небе́сный , Уте́шителю , Ду́ше и́стины , И́же везде́ сый и вся исполня́й , Сокрови́ще благи́х и жи́зни Пода́телю , прииди́ и всели́ся в ны, и очисти́ ны от всякия скве́рны , и спаси́ , Бла́же , ду́ши на́ша .

Святы́й Бо́же , Святы́й Кре́пкий , Святы́й Безсме́ртный , поми́луй нас. **Трижды.**

Сла́ва Отцу́ и Сы́ну и Свято́му Ду́ху , и ны́не и при́сно и во ве́ки веко́в . Ами́нь .

Пресвята́я Тро́ице , поми́луй нас; Го́споди , очисти́ грехи́ на́ша ; Влады́ко , прости́ беззаконя́ на́ша ; Святы́й , посети́ и исцели́ немо́щи на́ша , имене́ Твоего́ ради .

Го́споди , поми́луй , **трижды.** Сла́ва , и ны́не :

О́ тче наш, И́же еси́ на Небесе́х , да святи́тся и́мя Твое́ , да прииде́т Ца́рствие Твое́ , да бу́дет во́ля Твоя́ , я́ко на Небеси́ и на земли́ . Хлеб наш насущный да́ждь нам днесь; и оста́ви нам до́лги на́ша , я́коже и мы оставляе́м должнико́м на́шим ; и не введи́ нас во искуше́ние , но избави́ нас от лука́ваго .

Го́споди , поми́луй , **12.**

Прииди́те , поклони́мся Ца́реви на́шему Бо́гу .

Прииди́те , поклони́мся и припаде́м Христу́ , Ца́реви на́шему Бо́гу .

Прииди́те , поклони́мся и припаде́м Само́му Христу́ , Ца́реви и Бо́гу на́шему .

Псалом 90

Живѣй в по́мощи Вы́шняго , в кро́ве Бо́га небѣснаго водворится . Рече́тъ Господеви : заступник мой еси и прибежище моё , Бог мой, и упова́ю на Него́ . Яко Той изба́вит тя от сѣти ловчи , и от словесе́ мятежна , плещма́ Своима осенит тя, и под криле́ Его́ надееши́ся , ору́жием обы́дет тя и́стина Его́ . Не убойши́ся от страха́ но́щнаго , от стрелы́ летя́щая во дни, от ве́щи во тьме прехо́дящая , от сря́ща и бе́са полу́деннаго . Падёт от страны́ твое́й тыся́ща , и тьма одесну́ю тебе́ , к тебе́ же не прибли́жится , оба́че очима́ твоима́ смóтриши и воздая́ние грѣшников у́зриши . Яко Ты, Госпо́ди , упова́ние моё ; Вы́шняго положи́л еси́ прибежище́ твое́ . Не приидет к тебе́ зло, и рана́ не прибли́жится телеси́ твоему́ , яко А́нгелом Своим заповѣсть о тебе́ , сохранити́ тя во всехъ путѣхъ твоихъ . На рукахъ возмутъ тя, да не когда́ преткне́ши о камень но́гу твою́ ; на а́спида и васи́лиска наступиши , и попере́ши льва и зми́я . Яко на Мя упова́ , и изба́влю и́ ; покрýю и́ , яко позна́ имя моё . Воззовет ко Мне, и услы́шу его́ , с ним есмь в скорби́ , изму́ его́ и просла́влю его́ , долгото́ю дней исполню́ его́ и явлю́ ему́ спасе́ние моё .

Слава, и ныне: Аллилу́иа , аллилу́иа , аллилу́иа , сла́ва Тебе́ , Бо́же . **Трижды.**

И тропари сия, глас 4:

Со ду́хи пра́ведных сконча́вшихся , / ду́шу раба́ Твоего́ [или рабы́ Твоея́] , Спа́се , упоко́й , / сохра́ня ю́ во блаже́нной жи́зни , / я́же у Тебе́ , Человеколю́бче .

В поко́ищи Твое́м , Госпо́ди , / иде́же вси святи́и Твой упоко́еваются , / упоко́й и ду́шу раба́ Твоего́ [или рабы́ Твоея́] , яко еди́н еси́ Человеколю́бец .

Слава: Ты еси́ Бог соше́дый во ад, и у́зы окова́нных разреши́вый , / Сам и ду́шу раба́ Твоего́ [или рабы́ Твоея́] упоко́й .

И ныне: Еди́на чи́стая и непоро́чная Де́во , Бо́га без се́мене ро́ждшая , / моли́ спасти́ся души́ его́ [или ея́] .

Кондак, глас 8:

Со святы́ми упоко́й , / Христе́ , ду́шу раба́ Твоего́ [или рабы́ Твоея́] , / иде́же несть болезнь , ни печа́ль , / ни воздыха́ние , / но жизнь безко́нечная .

Икос: Сам еди́н еси́ безсме́ртный , / сотвори́вый и созда́вый челове́ка : / земнии́ убо́ от земли́ созда́хомся , / и в зе́млю ту́южде по́йдем , / я́коже повеле́л еси́ , созда́вый мя и рекы́и ми : / я́ко зе́мля еси́ , и в зе́млю оты́деши : / а́може вси челове́цы по́йдем , / надгробно́е рыда́ние творя́ще песнь : / аллилу́ия , аллилу́ия , аллилу́ия .

Честне́йшую Херуви́м и сла́внейшую без сравне́ния Серафи́м , / без и́стления Бо́га Сло́ва ро́ждшую , су́щую Богоро́дицу Тя велича́ем .

Таже: Сла́ва , и ны́не : Го́споди , поми́луй , **трижды.** Благослови́ .

Моли́твами святы́х оте́ц на́ших , Го́споди Иису́се Христе́ , Бо́же наш, поми́луй нас, ами́нь .

Ве́чная ва́ша па́мять , досто́блаже́ннии отцы́ и бра́тия на́ша , при́сно помина́емии . **Трижды.**

Душа́ его́ [или ея́] во бла́гих водворится́ , и па́мять его́ [или ея́] в род и род .

Святы́й Бо́же , Святы́й Кре́пкий , Святы́й Безсме́ртный , поми́луй нас. **Трижды.**

В оглавление

**ЧИН ЛИТИИ
В ПАСХАЛЬНЫЙ ПЕРИОД,
СОВЕРШАЕМОЙ МИРЯНИНОМ ДОМА
И НА КЛАДБИЩЕ**

Моли́твами святы́х , о́тец на́ших , Го́споди Иису́се Христе́ , Бо́же наш, поми́луй нас, ами́нь .

Хри́сто́с воскресе́ из ме́ртвых , / сме́ртию смерть попра́в / и су́щим во гробѣхъ живо́т дарова́в . Трижды.

И тропари сия, глас 4:

Со ду́хи пра́ведных сконча́вшихся , / ду́шу раба́ Твоего́ [или рабы́ Твоея́] , Спа́се , упоко́й , / сохрани́а ю́ во блаже́нной жи́зни , / я́же у Тебе́ , Человеколю́бче .

В поко́ищи Твое́м , Го́споди , / иде́же вси святи́и Твой упоко́еваются , / упоко́й и ду́шу раба́ Твоего́ [или рабы́ Твоея́] , я́ко еди́н еси́ Человеколю́бец .

Слава: Ты еси́ Бог соше́дый во ад, и у́зы окова́нных разреши́вый , / Сам и ду́шу раба́ Твоего́ [или рабы́ Твоея́] упоко́й .

И ныне: Еди́на чи́стая и непоро́чная Де́во , Бо́га без се́мене ро́ждшая , / моли́ спасти́ся ду́ши его́ [или ея́] .

Кондак, глас 8:

Со святы́ми упоко́й , / Христе́ , ду́шу раба́ Твоего́ [или рабы́ Твоея́] , / иде́же несть болезнѣй , ни печа́ль , / ни воздыха́ние , / но жизнь безконече́нная .

Таже кондак, глас тойже:

А́ще и во гробъ снизше́л еси́ , Безсме́ртне , / но а́дову разруши́л еси́ си́лу , / и воскресе́л еси́ , я́ко победите́ль, Христе́ Бо́же , / женам мироно́сицам веща́вый : ра́дуйтеся , /

и Твои́м апосто́лом мир да́руяй , / па́дшим пода́й
воскресе́ние .

Молитва о усопших:

Упоко́й , Го́споди , ду́шу раба́ Твоего́ [или рабы́ Твоея́]
(имярек), и прости́ ему́ [или ей] вся согреше́ния вольная и
невольная , и да́руй ему́ [или ей] Царствие Небе́сное .

Свети́ся , свети́ся , / но́вый Иерусали́ме : / сла́ва бо
Госпо́дня / на тебе́ возсия́ . / Лику́й ны́не / и весели́ся ,
Сио́не . / Ты же, Чи́стая , красуй́ся , Богоро́дице , / о востании
Рождества́ Твоего́ .

Сла́ва Отцу́ и Сы́ну и Свято́му Ду́ху , и ны́не и при́сно
и во ве́ки веко́в . Ами́нь .

Го́споди , поми́луй , **трижды**. Благослови́ .

Моли́твами святы́х оте́ц на́ших , Го́споди Иису́се
Христé , Бо́же наш, поми́луй нас, ами́нь .

Христóс воскресе́ из ме́ртвых , / сме́ртию смерть попра́в
/ и су́щим во гробéх живо́т дарова́в . **Трижды**.

И нам дарова́ живо́т ве́чный , / покланя́емся Его́ /
тридне́вному Воскресе́нию .

И **обращаемся к лежащим в могиле со словами:** Христóс
воскресе́ !

В оглавление

**ЧИН, КАКО ПОДОБАЕТ ПЕТИ
ДВНАДЕСЯТЬ ПСАЛМОВ ОСОБЬ,**

ихже пояху преподобнии
отцы пустыинни во дни и в нощи,
о нихже воспоминается в книгах отеческих
и в житиях и мучениях святых многих.

Сей же чин принесе от Святыя горы
преподобный Досифей,
архимандрит Печерский.

Егоже начало:

Аще иерей, глаголет: Благословѣн Бог наш:

Аще же несвященный, глаголет: Моли́твами святы́х отѣц
на́ших , Го́споди Иису́се Христе́ , Бо́же наш, поми́луй нас,
аминь .

Царю́ Небе́сный : Святы́й Бо́же : [трижды.] Сла́ва , и
ны́не : Пресвята́я Трои́це : Го́споди поми́луй , [трижды.]
Сла́ва , и ны́не : О́тче наш: Го́споди поми́луй , 12. Сла́ва , и
ны́не : Прииди́те , поклони́мся : [трижды.]

Псалом 26.

Го́сподь просвѣще́ние моё и Спаси́тель мой, кого́
убою́ся ? Го́сподь Защи́тель живота́ моего́ , от кого́
устрашу́ся ? Внегда́ приближа́тися на мя злобу́ющимъ , е́же
снести́ плоти́ моя́ , оскорбля́ющии мя, и врази́ мой , ти́и
изнемо́гоша и падо́ша . Аще́ ополчи́тся на мя полкъ, не
убои́тся се́рдце моё , аще́ воста́нет на мя брань, на Него́ аз
уповаю́ . Едино́ проси́х от Го́спода , то възыщу́ : е́же жити́
ми в дому́ Господни́ вся дни живота́ моего́ , зрѣти́ ми
красоту́ Господню́ и посеща́ти храмъ святы́й Его́ . Яко́ скры́
мя в селе́нии Своёмъ в день золъ мо́ихъ , покры́ мя в тай́не
селе́ния Своего́ , на ка́мень вознесе́ мя. И ны́не се вознесе́
главу́ мою́ , на враги́ моя́ : обыдохъ и пожрохъ в селе́нии

Его́ жёртву хвалёния и воскликновёния , пою́ и воспую́ Го́сподеви . Услы́ши , Го́споди , глас мой,́ имже́ воззва́х : помилуй́ мя и услы́ши мя. Тебе́ рече́ се́рдце моё́ , Го́спода взыщу́ . Взыска́ Тебе́ лице́ моё́ , лица́ Твоего́ , Го́споди , взыщу́ . Не отврати́ лица́ Твоего́ от мене́ и не уклони́ся гневом от раба́ Твоего́ : помо́щник мой бу́ди , не отрини́ мене́ , и не остави́ мене́ , Бо́же Спаси́телю мой. Яко́ оте́ц мой и ма́ти моя́ остави́ста мя, Го́спо́дь же воспри́ят мя. Законоположи́ ми, Го́споди , в пу́ти Твоём и настави́ мя на стезю́ правую́ враг моих́ ради . Не преда́ждь мене́ в ду́шы стужа́ющих ми, яко́ воста́ша на мя свиде́теле неправеднии и солга́ неправда себе́ . Ве́рую видети́ блага́я Го́сподня на земли́ живых́ . Потерпи́ Го́спода , мужайся́ и да кре́пится се́рдце твоё́ , и потерпи́ Го́спода .

Псалом 31.

Блаже́ни , ихже́ остави́шася беззаконія́ и ихже́ прикры́шася греси́ . Блажен́ муж, ему́же не вменит Го́спо́дь греха́ , ниже́ есть во устех́ его́ лесть. Яко́ умолчах́ , обетшаша́ ко́сти моя́ , от́еже зва́ти ми весь день. Яко́ день и но́щь отяго́те на мне́ рука́ Твоя́ , возврати́хся на страсть, егда́ унзе́ ми терн. Беззаконіе моё́ познах́ и греха́ моего́ не покрых́ , рех: испове́м на мя беззаконіе моё́ Го́сподеви , и Ты остави́л еси́ нече́стие се́рдца моего́ . За то помолит́ся к Тебе́ всяк преподо́бный во вре́мя благопотре́бно : оба́че в пото́пе вод мно́гих к нему́ не прибли́жатся . Ты еси́ прибе́жище моё́ от ско́рби обдержа́щая мя: ра́досте моя́ , избави́ мя от обы́шедших мя. Вразумлю́ тя и наставлю́ тя на путь сей, во́ньже пойдеши́ , утвержу́ на тя о́чи Мои́ . Не будите́ яко́ конь и меск, имже́ несть ра́зума : брозда́ми и уздо́ю че́люсти их востя́гнеши , не прибли́жающих́ к тебе́ . Мно́ги ра́ны грёшному́ , упова́ющаго же на Го́спода ми́лость обы́дет . Веселите́ся о Го́споде , и ра́дуйте́ся , праведнии , и хвалите́ся , вси́ правии се́рдцем .

Псалом 56.

Помилуй мя, Бо́же , помилуй мя, яко на Тя упова́ душа́ моя́ , и на сень крилу́ Твоею надеюся , дондеже пре́йdet беззаконіе . Воззову́ к Бо́гу Вышнему , Бо́гу , благодѣявшему мне. Посла́ с Небесе́ и спасе́ мя, даде́ в поноше́ние попира́ющыя мя, посла́ Бог милость Свою́ и истину Свою́ , и избави́ душу́ мою́ от среды́ скимнов . Поспах́ смущен , сынове́ человѣчестии , зу́бы их ору́жия и стрѣлы , и язы́к их меч остр. Вознеси́ся на Небеса́ , Бо́же , и по всей земли́ слава́ Твоя́ . Сеть угото́ваша нога́м моим и сляко́ша душу́ мою́ , ископа́ша пред ли́цем моим́ яму́ и впадо́ша в ню. Гото́во се́рдце мое́ , Бо́же , гото́во се́рдце мое́ , воспою́ и пою́ во славе́ моей . Востани́ слава́ моя́ , востани́ псалти́рю и гу́сли , воста́ну ра́но . Испове́мся Тебе́ в лю́дех , Го́споди , воспою́ Тебе́ во язы́цех , яко возвели́чися до Небес́ милость Твоя́ , и даже́ до о́блак истина Твоя́ . Вознеси́ся на Небеса́ , Бо́же , и по всей земли́ сла́ва Твоя́ .

Таже, Трисвятое. И по О́тче наш:

Тропари, глас 1:

Объя́тия О́тча отве́рсти ми потщи́ся , / блу́дно мое́ ижди́х житіе , / на бога́тство неиждива́емое взира́й щедро́т Твои́х , Спасе́ , / ны́не обнища́вшее мое́ да не презри́ши се́рдце . / Тебе́ бо, Го́споди , уми́лением зову́ : / согреших́ на не́бо и пред Тобою́ .

Слава: Егда́ приидеши , Бо́же , на зѣмлю со сла́вою , / и трепѣ́шут вся́ческая , / ре́ка же о́гненная пред суди́щем влече́т , / кни́ги разгиба́ются и тайная́ явля́ются , / тогда́ избави́ мя от о́гня неуга́симаго , / и сподо́би мя одесну́ю Тебе́ стати , Судіе́ праведнейши́й .

И ны́не: Ма́терь Тя Бо́жію свѣ́мы вси Де́ву вои́стинну и по Рожде́ствѣ явльшую́ся , / любóвию прибега́ющи к Твоей́ благода́ти : / Тебе́ бо има́мы грѣ́шнии предста́тельство , /

Тебѣ стяжахом в напѣстех спасѣние , / Едину Всенепорѣчную .

Посем: Гѣсподи , помилуй , **30. Таже,** Приидите , поклонимся : [трижды.]

Псалом 33.

Благословлю Гѣспода на всякое время , выну хвалѣ Егѣ во устѣх моих . О Гѣсподе похвалится душа моя , да услышат крѣтцыи и возвеселятся . Возвеличите Гѣспода со мною и вознесѣм имя Егѣ вкупе . Взысках Гѣспода и услыша мя , и от всех скорбѣй моих избави мя . Приступите к Немѣ и просветитесь , и лица ваша не постыдятся . Сей нищий воззва , и Гѣспѣдь услыша ѿ , и от всех скорбѣй егѣ спасѣ ѿ . Ополчится Ангел Гѣспѣдень ѡкрест боящихся Егѣ , и избавит их . Вкусите и видите , яко благ Гѣспѣдь ; блажен муж , ѿже уповаѣтъ , Нань . Бѣйтесь Гѣспода , вси святѣи Егѣ , яко несть лишѣния боящимся Егѣ . Богатѣи обнищаша и възалкаша , възискающѣи же Гѣспода не лишѣтся всякаго блага . Приидите , чада , послушайте менѣ , страху Гѣспѣдню научу вас . Ктѣ есть человек хотяѣ живот , любѣй дни видѣти блага ? Удержи язык твой от зла , и устнѣ твоѣ , еже не глаголати лъсти . Уклонѣйся от зла и сотвори благо . Взыщи мира , и пожени ѿ . Очи Гѣспѣдни на праведныя , и уши Егѣ в молитву их . Лицѣ же Гѣспѣдне на творѣющыя злая , еже потребити от земли памѣть их . Возваша праведниѣ , и Гѣспѣдь услыша их , и от всех скорбѣй их избави их . Близ Гѣспѣдь сокрушенных сѣрдцем , и смиренныя духом спасѣтъ . Многѣ скорби праведным , и от всех их избавит ѿ Гѣспѣдь . Хранит Гѣспѣдь вся кости их , ни едина от них сокрушится . Смерть грѣшников люта , и ненавидѣющѣи праведнаго прегрѣшат . Избавит Гѣспѣдь души раб Своѣх , и не прегрѣшат вси , уповающѣи на Него .

Псалом 38.

Рех: сохранию пути моя , еже не согрѣшати ми языком моим : положих устом моим хранило , внегда востати

грѣшному предо мною . Онемѣх и смирихся , и умолчах от благ , и болѣзнь моя обновися . Согреяся сердце моё во мне , и в поучении моем разгорится огонь . Глаголах языком моим : скажи ми , Господи , кончину мою и число дней моих , кое есть ? Да разумею , что лишаюся аз ? Се пяди положил еси дни моя , и состав мой яко ничтоже пред Тобою , обаче всяческая суета всяк человек живой . Убо образом ходит человек , обаче все мятётся : сокроуищствует , и не вестъ , кому соберёт я . И ныне кто терпение моё , не Господь ли ? И состав мой от Тебѣ есть . От всех беззаконий моих избави мя , поношение безумному дал мя еси . Онемѣх и не отверзох уст моих , яко Ты сотворил еси . Отстави от мене раны Твоя : от крепости бо руки Твоя аз исчезох . Во обличениих о беззаконии наказал еси человека и истаял еси , яко паучину , душу его : обаче все всяк человек . Услыши молитву мою , Господи , и моление моё внуши , слез моих не премолчи : яко пресельник аз есмь у Тебѣ и пришлец , якоже вси отцы мои . Ослаби ми , да почию , прежде даже не отйду , и ктому не буду .

Псалом 40.

Блажен разумевай на нища и убога , в день лют избавит его Господь . Господь да сохранит его и живит его , и да ублажит его на земли , и да не предаст его в руки врагов его . Господь да поможет ему на одре болезни его : все ложе его обратил еси в болезни его . Аз рех : Господи , помилуй мя , исцели душу мою , яко согреших Ти . Врази мои реша мне злая : когда умрет и погибнет имя его ? И вхождаше видети , все глаголаше сердце его , собрав беззаконие себе , исхождаше вон и глаголаше вкупе . На мя шептаху вси врази мои , на мя помышляху злая мне . Слово законопреступное возложиша на мя : еда спяй не приложит воскреснути ? Ибо человек мира моего , на негоже уповах , ядый хлебы моя , возвеличи на мя запинание . Ты же , Господи , помилуй мя и возстави мя и воздам им . В сем

познах , яко восхотѣл мя еси , яко не возрадуется враг мой о мне. Менѣ же за незлобие приял и утвердил мя еси пред Тобою в век. Благословен Господь Бог Израилев от века и до века : буди , буди .

Таже, Трисвятое. И по Отче наш:

Тропари, глас 4:

Смирѣнную мою душу посети , Господи , / во гресѣх все житиѣ иждившую , / имже образом блудницу , прими и мене , и спаси мя.

Слава: Все житиѣ мое срамно иждих , Господи , со блудницами окаянный . / Якоже блудный умилением зову : / Отче Небесный , согрѣших , очисти и спаси мя , / и не отрини мене , самаго себе от Тебе удалившаго , / и безплодных ради дел ныне обнищавшаго .

И ныне: К Богородице прилѣжно ныне притецѣм , / грѣшнии и смиреннии , и припадѣм , / в покаянии зовуще из глубины души : / Владычице , помози , на ны милосѣрдовавши , / потщися , погибѣем от множества прегрѣшеній , / не отврати Твоя рабы тщи , / Тя бо и едину надежду имамы .

Посем: Господи , помилуй , **30. Таже,** Приидите , поклонимся : [трижды.]

Псалом 69.

Боже , в помощь мою вонми , Господи , помози ми потщися . Да постыдятся и посрамятся ищущии душу мою , да возвратятся вспять и постыдятся хотящии ми злая . Да возвратятся абие стыдящися глаголющии ми: благоже , благоже . Да возрадуются и возвеселятся о Тебе вси ищущии Тебе , Боже , и да глаголют выну , да возвеличится Господь , любящии спасение Твое : аз же нищ есмь и убог , Боже , помози ми: Помощник мой и Избавитель мой еси Ты , Господи , не закосни .

Псалом 70.

На Тя, Гóсподи , упова́х , да не постыжу́ся в век. Пра́вдою Твое́ю избави́ мя и изми́ мя, приклони́ ко мне у́хо Твое́ и спаси́ мя. Буди́ ми в Бо́га Защи́тителя и в ме́сто крёпко спасти́ мя, яко́ утвержде́ние моё́ и прибе́жище моё́ еси́ Ты. Бо́же мой, избави́ мя из руки́ грёшнаго , из руки́ законопреступнаго и обидя́щаго , яко́ Ты еси́ терпе́ние моё́ , Гóсподи , Гóсподи , упование́ моё́ от ю́ности мое́я . В Тебе́ утверди́хся от утробы́ , от чре́ва ма́тере мое́я Ты еси́ мой покрови́тель : о Тебе́ пение́ моё́ выну́ . Яко́ чу́до бых мно́гим , и Ты помо́шник мой крёпок . Да испо́лнятся уста́ моя́ хвале́ния , яко́ да воспою́ сла́ву Твою́ , весь день великоле́пие Твое́ . Не отве́ржи мене́ во вре́мя ста́рости , внегда́ оскудева́ти крёпости́ мое́й , не остави́ мене́ . Яко́ ре́ша врази́ мой мне, и стре́гущии ду́шу мою́ , совеща́ша вкупе́ , глаголю́ще : Бог остави́л есть́ его́ , пожените́ и имите́ его́ , яко́ несть́ избавля́й . Бо́же мой, не удали́ся от мене́ , Бо́же мой, в по́мощь мою́ вонми́ . Да посты́дятся и исче́знут оклевета́ющии ду́шу мою́ , да облеку́тся в студ и сра́м ищущии́ злая́ мне. Аз же всегда́ возупова́ю на Тя и приложу́ на вся́ку похвалу́ Твою́ . Уста́ моя́ возвестя́т пра́вду Твою́ , весь день спасе́ние Твое́ , яко́ не познах кни́жная . Вни́ду в си́ле Гóсподни , Гóсподи , помяну́ пра́вду Тебе́ Еди́наго . Бо́же мой, и́мже научи́л мя еси́ от ю́ности мое́я , и до ны́не возвещу́ чудеса́ Твоя́ , и да́же до ста́рости и престаре́ния , Бо́же мой, не остави́ мене́ , донде́же возвещу́ мы́шцу Твою́ роду́ все́му гряду́щему , си́лу Твою́ и пра́вду Твою́ , Бо́же , да́же до вы́шних , я́же сотвори́л ми еси́ вели́чия . Бо́же , кто подо́бен Тебе́ ? Ели́ки яви́л ми еси́ ско́рби мно́ги и злы́, и обра́щся оживотвори́л мя еси́ , и от бездн зе́мли́ возве́л мя еси́ . Умно́жил еси́ на мне вели́чество Твое́ , и обра́щся утёшил мя еси́ , и от бездн зе́мли́ па́ки возве́л мя еси́ . Ибо́ аз испове́мся Тебе́ в лю́дех , Гóсподи , в сосу́дах псаломских́ и́стину Твою́ , Бо́же , воспою́ Тебе́ в гу́слех , Святы́й Израи́лев . Возра́дуется устне́ мой , егда́ воспою́ Тебе́ , и ду́ша моя́ ,

юже еси избавил . Ещё же и язык мой весь день поучится правде Твоей , егда постыдятся и посрамятся ищущии злая мне .

Псалом 76.

Гласом моим ко Господу возвах , гласом моим к Богу , и внят ми . В день скорби моя Бога взысках рукама моима , нощию пред Ним , и не прельщен бых . Отвержеся утешиться душа моя . Помянух Бога и возвеселихся , поглумляхся и малодушествоваше дух мой . Предваристе стражбы очи мой : смятохся и не глаголах . Помыслих дни первыя , и лета вечная помянух , и поучахся : нощию сердцем моим глумляхся , и тужаше дух мой : еда во веки отринет Господь , и не приложит благоволити паки ? Или до конца милость Свою отсечет , сконча глагол от рода в род ? Еда забудет ущедрити Бог ? Или удержит во гнѣве Своем щедроты Своя ? И рех : ныне начах , сия измена десницы Вышняго . Помянух дела Господня , яко помяну от начала чудеса Твоя , и поучуся во всех делех Твоих , и в начинаниих Твоих поглумлюся . Боже , во святем путь Твой : кто бог велий яко Бог наш ? Ты еси Бог творяй чудеса : сказал еси в людех силу Твою , избавил еси мышцею Твоею люди Твоя , сыны Иаковли и Иосифовы . Видеша Тя воды , Боже , видеша Тя воды , и убояшася : смятошася бездны , множество шума вод , глас даша облацы , ибо стрѣлы Твоя преходят . Глас грома Твоего в колеси , осветиша молния Твоя вселенную : подвижеся и трепетна бысть земля . В мори путие Твой , и стези Твой в водах многих , и следы Твоя не познаются . Наставил еси яко овцы люди Твоя рукою Моисевою и Ааронею .

Таже, Трисвятое. И по Отче наш:

Тропари, глас 6:

Помышляю день страшный / и плачу деяний моих лукавых , / како отвещаю Безсмертному Царю ? / Или коим дерзновением воззрю на Судию , блудный аз ? /

Благоутрѣбный Отче , Сыне Единорѣдный , / Душе Святыи ,
помилуй мя.

Слава: Во юдоли плачевне , / на месте , еже завещал
еси , / егда сядеши , Милостиве , сотвори ти праведный суд , /
не обличи моя сокровенная , / ниже посрами мене пред
Ангелы , / но пощади мя , Боже , и помилуй мя.

И ныне: Милосердия двѣри отвори нам , /
благословенная Богородице , / надеющися на Тя да не
погибнем , / но да избавимся Тобою от бед , / Ты бо еси
спасение рода христианскаго .

Господи , помилуй , **30. Таже,** Приидите , поклонимся :
[трижды.]

Псалом 101.

Господи , услыши молитву мою , и вопль мой к Тебѣ да
приидет . Не отврати лица Твоего от мене : вѣньже аще
день скорблю , приклони ко мне ухо Твое : вѣньже аще день
призову Тя , скоро услыши мя . Яко исчезоша яко дым
дни мои , и кости моя яко сушило сохосаша . Уязвен
бых яко трава , и изсше сердце мое , яко забых снѣсти
хлеб мой . От гласа въздыханія моего прильпе кость моя
плоти моей . Уподобихся неясоти пустынной , бых яко
нощный вран на нырищи . Блех и бых яко птица особающаяся
на зде . Весь день поношаху ми врази мои , и хвалящии мя
мною кленяхуся . Зане пепел яко хлеб ядох , и питие мое
с плачем растворях . От лица гнѣва Твоего и ярости Твоея :
яко вознес низвергл мя еси . Дни мои яко сень
уклонишася , и аз яко сѣно изсхох . Ты же , Господи , во век
пробываеши , и память Твоя в род и род . Ты воскрес
ущедриши Сиона , яко время ущедрити его , яко прииде
время . Яко благоволиша раби Твои камене его , и персть
его ущедрят . И убоятся языцы имени Господня , и вси
царие земстии славы Твоея . Яко созиждет Господь
Сиона , и явится во славе Своей . Призрѣ на молитву
смирѣнных , и не уничижи молѣния их . Да напишется сие в
род ин , и людие зиждемии восхвалят Господа . Яко

прини́че с высоты́ святы́я Своея́ , Госпо́дь с Небесе́ на
 землю́ призре́ , услы́шати воздыха́ние окова́нных ,
 разреши́ти сыны́ умерщвле́нных , возвести́ти в Сио́не И́мя
 Госпо́дне , и хвалу́ Его́ во Иерусали́ме . Внегда́ собра́тися
 люде́м вкупе́ , и царём , е́же рабо́тати Го́сподеви . Отвеща́
 ему́ на пути́ кре́пости его́ : умале́ние дней моих возвести́
 ми . Не возведи́ мене́ в преполове́ние дней моих : в ро́де
 родо́в ле́та Твоя́ . В нача́лах Ты, Го́споди , зе́млю основал
 еси́ , и дела́ руку́ Твоею́ суть небеса́ . Та поги́бнут , Ты же
 пребываеши : и вся , яко́ риза́ обетша́ют , и яко́ оде́жду
 свие́ши я́ и изменятся . Ты же тойжде еси́ , и ле́та Твоя́ не
 оскуде́ют . Сынове́ раб Твои́х вселя́тся , и се́мя их во век
 исправится́ .

Молитва Манассии, царя Иудейска.

Го́споди Вседержи́телю , Бо́же отец на́ших , Авраа́мов , и
 Исаа́ков , и Иако́вль , и се́мене их пра́веднаго : сотвори́вый
 небе́ и зе́млю со всею́ ле́потою их , связа́вый мо́ре словом
 повеле́ния Твоего́ , заключи́вый бе́здну , и запеча́тствова́вый
 ю́ стра́шным и сла́вным и́менем Твои́м , его́же вся́ боя́тся ,
 и трепещу́т от лица́ си́лы Твоея́ , яко́ непостоя́нно
 велико́ле́ние сла́вы Твоея́ , и нестерпи́мъ гневъ , е́же на
 грѣ́шники преще́ния Твоего́ . Безме́рна же и неизсле́дованна
 ми́лость обеща́ния Твоего́ : Ты бо еси́ Госпо́дь Вы́шний ,
 благоутро́бен : долготерпели́в и многомилостивъ , и ка́йся о
 зло́бах челове́ческих . Ты Го́споди , по мно́жеству бла́гости
 Твоея́ , обеща́л еси́ пока́яние и оставле́ние согреши́вшим
 Тебе́ , и мно́жеством щедро́т Твои́х , определи́л еси́
 пока́яние грѣ́шником во спасе́ние . Ты у́бо Го́споди Бо́же
 силъ , не положи́л еси́ пока́яние пра́веднымъ , Авраа́му и
 Исаа́ку и Иако́ву , не согреши́вшим Тебе́ . Но положи́л еси́
 пока́яние на мене́ , грѣ́шнемъ : зане́ согреши́хъ па́че числа́
 песка́ морска́го . Умно́жишася беззаконя́ моя , Го́споди ,
 умно́жишася беззаконя́ моя : и несмь досто́инъ воззрѣ́ти , и
 видети́ высо́ту небе́сную от мно́жества неправд моихъ .

Слячен есмь многими узами желѣзными , во еже не возвести главы моея , и несть ми ослабленія : зане прогневах ярость Твою , и лукавое пред Тобою сотворих , не сотворивый воли Твоея , и не сохранивый повелений Твоих . И ныне приклоняю колѣна сердца , требуя от Тебѣ благодати : согрѣших , Господи , согрѣших , и беззаконія моя аз вем , но прошу моляся , ослаби ми , Господи , ослаби ми , и не погуби мене со беззаконьми моими . Ниже в век враждовав соблюдеши зол моих , ниже осудиши мя в преисподних земли . Зане Ты еси Боже , Бог кающихся , и на мне явиши всю благодать Твою , яко недостойна суща спасеши мя , по мнозех милости Твоей , и восхваляю Тя выну во днѣх живота моего , яко Тя поет вся сила небесная , и Твоя есть слава во веки веков , аминь .

Таже:

Слава в вышних Богу , и на земли мир , в человецех благоволение . Хвалим Тя , благословим Тя , кланяем Ти ся , славословим Тя , благодарим Тя , великия ради славы Твоея . Господи , Царю Небесный , Боже , Отче Вседержителю , Господи Сыне Единородный , Иисусе Христе , и Святыи Душе . Господи Боже , Агнче Божий , Сыне Отець , вземлай грех мира , помилуй нас . Вземлай грехи мира , прими молитву нашу . Седяи одесную Отца , помилуй нас . Яко Ты еси Един Свят ; Ты еси Един Господь , Иисус Христос , в славу Бога Отца , аминь . На всяк день благословлю Тя и восхваляю имя Твое во веки , и в век века . Господи , прибежище был еси нам в род и род . Аз рех : Господи , помилуй мя , исцели душу мою , яко согрѣших Тебѣ . Господи , к Тебѣ прибегах , научи мя творити волю Твою , яко Ты еси Бог мой , яко у Тебѣ источник живота , во свете Твоем узрим свет . Пробави милость Твою ведущим Тя . Сподоби , Господи , в день сей без грѣха сохранитися нам . Благословен еси Господи Боже отец наших , и хвалено и прославлено имя Твое во веки , аминь . Буди , Господи , милость Твоя на нас , якоже

уповахом на Тя. Благословѣн еси , Гóсподи , научи мя оправданием Твоим . Благословѣн еси , Владыко , вразуми мя оправданием Твоим . Благословен еси , Святыи , просвети мя оправданием Твоими . Гóсподи , мѣлость Твоя во век, дел руку Твоею не презри : Тебѣ подобает хвала , Тебѣ подобает пение , Тебе слава подобает , Отцу , и Сыну , и Святому Духу , ныне и присно , и во веки веков , аминь .

Молитва святаго Евстратія:

Величая величаю Тя, Гóсподи , яко призрѣл еси на смирение мое , и неси мене затворил в руках вражиих , но спасл еси от нужд душу мою . И ныне , Владыко , да покрыет мя рука Твоя , и да придет на мя мѣлость Твоя , яко смятѣся душа моя , и болезненна есть во исхождении своем , от окаяннаго моего и сквернаго телесе сего . Да не когда лукавый сопостата совет срящет , и препнѣт ю во тме, за неведомыя и ведомыя в житии сем бывшия ми грехи . Милостив буди ми, Владыко , и да не узрит душа моя мрачнаго взора лукавых демонов , но да примут ю Ангели Твои свѣтлии и пресвѣтлии . Дажь славу имени Твоему святому , и Твоею силою возведи мя на Божественное Твое судище , внемда судитися ми, да не примет мя рука князя міра сего , еже исторгнути мя, грѣшника , во глубину адову , но предстани ми, и буди ми Спас и Заступник . Телесныя бо и сия мучения , весѣлія суть рабом Твоим . Помилуй , Гóсподи , осквернившуюся страстьми жития сего душу мою , и чисту ю покаянием и исповѣданием приими , яко благословѣн еси во веки веков , аминь .

Таже, Трисвятое. И по Отче наш:

Тропари, глас 8:

О ком благоутробным , Гóсподи , / виждь мое смирение , / яко помале жизнь моя иждивается , / и от дел несть мне

спасения . / Сего́ ради молю́ся : / о́ком благоутро́бным ,
Го́споди , / виждь моё смире́ние и спаси́ мя.

Слава: Век мой сконча́ется , / и стра́шный Твой престо́л
гото́вится , / жити́е моё мимохо́дит , / суд мене́ ждет, претя́
мне о́гненную му́кою , / и пла́менем негаси́мым . / Слез ту́чу
пода́ждь ми и угаси́ его́ си́лу , / хотя́й спасти́ся всем
челове́ком .

И ныне: И́же нас ра́ди рождейся от Де́вы / и распя́тие
претерпе́в , Благо́й , / испро́вергий сме́ртию сме́рть, / и
воскресе́ние явле́й , я́ко Бог, / не презри́ , я́же создал еси́
рукою́ Твое́ю ; / яви́ человеколю́бие Твое́ , Милостиве , /
приими́ ро́ждшую Тя Богоро́дицу , моля́щуюся за ны, / и
спаси́ , Спа́се наш, лю́ди отча́янные .

Та́же, Го́споди , помилуй , **30. И отпуст.**

В оглавление

ПРАВИЛО ОТ ОСКВЕРНЕНИЯ

Внегда случится кому искуситься во сне по действию диаволю.

Востав от одра, творит поклоны, глаголя:

Бо́же , мѣлостив бѹди мнѣ , грѣшному .

Таже начало обычное.

Приидѣте , поклонѣмся Царѣви нашему Бо́гу .

Приидѣте , поклонѣмся и припадѣм Христу́ , Царѣви нашему Бо́гу .

Приидѣте , поклонѣмся и припадѣм Самому́ Христу́ , Царѣви и Бо́гу нашему .

Псалом 50:

Помѣлуй мя, Бо́же , по велицей мѣлости Твоей , и по множеству щедрот Твоих очисти беззаконіе мое . Наипаче омый мя от беззаконія моего , и от грѣха моего очисти мя; яко беззаконіе мое аз знаю , и грѣх мой предо мною есть выну . Тебѣ Единому согреших и лукавое пред Тобою сотворих , яко да оправдишися во словесех Твоих , и победиши внегда судити Ти . Се бо, в беззаконіях зачат есмь, и во грѣсех роди мя мати моя . Се бо, истину возлюбил еси ; безвѣстная и тайная премудрости Твоя явил ми еси . Окропиши мя иссопом , и очищуся ; омыеши мя, и паче снѣга убелюся . Слуху моему даси радость и веселіе ; возрадуются кости смиренныя . Отврати лице Твое от грѣх моих и вся беззаконія моя очисти . Сердце чисто созижди во мнѣ, Бо́же , и дух прав обнови во утробѣ моей . Не отвержи мене от лица Твоего и Духа Твоего Святаго не отыми от мене . Воздаждь ми радость спасенія Твоего и Духом Владычним утверди мя . Научу беззаконныя путем Твоим , и нечестивии к Тебѣ обратятся . Избави мя от крове́й , Бо́же , Бо́же спасенія моего ; возрадуется язык мой правде Твоей . Господи , устне мои отверзеши , и уста

моя возвестят хвалу Твою . Яко аще бы восхотел еси жертвы , дал бых убо : всесожжения не благоволиши . Жертва Богу дух сокрушен ; сердце сокрушенно и смиренно Бог не уничижит . Ублажи , Господи , благоволением Твоим Сиона , и да созиждутся стены Иерусалимския . Тогда благоволиши жертву правды , возношение и всесожегаемая ; тогда возложат на олтарь Твой тельцы .

И тропари сия, глас 7:

Пастырю добрый , душу Твою положивый о нас , / свѣдый сокровенная , содеянная мною , / Едине Блаже , упаси мя разумом заблудшаго , / и исхити мя от волка , Агнче Божий , / и помилуй мя .

Отягчен сном уныния , / помрачаюся прелестію греховною : / но даруй ми утро покаяния , / просвещая очи мысленныя , Христе Боже , / просвещение души моя , и спаси мя .

Мглою греховною и сластми житейскими сплетаем / ум окайныя души моя , страсти различныя раждает , / и в помысл умиления не приходит . / Но ущедри , Спасе , смирение мое , / и даждь ми помысл умиления , / да и аз спасаем прежде конца воззову благоутробию Твоему : / Господи Христе Спасе мой , / отчаяннаго спаси мя и недостойнаго .

Яко впадый в разбойники , и уязвен , / тако и аз впадох во многия грехи , / и уязвена ми есть душа . / К кому прибегну повинный аз : / токмо к Тебе , милосердому душ Врачу : / излей на мя , Боже , великую Твою милость .

Слава: Яко блудный сын , приидох и аз , Щедре : / приими мя , Отче , возвращающаяся , / яко единого от наемник Твоих , Боже , и помилуй мя .

И ныне, Богородичен: Избави , Богородице , от обдержавших нас грехов : / яко иного упования вернии не имамы , разве Тебе , / и от Тебе рождаемого Господа .

Таже: Гóсподи , помилуй , **40. И поклонов 50, с молитвою:**
 Бо́же , мѣлостив ми бѹди , и прости́ мя, блѹднаго , за ѿмя
 Твое́ Святѹе .

Посем молитва, святаго Великаго Василия.

Па́ки запѣт бѣх окаяннѣйшѣм умомъ и лукавымъ обычаемъ ,
 работая греху . Па́ки князь тмы и страстныхъ сладостей
 родитель , пленѣна мя сотвори , и якоже раба смиреннаго ,
 того хотѣнием , и желаниемъ плотскимъ работати
 принуждаетъ мя. И что сотворю , Гóсподи мой, и Избавителю ,
 и Застѹпниче , уповаѹщимъ на Тя, аще не к Тебѣ , па́ки
 возвращѹся и постанѹ , и милости испрошѹ , о содѣянныхъ
 мною ; но боѹся и трепещѹ , да не како всегда исповѣдаяся ,
 и отступити злыхъ обещавааяся , и на кѣждо час согрѣшая : и
 не воздавъ молитвы моея Тебѣ Бо́гу моему , долготерпѣние
 Твое́ воздвигну к негодованію . И кто стерпитъ гнѣва
 Твоего , Гóсподи ; ве́дый убо мно́жество щедротъ Твоихъ , и
 пучину человеколюбія Твоего , па́ки возвращаю себѣ на
 милость Твою , и взываю Ти: еже согрѣшихъ , прости́ .
 Помилуй мя, падшаго , даждь ми ру́ку помощи , в тѣне
 сластей погруженному . Не остави , Гóсподи , созданіе Твое́
 растлѣтися беззаконѣи моими и грехи моими , но
 обы́чнымъ Твоимъ милосѣрдіемъ и бла́гостию принуждаемъ ,
 избави отъ ка́ла и сквѣрны телѣсныя и страстныхъ
 помышлѣній , оскверняющихъ всегда ду́шу мою́ оканную :
 се бо, Гóсподи , якоже зриши , несть въ ней мѣста чи́ста , но вся
 проказѣся , и все тѣло обѣятъ язвы . Самъ убо , Человеколю́бче ,
 врачу́ душъ и телѣс , и милости источниче , очисти ту слезъ
 моихъ течѣніемъ , сихъ изливая на мя обильно : изле́й на мя
 человеколю́біе Твое́ , и даждь ми исцѣлѣніе и очищѣніе , и
 исцели сокрушѣніе мое , и не отврати́ лица Твоего́ отъ
 мене́ , да не якоже вещь, поястъ мя отчаяніа огонь, но якоже
 реклѣ еси , неложный Бо́же , яко́ велиа́ ра́дость бываетъ на
 небеси о еди́номъ грѣшникѣ каѹщемся , сие́ сотвори и на
 мне, грѣшнемъ , и не затвори́ у́шию благоутрѣбія Твоего́ , въ
 молитвѣ покая́нія моего , но отверзи́ ихъ, и яко кади́ло

исправи́ ту предъ Тобо́ю : вѣси́ бо не́мощь естества́ ,
Созда́телю , и удо́бь поползнове́ние ю́ности , и тя́жесть
тѣла , и презира́еши грехи́ , и пока́яние прие́млеши
призыва́ющих Тя истино́ю . Яко́ благослови́ся и просла́вится
пречестно́е и велико́лепое и́мя Твое́ , Отца́ и Сы́на и
Свята́го Ду́ха , ны́не и прѣсно́ и во вѣ́ки веко́в . Ами́нь .

Молитва тогожде святаго Василия.

Многоми́лостиве , нетле́нне , нескве́рне , безгре́шне
Го́споди , очисти́ мя, непотре́бнаго раба́ Твоего́ , от вся́кия
скве́рны плотскія́ и душе́вныя , и от невнима́ния и уны́ния
моего́ прибывшу́ю ми нечистоту́ , со инѣ́ми беззаконіи́
моими́ , и яви́ мя нескве́рна , Влады́ко , за благода́ть Христа́
Твоего́ , и освяти́ мя на́ше́ством Пресвята́го Твоего́ Ду́ха :
яко́ да возбну́в от мглы́ нечистыхъ привидѣ́ній диавольскихъ ,
и вся́кия скве́рны , сподо́блюся чисто́ю сове́стию отве́рсти
скве́рная моя́ и нечи́стая уста́ , и воспева́ти все́свято́е и́мя
Твое́ , Отца́ и Сы́на и Свята́го Ду́ха , ны́не и прѣсно́ и во
вѣ́ки веко́в . Ами́нь .

Молитва третья.

Го́споди Бо́же нашъ, е́же согрешихъ во дни семъ сло́вомъ ,
де́лом и помышле́нием , яко́ Благъ и Человеколюбе́ц прости́
ми. Миренъ сонъ и безмяте́жен да́руй ми. Ангела́ Твоего́
хранителя́ посли́ , покрыва́юща и соблюда́юща мя от вся́каго
зла, яко́ Ты еси́ храните́ль душамъ и телесе́мъ нашимъ , и
Тебе́ сла́ву возсылае́м , Отцу́ и Сы́ну и Свято́му Ду́ху ,
ны́не и прѣсно́ и во вѣ́ки веко́в . Ами́нь .

Молитва четвертая, святаго Иоанна Златоустаго.

Го́споди , не лиши́ мене́ небе́сныхъ Твои́хъ благъ. Го́споди ,
избави́ мя вѣ́чныхъ мукъ. Го́споди , умо́м ли или́
помышле́нием , сло́вомъ или́ де́лом согрешихъ , прости́ мя.
Го́споди , избави́ мя вся́каго неведе́ния и забвѣ́ния , и
малоду́шія , и окамене́ннаго нечу́вствия . Го́споди , избави́

мя от всякаго искушѣнія . Гóсподи , просвети́ моё сѣрдце ,
 ёже помрачи́ лукавое похотѣніе . Гóсподи , азъ яко человекъ
 согрѣшихъ , Ты же яко Богъ щедръ , помилуй́ мя , видя́ нѣмощь
 души́ моея . Гóсподи , посли́ благодать Твою́ в по́мощь
 мне , да прослávлю́ имя́ Твое́ свято́е . Гóсподи Иисýсе
 Христѣ , напиши́ мя раба́ Твоего́ в кни́зе животней и да́руй
 ми конецъ бла́гий . Гóсподи , Бо́же мой , аще и ничтоже
 бла́го сотвори́хъ предъ Тобо́ю , но даждь ми по благодати́
 Твое́й положить́ начало́ благо́е . Гóсподи , окропи́ в сѣрдце
 моёмъ росу́ благодати́ Твое́я . Гóсподи небесе́ и земли́ ,
 помяни́ мя грѣшнаго раба́ Твоего́ , студнаго и нечи́стаго , во
 Цáрствии Твоёмъ . Аминь .

Гóсподи , в покая́нии приими́ мя . Гóсподи , не оста́ви
 мене́ . Гóсподи , не введи́ мене́ в напа́сть . Гóсподи , даждь
 ми мысль́ бла́гу . Гóсподи , даждь ми слѣзы́ и па́мять
 смѣртную , и уми́леніе . Гóсподи , даждь ми по́мыслъ
 испове́данія грѣхо́въ моихъ . Гóсподи , даждь ми смире́ние ,
 целомудріе и послуша́ние . Гóсподи , даждь ми терпе́ние ,
 великодушіе и кротость . Гóсподи , всели́ в мя ко́рень
 бла́гихъ , страхъ Твой в сѣрдце́ моё . Гóсподи , сподо́би мя
 любіти́ Тя от все́я души́ мое́я и помышлѣ́нія и творити́ во
 всемъ во́лю Твою́ . Гóсподи , покрый́ мя от челове́къ
 нѣкоторыхъ , и бесо́въ , и страсте́й , и от всякі́я ины́я
 неподобны́я вещи . Гóсподи , ве́си , яко твори́ши , якоже Ты
 во́лиши , да бу́детъ во́ля Твоя́ и во мне грѣшнемъ , яко
 благословенъ еси́ во ве́ки . Аминь .

Молитва пятая, ко Пресвятей Богородице.

Пресвята́я Влады́чице моя́ Богоро́дице , святы́ми
 Твои́ми и всесильны́ми мо́льбами отжени́ от мене́ ,
 смире́ннаго и ока́яннаго раба́ Твоего́ , уны́ніе , забвѣ́ніе ,
 неразу́міе , нераде́ніе , и вся скве́рная , лука́вая и ху́льная
 помышлѣ́нія от ока́яннаго моего́ сѣрдца́ и от помраченнаго
 ума́ моего́ ; и погаси́ пла́мень страсте́й моихъ , яко нищесмы́
 и ока́яненъ . И изба́ви мя от мно́гихъ и лю́тыхъ воспомина́ній и
 предпри́ятій , и от всехъ де́йствъ злыхъ свободи́ мя . Яко

благословѣна еси́ отъ всехъ родовъ , и славится пречестное́ имя Твое́ во вѣки вековъ . Аминь .

Таже: Честнейшую Херувимъ и славнейшую без сравненія Серафимъ , без истлѣнія Бѣга Слова рождшую , сущую Богородицу Тя величаемъ .

Слава , и нынѣ : Господи , помилуй , **трижды**. Господи , благослови , **и отпуст:**

Господи Иисусе Христе , Боже нашъ , моли́тъ ради Пречистыя Твоея Матере и всехъ святыхъ , спаси́ мя , грѣшнаго .

Молитва от осквернения.

Господи Боже нашъ , Едине Благій и Человеколюбче , Едине Святій и на святыхъ почивай , Иже верховному Твоему́ апостолу Петру́ явивый видѣниемъ , ничтоже скверно , или нечисто́ мнѣти , от Тебѣ сотворенныхъ на пищу и в наслаждение человекомъ , и сосудомъ Твоимъ избраннымъ , апостоломъ Павломъ вся чиста чистымъ заповѣдавый : Ты Самъ , Владыко Пресвятій призываніемъ страшнаго и пречистаго Твоего́ имени , и знаменіемъ Честнаго и Животворящаго Креста , благослови́ и очисти́ мя , раба Твоего́ (**имярек**), осквернишагося от всякаго неприязненнаго дѣха , от всякаго мечтания и гада ядовитаго , от всякаго беззаконія и от всякаго лѣсти , от всякаго потвора и от всякаго суеты , и от всякаго недуга , и всяка язи , и от всякаго противнаго злодѣйства діаволя . И нынѣ , недостойнаго менѣ , раба Твоего́ (**имярек**), сподоби́ по Твоему́ милосердію служити пречистымъ Твоимъ Тайнамъ . И прежде очисти́ ми дѣшу и тѣло от всяка скверны , и остави́ всякое прегрѣшеніе , вольное и невольное , еже согрѣшихъ во вся дни живота моего́ , дѣломъ , словомъ и помышлѣніемъ , во дни и в нощи , и до нынѣшняго часа . И даждь ми , Господи , служеніе сіе страшное небесныхъ Чиновъ , и причастіе пречистыхъ Твоихъ Тайнъ , не в судъ , ни во осужденіе , но в прощеніе грѣховъ , и в Дѣха Святаго пришествіе , и животъ присносущныя радости ,

ПРАВИЛО ОТ ОСКВЕРНЕНИЯ

его́же ,угото́вал еси́ и́стинным Твои́м служе́бником .
Сохрани́ мя,Влады́ко Всеси́льне ,от вся́каго греха́ и зло́бы ,
соблюди́ нескве́рна и непоро́чна от вся́кия про́казы
проти́внаго диа́вола ,и даждь ми,Го́споди ,служи́ти Тебе́ в
преподо́бии и пра́вде до послéдняго дне и часа́ и сконча́ния
моего́ .

Ты бо еси́ благословля́й и освяща́й вся́ческая ,Христé
Бо́же наш,и Тебе́ сла́ву возсыла́ем со Безнача́льным
Твои́м Отце́м и с Пресвяты́м и Благо́м и Животворя́щим
Твои́м Ду́хом ,ны́не и при́сно и во ве́ки веко́в .Аминь .

В оглавление